

FIRPO

1034

BIBLIOTECA NAZIONALE
TORINO



chi l'a pi 'd fil farh pi 'd teila

Ex libris

LUIGI FIRPO

6 . 3 . 25.

St. 31

JOANNIS JOVIANI
PONTANI

V I T A

A U C T O R E

ROBERTO DE SARNO

*Congregationis Oratorii Neapolitani
Presbytero.*



~~Neapolitani~~
NEAPOLI MDCCLXI.

Excudebant FRATRES SIMONII
PUBLICA AUCTORITATE.





EXCELLENTISSIMO MARCHIONI
BERNARDO TANUSIO
FERDINANDI IV.
UTRIUSQUE SICILIÆ REGIS

IN REGNO REGENDO A SUPREMIS CONSILIIS, ATQUE
A SECRETIS IN NEGOTIIS AD EXTEROS REGES,
AD SACRAM DOMUM, SACRASQUE VILLAS,
NECNON AD CURSUM PUBLICUM, ATQUE
AD THEATRUM PERTINENTIBUS,
EQUITI CLAVIS AURÆ, AC
INTIMO REGIS CUBI-
CULARIO.

ROBERTUS DE SARNO:



Ix prelum evaserat vita hæc, cum e
vestigio ad Te properare, ac tuum
sibi auspiciū, ac patrociniū fiden-
ter exposcere præcipuo quodam jure videba-
tur.

tur. Cur id sibi vindicet; aperiam: quod nec temere factum, nec levibus ex causis, quas in operum nuncupationibus plerumque moris est pertexere, oportebit, ut fatearis. Etenim cum egomet mihi mecum vitæ tuæ consuetudinem confidero, atque egregia facinora tua cum iis, quæ Pontanus egit, confero, inter se adeo nexa, ac consimilia video, ut cum os istud tuum priscæ gravitatis, & fidei monumentum intueor, illum ipsum intueri, atque inter nos ætatem agere suam ancipiti animo interdum suspicer. Quotus enim quisque est, cui perspectum nondum etiam est Pontanum ad supremos dignitatum gradus evectum ob singularem sapientiam, prudentiam, ac in temporibus difficillimis dexteritatem, Regesque Aragonenses prope decertasse in illo exornando amplissimis beneficiis, & honoribus quantis maximis eum sibi devincentes? FERDINANDUS Rex a Secretis adhibuit, simul & Alphonsum filium litteris, & moribus informandum tradidit: postmodum in Regni negotiis impeditissimis extricandis a consiliis sibi comitem adscivit, quem vigilem, sollertem, prudentemque non tantum intus domique, sed foris belloque expertus est. Verum his immorari piget, cum oratio ad Te labatur necesse est, quem pariter spectata fatis doctrina, fides, gravitas, quas

quas in Te sitas prædicabant universi, olim inter belli tumultus intime commendarunt Regi CAROLO omnium retro Principum præstantissimo, ac hominum æquissimo æstimatori, qui munus a secretis Tibi probe demandari autumavit. Hoc in munere quo pacto Te gesseris nihil est, quod hujusce epistolæ cancellis tam difficile concludi queat: vel potius eccuinam inauditum, aut incompertum esse potest, cum ubique locorum perfectæ tuæ sapientiæ, cumulatæque virtutis vigeant monumenta una cum sæculis, ætatibusque hominum duratura. In hac urbe, & in foro quidem litigatorum ambages, & licentiam coercuisti, legumque severitatem pene defluxam vel novis per optimum Regem, Te auctore, conditis legibus, vel veteribus restitutis, revocasti. Ceteris autem hujus Regni Provinciis antehac despectissimis, quæ per Te parta quies, qui civilis cultus, ac nitor? cum id tantopere caveris, ut Juris consulti probatissimi in his locis jus dicerent, ac rei universæ publicæ in angustias redactæ opem ferrent, atque impiorum hominum, qui vel impune discurrentes, aut in insidiis succenturiati bona diripiebant, ac cuique bono insidiabantur, impetus, ac audaciam retunderent. Neque a recti proposito Te unquam dimovit vel alicujus gratia, vel opum conqui-

ren-

rendarum amor, a quo animus abhorruit, cum id hucusque quæstum duxeris maximum, hujus urbis, & Regni commodis quam maxime inservire; adeo ut in Te apte cadat Pontani effatum illud, qui instigantibus amicis uti ditesceret, statim subiciebat: *Egere nolo, opulentus esse recuso*; id quod est sapere, & omnem omnino maculam effugere. Quare nemo umquam a Te rem injustam petere ausus est, sed emeritam, ac debitam: Hinc factum, quod cum duobus abhinc annis, magna rerum mutatione impendente, CAROLUS Rex Pientissimus longe gentium ad Iberos profecturus esset (cujus temporis recordatione adhuc animus mœret) Tibi uni tum concedidit penitiora, atque gravioris moliminis negotia. Quod vero unumquemque in admirationem tui traduxit, id sane fuit Te tam multa, atque aspera aggressum tam celeriter absolvisse. Isthæc eximie acta effecere, ut CAROLUS Rex non modo inter X. Viros hujus Regni Moderatores excellentissimos adlegerit, sed & uni Tibi laboriosas curas demandaverit. At cum hæc, & alia olim urfere, ac porro impensius urgeant, inter quæ vix hiscere ad ducendum spiritum ceteri quivissent, nunquam Te a Musarum quam arctissimo consortio avulsum compertum, atque exploratum est, neque impedimento ullatenus sunt,

sunt, quominus & doctis libris impallescas,
& conventibus litterariis intersis, ac præsis.
Vel in hoc quidem Pontani æmulator extiti-
sti: nam Pontanianam Academiam, cujus ru-
mor olim orbem pervaserat, quæque artes,
& disciplinas intermortuas excitavit, floruif-
se demum visum est sub CAROLI Auspiciis, Te
suasore, restitutam, quam Societatem, an Em-
porium doctissimorum virorum, an quo alio
nomine vocem? inter quos eminet Doctiss. Ma-
zochius, quem non aliter salutandum reor,
quam verbis Caroli le Beau Parisiensis Aca-
demiæ Scribæ perpetui, *totius Europæ littera-
riæ miraculum*. Hisce viris Tu non præses tan-
tum, sed & eorum recitationibus ades, ac
sæpius tuam profers de rebus obscurioribus
sententiam, nihil ut magis illi vereantur, quam
acre, ac defæcatum iudicium tuum. Cui sane
quam uni Tibi accepta referimus tot monu-
menta ex Herculanei visceribus effossa, quæ
post tot sæculorum intercapedinem facta tecta;
nunc sane obmarcuissent, vel pessum ivissent,
nisi opera intentiore id egisses, ut signa, vasa,
toreumata, scalptæ gemmæ, atque id genus
alia, suis quæque reposta loculis, diligenter
adservarentur: picturæ vero in æs incisæ Aca-
demicis distribuerentur, qui accommodatis com-
mentariis, aut dilucidis explanationibus eas in-
strue-

struerent ; quarum duo volumina sollerti studio tuo, ac labore in ordinem digesta, atque in compendium coacta, ne spissiora, quam par erat, evaderent, typis magnifice excusa, & sumptu vere Regio non sine ingenti litteratorum hominum plausu, atque oblectatione in lucem prodire, & tertium jam prelo madet. Potiori igitur jure hic proloqui mihi fas sit, quæ olim Petrus Summontius sibi ominatus est, fore scilicet, ut posteritas suæ ætati invidisset, cui frui Pontano licuerit ; quando nobis gratulandum est, quod feri nepotes nos beatos prædicabunt, quibus Te propius intueri contigerit, & ad quos ex tuæ sapientiæ laticibus tot manarint commoda, unde hæc hilariora refulgent tempora. Jam Tanusi Amplissime, id libenter exposui, quod initio receperam, quo non aliis sub auspiciis, quam tuis vitam hanc edendam Tibi admodum suasissem ; si quid amplius verbum adderem apud Te gravem offensionem subire vereretur.



Pontani Stemma Gentilitium



Irari numquam destiti, & causam sedulo inquirere, cur JOANNIS JOVIANI PONTANI de Rep. litteraria benemerentissimi vitam nemo unus adhuc dum perscribere accuravit, cum nihil quidquam egregii viri decori augendo, patriæ ornamēto, civiumque animis ad virtutem exacuendis congruentius fore reputaverim, quam illius res gestas litteris ære perennioribus consignare. Fateor equidem non defuisse quamplurimos, qui Pontani vitam memoriæ aliquando proderē polliciti sint, sed horum alii obstrictam fidem fallere veriti non sunt: alii contra vix pauca protulerunt Joviani facta, veluti disjecta membra, ut illum misere discerptum palam conqueri me haud pœniteat. Profecto quidquid in causa fuerit, quamobrem ab hoc opere se abstinuerint,

rint , decernere nequeo : acrius tamen pupugit me Pon-
 tani ædæ silentio contabescere debuisse ; atque hoc mo-
 numento carere Neapolitanos , quibus affatim gloriæ
 ac famæ plurimum Jovianus apud exteros peperit ,
 adeo ut quotquot ex locis vel longinquis ad Nea-
 polim confluunt anxie de Pontano rogent , & re-
 ligione quadam recolendæ ejus memoriæ tacti Ædem
 ab ipso constructam invisere gestiant . Hinc retro
 ætis annis cum Philippus D' Orvillus Amstalda-
 mensis ingentis eruditionis vir eam situ squalentem ,
 & illuvie obsitam promercalium rerum officinam fa-
 ctam contemplatus esset , temperare se nequivit , quin
 cultissimo carmine Neapolitanos distringeret , utpote
 qui in ossa Pontani impune grassari paterentur . At
 quatuor abhinc annis cum lis exarserit pro instau-
 randa hac Pontani Æde partim incuria , partim tem-
 poris injuria fatiscente , CAROLUS tunc Neapolitano-
 rum & Siciliensium Rex providentissimus imperavit ,
 ut in pristinam dignitatem , ac munditiem ædificium re-
 digeretur ; & marmora tum græca , tum latina in-
 ternis hujusce ædis parietibus affixa , vel solo pro-
 strata , quæ aut ob exesas pene litteras incommoda
 legentibus , vel flagitiose dissecta conspiciebantur , in
 integrum restituerentur , subiecta etiam græcis lapi-
 dibus latiori interpretatione . Sed ne alio defletere
 videar , æstuante hac controversia amicorum sele-
 ctissimi de Pontano , ejusque operibus crebra collo-
 quia serentes hortari , atque latus fodere , ut de-
 side-

sideriis ipsorum litatum irem , & Pontani vitam ,
 de qua meditabar , aliquando elucubrarem : accessit
 hisce stimulis patris mei auctoritas , & ius-
 sum , adeo ut negotium in me ipse susceperim . In-
 terea nihil non rerum satagi , ut quoad fieri posset
 diligentia ac sollertia Joviani acta vel ex perpeti
 ejusdem operum lectione depromerem , auctoribusve
 συγγραφοῖς , vel ex eruditis M. S. probe excussis ex-
 cerperem . Quandoquidem non piguit temporis , ac ope-
 ræ plurimum impendisse sordis , ac non indecori pul-
 veris patientissimum in pervolutandis Regiis Tabula-
 riis , nempe ad id , ut non alibi compertum ex se-
 quioris ævi diplomatibus , & publicis instrumentis ex-
 tundere satis essem . Attigi leviter quibus causis im-
 pulsus , & quo labore perfunctus vitam hanc conte-
 xere studuerim : licebit postremo bene mihi ominari
 de hac qualicumque opella , ex qua si minus gloriæ ,
 gratiæ non parum (quod maximis in lucris ponam)
 apud cives meos assecuturum reor .



Rev. D. Julius Laurentius Selvaghinus S. Tb. Professor , & Archiep. Ac. Socius revideat , & in scriptis referat . Neapoli die 28. mensis Martii 1761.

I. EPISC. PHILADEL. VIC. GEN.

JOSEPH SPARANUS CAN. DEP.

EMINENTISSIME PRINCEPS.

Celebriora qua sacra qua profana litteratae Antiquitatis monumenta studiose persequi semper maxima in laude posuit doctorem hominum existimatio : tum vero de patriis potissimum sive originibus , sive praecipuis Historiae capitibus commentari ; praesertim ubi ex tenebris , ac squalore vetustatis excitentur , judicioque acri , & adcurato expendantur , atque instaurentur , longe omnium praeclarissimum autumo . Atqui utrumque istuc praestitit eruditissimus juvenis Robertus de Sarno Congregationis Oratorii Neap. Sacerdos . Namque & aliquot abhinc annis binas edidit numeris omnibus absolutas dissertationes ; in quarum altera Aristaeanam de Lxxvicali Interpretatione Historiam erudite excutit ; in altera vero de Haeresi Praedestinariana edisserit : quae Romanis typis excusae non sine maximo litteratae caveae plausu circumferuntur . Tum vero nuper Jo: Joviani Pontani Vitam improbo sane labore ex abditissimis , iisdemque gravissimis monumentis collegit , quam germana latini sermonis integritate eleganter conscriptam publicae usurae modo concedere postulat . Egregium sane Opus , quod quum Eminentia Tua jubente avide quidem , nec sine magna animi voluptate perlegerim , typis in publicum quantocius committendum censeo : quandoquidem non ego quicquam in eo offendi Fidei , atque Ethicae Christianae adversum . Optandum sane , ut eruditus juvenis nihil reliqui faciat , quo minus ingenii sui felicitate Pontanianæ Academiæ historiam , quam sponder , brevi edat :
quod

quod sane si praestiterit de publica re litteraria plurimum merebitur. Neapoli XIII. Kal. Jun. CIOIOCLXI.

Eminentiae Tuae

Humillimus, devotissimus, obsequentissimus
Julius Laurentius Selvaghius.

*Attenta relatione Domini Revisoris imprimatur. Datum Neap.
die 20. Maii 1761.*

I. EPISC. PHILADELP. VIC. GEN.

JOSEPH SPARANVS CAN. DEP.

Mag. Doctor D. Franciscus Seraus in hac Studiorum Universitate Professor Primarius revideat, & in scriptis referat. Datum Neapoli die 13. Augusti 1761.

NICOLAUS DE ROSA EPISCOPVS PVTEOL. CAP. MAJ

VITA Joannis Joviani Pontani a P. Roberto de Sarno Congregationis Oratorii Presbytero edita commendatissima esse debet cum ab Auctoris exquisita diligentia in eruendis colligendisque monumentis ad rem facientibus, tum a praestantia celebritateque ejus hominis, in quo doctrina, eruditio, ingenium, humanitas, fortuna demum ipsa impense emicuerunt. Id commentarium nihil habet Regiis publicitve juribus adversum; ideoque imprimi posse censco.

Neapoli VII. Idus Septembres MDCLXI.

Franciscus Seraus Professor Regius.

Die

Die 22. mensis Septembris 1761.

Viso rescripto Suae Regalis Majestatis sub die 18. currentis mensis, & anni, relatione facta per Mag. Doctorem D. Franciscum Seraum de commissione Reverendi Regii Cappellani Majoris ordine praesatae Regalis Majestatis.

Regalis Camera Sanctae Clarae providet, decernit, atque mandat, quod imprimatur cum inserta forma praesentis supplicis libelli, ac approbationis dicti Revisoris; verum in publicatione servetur Regia Pragmatica. Hoc suum.

ROMANUS Praeses.

FRAGGIANNI .

GAETA .


SCASSA .

Reg. f. 91. a ter.
Carulli .

Athanasius :

JOAN.





Frone. La Marra Neup. delin. et incidit.



JOANNIS JOVIANI PONTANI

V I T A.



Oannes Pontanus. (a) Jacobi filius natus est Cereti (b) in Umbria anno 1426. mense Decembri, & fortasse a. d. VI. Kal. Jan. (c). Majores ejus pulsi e patria ob civium seditiones fuer

(a) Ex brevissimo Tristani Caraccioli MS. quod exstat in bibliotheca Marchionis Matthæi de Sarno parentis mei, & in fine hujus libelli typis edendum spondeo, erui majores Joannis cognomen Pontani accepisse ex eo, quod e patria pulsi ob civiles discordias Pontum, qui parum distat a Cereto, confugerunt. Ex hujus viri sententia quisque objicere merito posset Pontani gentem olim aliud siquidem cognomentum obtinuisse: sed in hac temporum caligine quisnam de hoc aliquid certi in medium afferre queat, cum ne vola quidem, aut vestigium apud scriptores?

(b) Benedictus Varchius in *Herculano* pag. 144. asserit Pontanum Hispelli, Tristanus autem Caracciolus in MS. Ponti ortum fuisse: sed satius duxi adstipulari viris præstantissimis, nimirum Gerardo Joan. Vossio de *Historicis Latin.* lib. III. pag. 607. Lugd. Batav. 1651. Paulo Jovio *Elog. Virovum litteris illustr.* pag. 60. Basilæ 1677. Henrico Wharton in *Append. ad histor. litter. Guilelmi Cave* pag. 187. Londin. 1689. qui scribunt patriam Joannis fuisse Ceretum, atque in hujusmodi sententiam ceteri etiam scriptores pedibus ivere: a priscis usque tempestatibus pugnatum est de maximorum virorum patria, quo non unæ civitates sibi ab ipsis famæ plurimum emendicarent.

Ceretum, quod & Ceratæ, *Cereto* vulgo, castrum Umbriæ ad Neram fluvi. propter radices Apennini montis, & in confinio agri Anconitani 15. mill. pass. a Nursia in occasum, Spoletum versus 12. Qui plura de Cereto desiderat, adeat Leandrum Alberti Bononiensem in descriptione totius Italiæ post pag. 93. Venet. 1631. Italice edita, præter Baudrand, & Martynierum.

(c) Initis temporum rationibus natalitium Joannis Pontani tempus præfigo ann. 1426. re a me bene pensitata revolvente Pontani dialogum

A

in scri-

re, inter quos exarserunt deterrima diffidia, ita ut in partes scissi mutuis odiis, atque intestinis discordiis perciti ad favitiem obduruerint, & interneciones anhelarent (a).

Ja-

inscriptum *Afinus* tom. 2. pag. 178. Venet. in ædib. Ald. mense Junio anno 1518. tom. 3. ubi verba facit Pontanus de frædere inter Innocentium VIII. Sum. Pontif. & Ferdinandum I. Neapolitanorum Regem iusto, quod procul dubio contigit anno 1486. ibique semet ipse *sexagenarium hominem* fatetur.

At quonam mense prodierit in lucem Joannes, exprompsimus ab operibus Alexandri ab Alexandro *Dierum Genialium* lib. I. cap. 1. Lugdu. Batav. 1673. Forte autem, inquit, cum natalis sui diem annum Decembrio mense, ut solebat (Pontanus) cum amicis celebrare vult, evenit, ut & nos una cum reliquis mihi conjunctissimis primis ab eo tenebris acciti apud eum conveniremus. Lætor me etiam diem divinasse; nam Joannes ei nomen inditum, ac Ædem præclarissimam Evangelistæ Joanni ipse sacraverat, cujus sollempnis dies VI. Kal. Jan. addictus est.

(a) Ithæc siquidem diffidia legere est in operibus Pontani lib. de *Immanitate* tom. 1. post pag. 319., quæ graphice, ac diserte more suo describit: *Aviam meam Leonardam, rarissimi exempli matronam, non sine multis lacrymis puer audiebam referentem, cum inter digladiantes quasdam inter se familias inimicitia summis excercerentur odiis, capium quempiam factione ex altera, eumque e vestigio concisum in minutissima etiam frustra, moxque exemptum illi jecur in prunis, candentissimisque carbonibus ab factionis ejus principibus tostum, perque buccellas minutim dissectum, inter cognatos ad id invitatos in jentaculum distributum. Quæ aut luporum tam exanhelata rabies, aut servientis pro erepta prole tigridis hanc ipsam superaverit? Allata etiam post degustationem tam execrabilem pocula non sine collecti cruoris aspergine. Congratulationes habitæ inter se, risus, joci, leporesque cibum ipsum condientes. Denique & Diis ipsis propinatum, tantæ vindictæ fautoribus. Quod hic exclamem, nihil habeo, ni forte immaniora his, & ab natura hominis alieniora subjunxerim. Majores mei pulsæ patria, domesticas ob seditiones, munitionem sibi constituerant in agro, ac solo proprio, turrimque ibi ex lapide edificaverant, qua munita, uxores, liberos, remque familiarem omnem ibidem tuebantur. Indeque adversarios & suis, & clientum, atque amicorum opibus insensius lacebabant. Forte accidit, quod tunc res sic ferebant, ut socii ab hostibus suis graviter oppressi viri suppetias ferrent paucis præfidiariis, cum mulieribus, ac parvis liberis relictis, qui munitionibus, ac turri præsidio essent. Hoc comperto,*

ad-

3

Jacobus pater, qui matrem habuit Cæciliam (a), & generis splendore, & munerum fama maxime floruit: etenim, præter oris gratiam, eloquentiam in ipso commendat filius, eumque ait honore togæ, & rei militaris virtute etiam præcelluisse (b). Is uxorem duxit

adversarii summis conatibus munitiones repente aggressi eas per vim eapiunt, ac propugnatoribus casis, turrim aggrediuntur. Proavia ibi mea duobus cum parvis liberis se tuebatur. Accedunt germani fratres, factionis alterius principes, hortantur, deditionem uti faciat: illa deditionem pollicetur, incolumibus tamen, ac salvis infantulis. Negatur a fratribus conditio. Res a gladiis, ac sagittis ad incendium venit. Ibi infelix matrona, quamquam supra sexum fortissimo pectore, in abditiore sese locum includens cum utroque filiolo, sumo, ac flammis eneclæ exurit, caruitque fraternam ob impietatem, factionisque immanes animos sepulcro. Quorum ego puer cineres, siqui reliqui esse poterant, collectos, Christiana matre id procurante, per eos, qui tunc aderant, clientes in sanctum ferendos, ac collocandos curavi. Quamvis autem domesticum hoc factum tacendum fortasse satius fuisse videatur, sateri tamen liceat, ut Aurienta proavia mea nihil muliebri in sexu atas illa fortius, atque in liberos suos indulgentius vidit, ita nihil ejus fratribus fuisse execrabilius, aut humana ab natura diversius, quin in sanguinem suum ipsum nihil prorsus perniciosius, magisque truculentum, atque efferatum.

(a) Pax umbra, requiesque urnæ, quæ contegit umbram,

Thura adolete, sacri spargite fontis aquam.

Salve avia, æternumque vale: cape grata nepotis

Munera, nec lacrymas sperne, nec inferias.

Cæcilia, & tibi sit tellus levis, & fluat urna

Ambrosia, ambrosius stillet & usque liquor.

Et tibi perpetuum spiret ver, servet & urnam,

Quam tu servasti cum pietate, fides.

Lib. II. Tumulorum pag. 3403. Basil. an. 1556. tom. I.

(b) Clarissime id eruitur ex tumulto, quem Pontanus paravit patris memoriæ. Ibid. pag. 3408.

In tumulto situs est vatis pater: hoc satis esset,

Sed pater ipse suis laudibus auctus erat.

Cui gentilis honor, cui lingua ornatus, & oris,

Atque toge, atque hasta cui vel utrumque decus.

Non est, quod tumulto exoptes: celum ille petivis:

Sed venerare piis ossa reposta locis.

xit nomine Christianam (a) ab Leonarda Pontana ortam (b), ex qua Joannem procreavit, qui ærumnis plena, atque admodum dura usus est prima æta-

Ante diem rapuit Jacobum mors: filius illi

Infans, que nequit, dat modo iusta senex.

(a) Pontanus ad feretrum Christianæ matris pag. 3409.

Has te ego ad inferias, mater, voco: tu mea mater,

Accipe cum fletu munera mixta suo.

Te natus vocat ad feretrum: tu munera nati

Accipe, & has lacrymas accipe, & hos gemitus.

Quid natum, mater, fraudas spe? nec mihi flenti

Eximis aut lacrymas, eximis aut gemitus?

O dulces matris vultus, o mollia corda!

Mater adest, matrem jam peto, jam teneo.

Jam ridet nato mater, jam brachia tendit:

Jam teneo amplexus, ipse ego jam teneor.

Heu natum mater, natum fugit immemor! heu nil

Ipsi, nisi manes, & levis umbra sumus!

(b) Tumulus Leonardæ Pontanæ, aviæ maternæ.

Viator, & Genius colloquuntur pag. 3402.

Dî manes salvet: an quas hic conditis umbras?

Salve hospes: Sanctam condimus hic animam.

Quis titulus? Leonarda jacet Pontana sepulcro,

Post centum ac denas conditur hic segetes.

Custodes quis vos statuit? Probitasque, Pudorque

Constituit tumulos, an Dea? constituit.

Religio tumulos statuit: juvare puella

Pierides, quoniam cura nepotis erat.

Tu requiem cineri optato, sic fata quiescant

Et tua. Vis ne aliud? Jamque valet, abeo.

Hæc quamvis maxima natu salubriora quæque instillare tenellulo ejus pectori satagebat: *Avia nostra materna*, Pontanus de Liberalitate post pag. 103. probatissima femina referre nobis pueris in admonitionibus solebat exemplum post magnopere divulgatum. Locupletem mulierem, unicum cum haberet filium, eumque patre orbatum, ita illum a teneris educasse annis usque ad adolescentiæ florem, ut ipsa indulgente amplum patrimonium turpissimis artibus ante vice-simum annum absumptum, ac dissipatum ab illo fuerit. Adolescentem, eum egere capisset, assuesse rapere, furari, jusjurandum vendere. Captum autem a Pratore, cum ad supplicium duceretur, impetrasse, ut sibi matrem sine teste alloqui in via liceret, quæ ubi aurem filio admo-

vissit,

5

ætate : etenim incidit in ea infesta tempora , quibus adhucdum efferata illa animorum divortia vige-
bant.

visset , tum illum mordicus matris nasum apprehensum avulsisse den-
tibus , atque in humum exspuisse exclamantem : Sit hoc , cives , pre-
mium materna educationis . Discant igitur matres alie liberos suos bo-
nis artibus educare . Non Prætor , inquit , sed mater me mea ducit
ad supplicium .

Binos alios tumulos reperio apud Pontanum pag. 3403. 3408.
quorum prior dicatus Materteræ , alter Sorori .

Tumulus Nellæ Materteræ .

*Nec patria profugus puer , exsutusque bonorum ,
Nella , tibi aut tumulos , aut pia iusta dedi .
Nec pro blanditiis lacrymas , pro munere vita
Mortis dona tuo persolui cineri .*

*Nella , vel affectus matris , vel munus obibas ,
Nulla mihi nutrix , Nellaque mater eras :
Nunc procul a patria senior jam dona feretri ,
Et iusta , & cineri debita persoluo ,
Æternum mihi , Nella , vale , ac requiesce sepulcro ,
Et valeant cineres , & mihi mater ave .*

Tumulus Penthesileæ Sororis .

*Septennem te fata , soror , rapuere parenti ,
Dum tener in cunis ubere matris alor .
Non sensi tua fata , tamen consueta petebam
Oscula , consuetos blanda per ora modos .
Sæpe sinum , dulcissimæque jocos , tenerosque cachinnos ,
Et vultum , & gratis illita verba sonis .
Sæpe etiam lacrymis , quod abes , & voce querebar ,
In somnis etiam sæpe petita mihi .
Et risi , quod ades , fleui , quod abire parabas ,
Uberaque ex ipso reppulit ore dolor .*

*Senserat hoc nutrix , fingit vocem ipsa sororis .
Admovit repetens ubera ad ora mihi .*

*Non potui soror in cunis præstare sepultæ ,
Nunc titulum , & lacrymas , verbaque fratris habe .*

*Sparge , puer , viola tumulum : diffundite nardum ,
Fumet odorato myrrhaque , thusque rogo .*

*Accipeque & lacrymas fratris , soror , accipe questus ,
Atque etiam , atque etiam , Penthesilea , vale .*

Præter hanc sororem , aliam habuit Joannes Pontanus , cujus nomen
latet , qua de aetate in de Liberalitate tom. 1. pag. 105. Nos ipsi ta-
mensi tenues homunciones , licet inter tantos viros , qui numeremur in-
digni

bant (a). Hac in seditione pater interficitur (b); at sedula matris cura, quæ quatuor, & viginti annos orbata viro fuit (c), ab infidiis, atque aduersarum partium immanitate subreptus Joannes Perusium confugit (d). Hac in urbe prima litterarum lineamenta duxit (e) sub perquam optimæ Matris sollicitia, quæ inter cetera ei recte casteque loquendi normas, præter morum honestatem, tradere adlaborabat (f). Gram-
mati-

digni, prædiorum, fortunarumque avitarum, totiusque paternæ rei usum, atque possessionem sorori nostræ permisimus, contenti bonis iis, quæ Neapoli, atque in Campania labore, industriaque nostra comparassemus.

(a) Pontanus de *Liberalitate* tom. 1. pag. 109.

(b) Ne verbum quidem ullum reperire est in Pontani operibus de patre interfecto, attamen non e re esse putavi adhærere opinioni cl. viror. Tristani Caraccioli in MS. Paulli Jovii *Elog. Viror. litteris illustr.* pag. 60. Gerardi Vossii de *Historicis Latin.* lib. III. pag. 607. & Henrici Wharton in *Append. ad Histor. Litter. Guilelmi Cave* pag. 187.

(c) Pontanus lib. III. de *Obedientia* tom. 1. pag. 22.

(d) Tristanus Caracciolus in MS.

(e) Pontanus lib. V. de *Sermone* tom. 2. pag. 238. Tristanus Caracciolus ibidem.

Scholæ Perusinz, in primis Academia, humanioribus litteris, atque omnium disciplinarum studiis semper florere: videtis præ ceteris Ughellium in *Append. tom. 1. pag. 67. Romæ 1644.* & Jacobum Middendorpium de *Academiis universi terrarum orbis* lib. III. pag. 468. Colonia 1583.

(f) Talia seræ posteritati mandat Pontanus Lib. II. *Tumulus* pag. 3409. ob grati animi significationem in matrem, cujus in sinu, & indulgentia optime educatus per omnem honestarum artium cultum pueritiam transegit.

Tumulus Christianæ matris.

*Optabunt tibi, Christiana, Musa
Ad bustum bene, nec mihi negabunt
Ad matris tumulos adesse fienti.
Hos, lactis precium tibi quotannis,
Ex voto lacrymas, parens, dicamus.
Hos questus tibi pro labore, & æstu,
Pro puerperii damus dolore,
Pro casta simul institutione,*

Pro

maticam doctus ab Vido Thrasimeno, quem ipse *apprime excultum* salutat, deque ejus valetudine rem sane novam, ac lepidam memoriæ tradit (a). Sed mater Christiana de parva Pontani ætate, ejusque institutione studiosa ac sollicita, cum sciret quotidie ceteris condiscipulis palmam eripere, prudenti sane consilio hilares muliebres motus virili quadam fortitudine comprimebat, & simulatione decora non extollere puerum coram adamabat, sed magis magisque cohortabatur filium ad perdiscenda grammatices præcepta (b). Atque isthæc studiorum semina tamquam in bonum solum injecta continuo latissimam emittebant

*Pro linguæ studiis, bonique cultu,
Et desiderium tui perenne,
Et suspiria pectoris vovemus
Cum luctu, gemitu, dolore, & æstu.
Nec Musæ numeros negant querenti,
Quod vivis bene, quod Deos vereris,
Quod castum colis, & probas modesta.
Hinc te Pierides puella amarunt,
Amavit Dea, virginum magistra,
Atque hinc te ad socios choros vocarunt,
Inter quos agis, & beata ludis.*

(a) In Pontani operibus *de rebus Celestibus* tom. 3. lib. VIII. post pag. 227. isthæc leguntur: *Vidus Thrasimenus grammaticus apprimè excultus, quâ tempestate illum audiebam, narrare solebat, graviterque etiam queri, se supra quatuor ac viginti annos quartana continenter laborasse, etsi continentissimis erat moribus, summaque sobrietate: & de Sermone tom. 2. pag. 238. Vidus grammaticus, quem ego adolescentulus Perusia audiui, senem jam retinentem tamen dignitatem institutore dignam. De ceteris Joannis præceptoribus nihil in medium afferre audeo, nec aliquid ab scriptoribus, atque MSS. colligere satis fui.*

(b) Pontanus lib. VI. *de Sermone* tom. 2. pag. 248. *Mater mea Christiana de me admodum puero cum esset sollicita, sciretque me assiduum agere apud grammaticum, primasque ferre inter condiscipulos partes, nec laudare coram vellet, alibi his adoriebatur: Quid, o fili, de te audio? quod hodie superatus e ludo discesseris in theatra Latinis verbis explicando: alibi, at ego mellitum tibi edulium paraveram, quod sperarem te victorem litterariae concertatione redditurum,*

bant frugem : in eoque ætatis flore mira ingenii celeritas , & ubertas prodibat , lateque fulgebat erectæ virtutis indoles , ita ut , quanta luce , ac fama gentilem , & domesticam gloriam esset cumulaturus , quique jam portenderet (a).

In patriam iterum sese recepit , necdum sedatis rebus , & dum clandestina non adhuc odia confenuerant . Inde , rei familiaris jactura facta , tot tantisque periculis , ac inopinatis casibus perterritus longe a patria denuo peregrinari cogitur . Sed ad fatidis audax inceptum non sine magna ingenii laude ,
quod

rum , redis victus ? Quod igitur tibi paraveram , ad eum sum , qui te vicit , missura . His igitur , atque aliis mater gaudium dissimulabat , dum laudare puerum me coram omnino defugit , Socraticamque per dissimulationem hortabatur ad perdiscendas litteras . Ibidem pag. 241. Narrare quoque solita est Christiana mater , cum noctu adulescentulus lectitarem ad candelam , exstitisse patrem familias , cui gemini essent filii , morientemque illum , tum suppellectilem multam illis reliquisse , tum olei non mediocrem summam , quo nocturna uterentur ad opera , tenebrasque evigilandas ; alterum itaque ex iis in conviviiis , ac cœnis oleum consumpsisse , exque eo brevi in inopiam redactum : alterum vero dedisse operam litteris , oleoque nocturnis in lectionibus usus quum esset , pervenisse ex eo ad summas divitias ; captum igitur cantari per urbem de utroque hujusmodi carmen : **HIC OLEUM , ET SE PERDIT , DUM AD CANDELAS COENITAT : ILLE ARCAM , ET SE DITAT , DUM AD LUCERNAS LECTITAT .** Ejusmodi igitur sabellæ cum sint ad bonos mores instituta , atque ad recreandos animos , & delectare debent , & prodesse . Quanto novam , liberalemque ingenii artem mater excogitarat , qua institueret filium ad gloriam omni quidem ævo duraturam ! Exemplum dives , quod utinam hujus inficeti sæculi parentes secutentur .

(a) Haud ambigere quimus , quin Pontani familia & antiquitate generis , & majorum gloria floruerit : vide inter alios , quos hic brevitatis ergo posthabere pretium est , Petrum Summontium *Epist. prælim. lib. I. de Prudentia tom. 1. post pag. 146.* & Henricum Wharton loc. paullo ante recit. Hæc enim familia illustrium Heroum feracitate perquam illustris ; inter horum album Ludovicus Pontanus merito accensendus , sui temporis Jurisconsultorum al-
pha , qui diem obiit , cum adesset concilio Basileæ ann. 1439.

habi-

quod ad majora adolescentem urgebat , perficiendum aggredi constituit . Joannes enim ad Alphonsum Neapolitanorum Regem in Etruriam adversus Florentinos bella gerentem iter perrexit , quem inaudiverat ingeniorum æstimatorem , & litterarum tutelam (a) ; quocum non multo post Neapolim venit (b) . Ipse mox in gravem morbum incidit ; verum Julius Fortis Messanensis (c) , qui ab Alphonsi Regis censu , &

a ra-

habito , & Octavius , sive Octavianus Pontanus , qui legatus missus est Basileam Summo Pont. Pio II. atque denatus ann. 1460. qui , si plus vitæ datum esset , in amplissimum Cardinalium collegium cooptatus fuisset , hujus rei fundum do Apostolum Zenum in *Vossian. Dissertationibus* Italice conscriptis tom.2. pag.174. Venet. 1753.

(a) Ubique gentium Alphonsi nomen de litteris optime merentis incaluerat , ad quem ea fortasse fama ductus se contulit adolescens : *Alphonsus* , Pontanus de *Liberalitate* tom. 1. post pag. 109. adolescentulos quosdam cum intellexisset ob parentum inopiam , quibus coperant disciplinis continuare operam non posse , eos in Galliam ulteriorem Parisios misit , pecunia statuta , quæ illis suo ex arario suppeditaretur . Patrum , avorumque memoria clari quidam viri , alii Persiæ , alii Paduæ prædia ab se emptæ gymnasiis dedicaverunt , e quorum fortune paupertas adolescentium sustentaretur , qui philosophia , aut civilis juris cognitioni operam darent . Nam aut beneficentius , aut utilius excogitari liberalitatis genus potuit ? Hoc autem quid est aliud , quam dare operam , ut multi semper sint , qui rerum civilium , ac naturæ perscrutationi vacent ? quam nolle pati ob ignorantiam rerum cognitione dignarum caligare respublicas ?

(b) Fallus est hic Tristanus Caracciolus , dum in MS. scribit : Venit ergo ad nos pene adolescens tenuissima in re a Perusio ; longe enim diversa habentur apud Pontanum lib.I. de *Prudentia* tom. 1. pag. 166. Adolescentulus patria cedens propter civiles dissensiones , magna rei domesticæ jactura facta , ob adversariorum impotentiam ad Alphonsum me Regem in Etruriam contuli adversus Florentinos bellum gerentem , & cum illo haud multo post Neapolim . A Perusio ergo Pontanus in patriam remigravit . At quoniam anno ad nos venit , neutiquam exploratum est ; aperte tamen constat non ante primum & vigesimum ejus ætatis annum ; prælium enim inter Alphonsum , & Florentinos contigit ann. 1447. *Ammiratus hi flor. Florent.* Italice scripta lib.XXII. tom.2. p.2. pag.53. Florent. 1641.

(c) Pontanus tamen in *de Liberalitate* tom. 1. pag. 109. habet,

B

Maf-

a rationibus erat , adeo Pontanum coluit , ac tutatus est , ut adolescentulo , cui angustior supellex tunc erat , eo quod ingenium dives , ac erectam indolem ad maxima quæque pronam demirabatur , omnem opem , ac pecunias suffecerit : hinc fortunam , quam deinde subiit amplissimam , magnam partem Julio acceptam referre opus est (a).

Eadem tempestate Antonius cognomento Panormita floruit (b) , vir præcellentis ingenii , consiliique , quare apud Regem Alphonsum gratia , & dignitate pollebat plurima , qui utpote bonarum artium , & litterarum amantissimus , Pontani indolis felicitate illectus est , & nativa potissimum in pangendis versibus gratia , quibus mirum in modum Panormita delectabatur : & jam tum , quantus futurus esset vates Joannes , augurabatur ; quare apud eruditissimos viros se in eo egregiæ virtutis femina intueri sæpe prædicabat.

Quo

Massanensis , at typographi noxa factum : legendum est enim *Messanensis* ; sane Caracciolus de Julio Forte in MS. affirmat : Cum esset Siculus , ejusdemque Antonii (Panormitæ) conterraneus .

(a) Pontanus de *Liberalitate* tom. 1. pag. 109. *Adolescentes quoque , quorum angustiores sunt res , & in quibus ingenii vis , & in dolos aliqua ad virtutem præluceat , pecuniis sustentare vel in primis commendandum videtur . Quid enim vel privatim beneficentius fieri potest , quam vadentem ad virtutes viatico suo juvare ? aut publice utilius , quam sua pecunia , suæque opera id præstare , ne natura bona hominum ope destituta pereant ?*

(b) Antonius Bononia , verba sunt Mongitoris in *Bibliotheca Sicula* tom. 1. pag. 55. Panormi 1708. passim Antonius Panormita dictus , ex nobilissima Beccadelli familia ortus , quam Panormi Bononiam dicimus , ex quo e Bononiensi urbe originem traxit : antonomastice Panormita vocatus a patria Panormo , ubi natus , quod innumeri testantur auctores . Reliqua , quæ ad Panormitam pertinent , libens prætereo , nam carissimus ex fratribus meis germanis primus Andreas brevi publica luce donabit Antonii Panormita *Vitam* .

Quo factum est, ut Julius Fortis, qui Pontano indigenti alias benigne fecerat, hortatu Panormitæ penes se detinuerit, eique munifice vestes, victumque præbuerit (a). Inde nobilis inter æquales cœpit ferri, & longe clarius exsplendescere, quam ceteri æquo animo tolerare possent, nam tantam artium bonarum studiis præstitit operam, ut annos natus vix quatuor & viginti, etiam inter senes, eosque, qui in litteris consueverant, judicaretur excellere (b).

Interim Alphonsus Rex an. 1451. ad Venetorum Senatum oratorem misit Panormitam, qui itineris comitem Pontanum adhuc ætate florentem (c), annos nimirum quinque & viginti natum sibi adjunxit. Hujus legationis finis subdubius, an cum Venetis fœdus ferendi gratia, an Liviani corporis partem ab eisdem efflagitandi, cujus Historici amore Rex mire æstuabat. Joannes

(a) Procul dubio longe a vero abludit Trifstanus Caracciolu s dum adstruit cura, & opera Panormitæ in amicitiam Fortis Pontanum venisse, cum statim ac Neapolim advenit, Julio Forti innotuerit, quin in sat affectuissima valetudine ab eo operam ac luppetias habuit: perquam aperta sunt Pontani verba de *Liberalitate* tom. 1. pag. 109. *Neapolim cum venissem, gravi morbo correptus, ita quidem a Julio Forte Messanensi, qui Alphonsi Regis censui, rationibusque præpositus erat, adjutus, ac sublevatus sum, &c.* Jure igitur in animum induxi, ut scriberem: *Quo factum est, &c.*

(b) Pontanus de *Prudentia* tom. 1. pag. 166.

(c) Trifstanus Caracciolus, qui hæc narrat, minime tradit, quæ potiori ex causa ad Venetos legatus fuerit Ant. Panormita. Credat quivis, non ego, Panormitanæ legationis causam, ut Livii corporis *Αὐτὸ τὸ σῶμα* a Venetis expoleret, quamquam hoc commentum nitatur duorum virorum testimonio: quorum alter est Philippus Thomasinus in *T. Livii vita* pag. 72. Amstelæd. 1670. ubi asserit Alphonsum Regem ad Venetos misisse Panormitam, quos verbis suis deposceret T. Livii corporis partem, eumque Patavinos cives brachio Romani Historici donasse, quod honorifice a Rege acceptum fuit; at dum animo meditabatur extruere regia munificentia cimeliarchium, diem obiisse, & brachium acquisivisse Panormitam, quod deinceps Pontanum

nes ubique civitatum, quas adibat, ingentem eruditionis, ac doctrinæ famam colligebat, eratque ob suavissimam animi indolem perquam omnibus gratus, quin in dies, longeque gentium inclaruit Pontani nomen: quod statim Florentiam urbem, quam ob ingenuarum artium domicilium Italiæ Athenas dixeris, pervolavit, atque omnium civium ore Pontani laudes publice, privatimque effundebantur: cum primis Cosma Medice

num sibi comparasse, ab eoque compositum in urnula, & hac inscriptione decoratum: T. LIVII HISTORICI BRACHIUM QUOD OLIM ANTONIUS PANORMITA A PATAVINIS IMPETRAVERAT JO-JOVIANUS PONTANUS MULTOS POST ANNOS CONDIDIT. Alter Laurentius Schraderus Halberstadien. Saxon. in lib. *Monumentorum Italiæ, quæ hoc nostro sæculo, & a Christianis posita sunt*, post pag. 231. Helmsted. 1592. libentissime adstruit se αὐτόπτην in sacra Pontani æde hanc ipsam epigraphen legisse, at extrema verba parum immutata profert, MULTOS POST ANNOS HOC IN LOCO PONENDUM CURAVIT. Verum horum exterorum scriptorum biga facile sibi imponi passa est, & quantis eorum opinio urgeatur difficultatibus, (ne eam turpi mendacio incusem,) cuique dignoscere proclive est, ac expeditum; multus essem, si tantæ hallucinationis argumenta attexerem; sed isthæc meus germanus in *vita Antonii Panormita* me monuit se collegisse, quæis porro exploderet hanc fabellam.

Ceterum, præterquam quod nusquam suorum voluminum Pontanus hujus Liviani brachii commeminit, in hujus inscriptionis verbis nihil quidquam nativi Joannis nostri leporis inest, Antonius ipse Panormita in lib. *De dictis, & factis, &c.* licet bene multa aggerat de ingenti, perditoque studio Alphonsi Regis in Livium, atque in *epist. Campanarum* 45. ad eundem Regem Florentiæ scripta jam Veneta legatione functus, de Livii elegantissimo volumine, quod magno venibat, 120. aureorum scilicet pretio: in binis hisce laudatis locis, quod maxime intererat, miro silentio hoc de Livii brachio usus est. Sed cur his immoror, quando ipse Panormita legationis causam clare indicat, aperitque? hæc enim habet *epist. Campanarum* 40. quam Alphonso Regi miserat: *Peracta sunt jam omnia, ni fallor, cum fide, & diligentia, quæ Venetiis, & alibi a me effici debuerunt ex mandato Celsitudinis tuæ. Perstat quidem Princeps iste, & Senatus in proposito suo, pacemque expetunt potius, quam bellum.* Idipsum ait alia in epistola ad Palchalem Venetorum Ducem, quæ legitur in volum. *epistolar. Regis Ferdinandi, & alior.* pag.

ces (a), vir gravis annis, & auctoritate pollens, ob res etiam domi, militiæque gestas clarissimus, nec minori litterarum gloria nobilis, cum lætiffasset Joannis versus, quos in Venetos luserat, asserere nil veritus est, hunc juvenem tantum famæ, ac laudis affecuturum, quantum ei merito post attribuit longa doctissimorum viro-
rum posteritas. Cum autem a legatione Panormita Neapolim repetisset, Pontanum numquam a se dimisit, captus & humanitate viri., & doctrina, quem tanti faciebat, ut benigne volumen illud, *de dictis, & factis Alphonsi Regis Aragonum*, largitus sit (b). Præterea Panormita jam senior sciscitantibus amicis de re litteraria, ITE AD JOVIANUM, continuo reponebat (c).

At

pag. 310. Hujuscemodi sædus inter vos, & Alphonsum iustum est, me, & Ludovico Magistro Muntesiæ Oratoribus, ac Regiis Procuratoribus in ista præclarissima civitate vestra.

(a) Male Medicæus, ut non pauci opinantur; Medices, & Medicus legitur apud Scriptores συγγραφὴς, quorum luculentiores editiones revolvere mihi cordi fuit. Aretinus præfatione in Dialog. de præstantia sui avi, scribit, Ad clarissimum virum Cosmam Medicem; & pag. 38. Igitur ex Medicorum familia insigni Cosma Joannis filius ætate nostra vir admirabilis prodiit; & Verinus poeta, dum agit de origine familiæ Medicorum, canit.

... Ex Appennino, celsaque ex arce Magelli
Nobilitas Medicum Tuscam descendit in urbem:

(b) Apostolus Zenus Voss. dissertation. tom. 1. pag. 307. verba refert MS. Petri Cennini: Quisquis (loquitur de opere Panormitæ) hunc libellum aut viderit, aut legerit, sciat emendatum esse, atque ab eo suppletum, & transcriptum exemplari, quod Antonius ipse Panormita genere Siculus, operis auctor, dono dedit Joanni, seu potius Joviano, sic enim mavult appellari, Pontano Umbro viro doctissimo.

(c) Pontanus de Sermone lib. VI. post pag. 247. Antonius Panormita, qui oblitteratam, nedum languescentem in Italia Poeticam restituit in antiquam pene formam; cum a studiosis persæpe hominibus de perveteri, dubitataque sive Poeta aliqua, sive Oratoris interrogaretur sententia, quadam etiam cum frontis hilaritudine, ac si memoriæ diffideret, Ite (respondens) ad Jovianum, adeo etiam senex, & primarius vir in Alphonsi Regis aula.

At Pontanus his honorum significationibus nil elati de semet cogitabat, sed in amicorum consuetudine, quibus florebat plurimis, eadem animi mente urebatur, juxta ac si esset iis ingenii dotibus, & summiorum viro- rum gratia desertissimus. Verum ejus familiarissimi his moribus tanta moderatione temperatis tracti mutuis studiis ipsum dignitatibus, atque honestissimis muneri- bus amplificandum allaborabant. Hinc factum, ut Maximus (a) Pontanum delegerit, quo ab epistolis uteretur: atque cum de ejus admiranda ingenii vi, vir- tutisque præstantia magis magisque increbresceret ru- mor, Antonius Ulcinus Celtiber, qui publicum mu- nus (b) ab secretis epistolis explebat, Regi Alphonso cum primis carus, earumdem scribendarum socium ac- civerit: mox omne muneris sui opus lubens Pontano imposuit, qui ejus officii partes ita exsequi curavit, ut propediem omnes ea in re longa experientia viros subactissimos superaverit. Interea, si quid sibi temporis ab ea officii cura suppeteret, studiis litterarum im- pendebat; cum sollemne ei esset effari, se *nescire ma- num de tabula* (c). Neque ei dies occiderat, quin in ligata, vel soluta oratione aliquid scriberet; hinc ha- rum lucubrationum Attica dulcedine eruditissimi quique omnes capti ad eum confluebant; atque sæpe privatim invisebant *enarrantem poetas, & historicos plerique de- curiones, & nobilitatis principes viri* (d).

Ejus

(a) De *Maximo*; præter nomen, cetera nos omnino latent, cum id solummodo meminit Tristanus Caracciolus: *In contubernium Maxi- mi ab epistolis assisti curarunt* (amici).

(b) Quodnam fuerit hujus Ulcinii munus, paucis hisce verbis nobis aperit Tristanus ibidem: *Rescriptiones epistolarum, aliaque illi mi- nisterio decentia injungere perseveravit* (Antonius Ulcinus Pontano).

(c) Lilius Gregorius Gyraldus *Dialog. 1. Poet. suorum tempor. pag. 523. Lugd. Batav. 1696.*

(d) Tristanus Caracciolus in MS.

Ejus doctrinæ celebritas eo increbuit, ut Alphonsus Rex sibi apprimè consulere existimaverit, dum ex bene multis viris, quibus ætas illa florebat doctissimis, Pontanum optavit, qui Carolum Navarium (a) adolescentulum, fratris filium institueret, atque erudiret. In hujus aula Regis erat quidam Petrus Torilla, penes quem totius regni familiæ regimen, & potestas, Navarii adolescentis morum custos, & formator, vir sat tenax sententiæ, difficillimaque natura: at Pontanus perquam gnarus idonei ad agendum temporis, ad arbitrium istius asperrimi viri se effinxit, & sine ulla offensione summam illius benevolentiam studuit retinere. Sed an. 1458. Alphonso Rege e vivis sublato, necesse fuit, ut Navarius in Celtiberiam rediret, ubi ejus pater Joannes degebat. Præceptoris cura liber Pontanus animum applicuit ad conscribendarum epistolarum opus apud Antonium Ulcinium Celtiberum, quod non omnino interea temporis intermiserat: quin & in adventu Hippolytæ Sfortiæ, quæ Alphonso Ducis Calabriæ uxor fuit, inter eos, qui a secretis epistolis erant, primas obtinuit. Atque Antonellus Petrucius (b), vir multiformis fortunæ, qui tunc apud Regem pollebat plu-

ri-

(a) Miror maxime, cur Tristanus Navarium hunc in MS. Joannem appellarit, cum omnibus exploratum sit non Joannis, sed Caroli ei nomen inditum fuisse. Videbis Jacobum Wilhelmum Imhof Hist. Italia, & Hispania genealogica pag. 64. Norimbergæ 1701. & Chronica MSS. Italice lib. 8. in fin. quæ exstant in biblioth. Marchionis de Sarno parentis mei.

(b) Ille ex infima fortuna ad summum honorum gradum eventus fuit, quem *Principem divitiarum* appellare nil dubitat Panormita in *epist. ad Petrum Compatrem*, quæ exstat in vol. *epistolar. Regis Ferdinandi*, & alior. pag. 417. At demum ob Majestatis crimen capital fuit, eique collum ferro dissectum. Qui de Petrucio plura optat, Camillum Tutinum consulat in lib. *de Varietate Fortunæ* pag. 80. Italice conscripto.

rimum, & rerum summam, ac consiliorum moderabatur, tanti Pontanum ducebat, ut in affatim arduis regni negotiis ejus mentis sententiam expeteret, quam expeditissimam, ac sapienter omnia explanata, ac saluberrima nanciscebatur (a).

Ferdinandus Rex, qui & virtutis, & eruditionis Pontani tot argumenta jampridem perceperat, ac ingenium ad optima quæque paratissimum, (Panormitæ enim opera (b), qui ipsum ab adolescentia juvit, coluitque, hujus Principis domum adiit, atque gratiam demeritus est), Alphonsum ei instituendum tradidit, & in rerum administratione a secretis delegit (c); hoc enim magistro, ac duce filium procul dubio magnum fore Principem sperabat pater. Hisce binis amplissimis muniis in Regis aula Joannes floruit, quem jam perspectissima ejus virtus ad honestiora decora urgebat, quæ quidem ipse numquam appetiit, cum ei ultro paterent.

Sequenti anno bellum inter Joannem Andegavensem, Regemque Ferdinandum Alphonsi filium exarsit: hic, eo quod Pontanum noverat vigilem, sagacemque, secum in castra tulit: & quoniam sollertissima ingenia, & ad maxima quæque nata quovis in munere valent, & vigent, sicuti domi Joannes egregia virtutis specimina dederat, ita militiæ partes suas ea ratione implevit, ut unus inter omnes emicuerit: quamquam, uti ipse testatur, eo in bello gravissimos labores, atque æru-

(a) Apud eundem Caracciolum isthæc omnia.

(b) Henricus Wharton in *append. ad histor. litter. Guilelmi Cæve* pag. 187.

(c) Pontanus *de Fortitudine* lib. I. post pag. 49. Franciscus Asulanus in *epist. ad Averoldum Præsulem Polensem*. Raphael Volaterranus *Paralipom.* lib. 38. post pag. 457. Basilæ 1544. Henricus Wharton *ibid.* & Apostolus Zenus tom. 2. pag. 175.

ærumnas maximas perpeſſus ſit (a) , quas quidem vir ſummus, fortasſe honeſtatis ergo, ſilentio præterit: in caſtris ſemper non parum probitatis, ac fidei deſideratum eſt. Eo tempore in Trojæ Apuliæ urbis obſidione, militibus regiis captandæ prædæ intentis, nam hoſtes turpi fuga caſtra deſeruerant, obſeſſi occaſionem naſti clam eruptione facta, parum abſuit, quin prælium reſtituerent: at Rex per Pontanum, quem ſecum ducebat, multa ab ducibus peragenda curavit; atque, reſtitutis ordinibus, impetum hoſtium fregit: utinam Jovianus, ſicuti more ſuo tam acre bellum graphice deſcripſit, ita etiam ea conſilia, eaſque curas nos edocuiffet, quibus ducēs adjuvit, ac in illis arduis rebus conſuluit (b). Sed non multo poſt, cum Arx Sancti Angeli juxta Sipontum ſe dediffet, miſſus eſt ab Rege cum præſidio Joannes, ut eamdem reciperet cum theſauris in ea ſervatis: atque Principis juffu in caſtris commoratus eſt, quo ducibus adeſſet copiarum in adminiſtrandis rebus (c). Et licet ſæpius ab hoſtibus captus, ab eis tamen ſummis honoribus affectus eſt, ut ipſe fatetur, atque dimiſſus (d). At, quod maxime mirum, inter armorum ſtrepitum, ſi quid paullulum ſupererat temporis, ſcriptioni, aut litterarum ſtudio impendebat (e), ita ut Muſæ viderentur ejus caræ comites, ac ſubſequentes. Hujus belli hiftoriam ſex in libris intexit, atque ſine ulla gratiæ ſuſpicionē, aut ſimultatis res geſtæ ornate narrantur, eſtque oratio,

uti

(a) Pontanus *de Prudentia* lib.I. tom. 1. pag. 166.

(b) idem *de Bello Neapolitano* lib.IV. pag. 298.

(c) idem *ibid.* lib.V. tom. 2. poſt pag. 307.

(d) idem *de Obedientia* lib.V. tom. 1. pag. 45.

(e) idem lib. I. *de Prudentia* tom. 1. pag. 166. ait. *Inter quæ tamen diutius verſatus non pauca etiam ſcripſi.*

uti expetitur, tracta & fluens (a).

Cum revertisset Neapolim e castris Ferdinandus, adeo Pontanus increvit apud hunc Regem gratia, ut difficilioribus Regni negotiis explicandis ipsum præposuerit, perfectam quamdam maturitatem in ejus consiliis expertus. Sed, uti assolet, maximam fortunam, præsertim si non careat principis benevolentia, premi invidia, Alphonfus ægerrime ferebat patrem in ardua quaque re Pontani sagacitate uti; quare contra tantum virum accusationes, ne dicam contumelias, ferere ausus est: at id facinus ingentem ejus animum haud flexit, at potius erexit: cumque illud munus recusandi æqua sibi ratio nondum videretur, majori diligentia, ac fide obire studuit
famæ

(a) Pro re nata epistolam adnectam Petri Summontii, tom. 2. post pag. 251.

P. Summontius Reverendissimo, & Illustrissimo Francisco ex Picolhomineis Aragonio Bisinianensi Episcopo S.

*Historiam belli Neapolitani, quod Ferdinandus Aragonius cum Joanne Andegavienſi quondam gessit, ad te nunc mitto, Antistes optime, ita quidem nondum omnino expolitam, ut scriptore ab ipso relictam invenio. Leges autem hic egregias gentis tue laudes, utque Maximorum Pontificum lumen, secundus ille Pius tuus, ut innumerabiles alias taceam virtutes, regna etiam integra parare amicis consueverit. Is enim, mortuo Alphonso Rege, cum tantam illam procerum, ac populorum a Ferdinando ejus filio defectionem, qua sanctissimi patris equitas erat, ferre jam non posset, ita Ferdinandi rebus favit, ut & bellum omne suis ipse præcipue auspiciis confecerit, & pacatum tandem ei tradiderit regnum. Quod vero ad historiae fidem attinet, Pontanum scito singula hæc non rerum fama collegisse, non hinc, atque illinc emendicasse, sed interfuisse ipsum rebus fere omnibus. Nec est, quod miretur sortasse quispiam, novis eum agere interdum verbis, qualia sunt dignitatis illa, Comes, Marchio, Dux, Princeps, ceteraque rerum, ac locorum hujus temporis nomina, cum explicari aliter res ipsa non potuerint. Quam ille usurpationem licet necessario, atque consulto his temporibus ab ipso receptam, sæpe tamen, dum viveret, ut erat Latinitatis observantissimus, excusabat. Tu qua par est, in auctorem gratia munus hoc accipias, Pontanoque tuo, tuus enim dici jure potest, per quem tuum Picolhomineum genus, tum vero
Rex*

famæ suæ inserviens, ac reipublicæ commodis. Quoniam autem filii inelegantem indolem, patrisque indulgentiam noscitabat, in more ei erat dicere se contra criminationes illatas *maximum patronum* nactum esse: *quod Rex*, uti ipse de se narrat, *dictum vehementer admiratus*, *scire ab eo cum pertenderet, quinam is patronus esset*, PAUPERTATEM, o *Rex*, reposuit, *ea me adversus accusationes & tuebitur vestras, & liberum, absolutumque in judicio sistet* (a): quæ verba optarem, ut a quovis viro aulico sapius revolverentur: interea demirabitur posteritas, quantum decus ea fidei integritate, ac frugalitate sibi quæsit Pontanus.

Sed temporis ratio postulat, ut sermo instituat de Pontani Academia, cujus ingens rumor orbem afflavit. Paucis ante annis Alphonsus I. Neapolitanorum Rex, de litteris maxime meritis, in animum induxerat in principe hac urbe Academiam (b) instituendi, in eamque præclara quæque virorum capita, qui gloriæ stimulis incitantur, invitandi: idque oneris Antonio Panormitæ imposuit. Regis optatis is benigne paruit, certatumque est ab undique gentium eruditissimis hominibus, quibus ætas illa ab ingeniis, ac virtute felix florebat, huic confociationi nomen dare: quos inter accensus Pontanus, cum inter reliquos veluti grande sidus eluceret, paullo post primum locum obtinuit, &, adhuc vivo Panormita, omnium sociorum suffragiis Academia præficitur. Eo in munere sapientissimas

con-

Rex magnus vobis affinitate conjunctus celebratur, debere ipse cum tuis nunquam desinas. Vale.

(a) Pontanus de *Magnanimitate* tom. I. post pag. 229.

(b) An isthæc Academia, post investas bonas artes in Italiam, aut princeps fuerit, aut saltem inter primas accensenda, asserant alii, cum pigeat me ea de re quid certi eloqui, ne in patriam studio aliis civitatibus invidiam creem.

condidit leges (a), quibus tam illustres virorum cœtus (b), in dies aufereretur, atque in longum ævum vigere posset; interque ea scita illud adnumerandum, ut collegæ novum, ac elegantius nomen sibi apponerent, qua-

(a) Bernardinus Tafurius in libello Italice conscripto *de scientiis, atque artibus*, &c. Neap. 1738. profert, quæ Antonius Galateus in epist. MS. ad Hieronymum Carbonem scripsit: *Academiâ nostram, vivo adhuc illo sene Antonio Panormita, cui bonæ litteræ tantum debent, Pontanus legibus, ac institutis adornavit, & auxit.* Hinc falsus est Hyacinthus Christophorus, qui in anteloquio libelli *de Constructione Æquationum* adstruit, Academiam post Panormitæ obitum Pontanum alumnum instaurasse.

(b) Non tenue onus mihi subeundum fuit, quo Academicorum nomina colligerem, inque bonam seriem ad eorum memoriam & laudem dispecerem.

ANTONIUS PANORMITA ACADEMIÆ INSTITUTOR.

JOANNES PONTANUS ACADEMIÆ PRINCEPS.

Ægidius Viterbiensis, inde Cardinalis.

Alexander ab Alexandro patricius Neapolitanus.

Alphonfus Januarius Petri filius patricius Neap.

Andreas Contrarius Neap.

Andreas Matthæus Acquivivus Hadriensium Dux patricius Neap.

Angelus Colotius Bassus Ælinæ Urbis inde Episc. Nucernus.

Antonius de Ferrariis vulgo Galateus Salentinus ex Galatanæ oppido.

Antonius Garlonius Allifarum dominus Neap.

Antonius Tebaldus Neap.

Aulus Pyrrus Cicada patricius Consentinus.

Bartholomæus Scala Florentinus.

Basilus Zanchius Bergomas.

Belyfarius Acquivivus Neriti Dux Andreæ frater patricius Neap.

Chariteus, cujus nomen ignoratur Neap.

Ferdinandus Havalus Marchio Pescariæ patricius Neap.

Franciscus Ælius Marchesius Salernitanus.

Franciscus Puccius Florentinus.

Franciscus Pudericus Henrici filius patricius Neap.

Gabriel Altilius Lucanus postea Episcopus Policastrensis.

Henricus Pudericus patricius Neap.

Hieronymus Angerianus Neap.

Hieronymus Borgia Neap. inde Episcopus Massæ Lubrensis.

Hieronymus Carbo patricius Neap.

Hieronymus Scipandus patricius Neap. dehinc Cardinalis.

Jacobus Latomus Belgiensis.

Ja-

quasi si ab ceterorum hominum multitudine sejuncti
 unis litteris, ac sapientiæ studiis vacarent : idque in
 causa fuit, ut ipse in posterum salutatus sit JOVIANUS,
 & Jacobus Sannazarius ACTIUS SYNCERUS, ceteri-
 que

Jacobus Sadoletus Mutinensis deinde Cardinalis.

Jacobus Sannazarius patricius Neap.

Janus Anysius Neap.

Joannes Albinus Venetus.

Joannes Cotta Veronensis.

Joannes Elysius Calentius Appulus ex Amphrasta oppido.

Joannes Pardus Hispanus.

Joannes Pierius Valerianus Bellunensis.

Joannes Sangrius patricius Neap.

Junianus Maggus sive Majus Neap. Sannazarii præceptor.

Lucius Crassus Neap.

Ludovicus Montaltus Syracusanus.

M. Antonius Flaminius Forocornelianus.

M. Antonius Michaelius Venetus.

Manilius Rhallus Græcus.

Marinus Tomacellus patricius Neap.

Maximus Corvinus Neap. inde Æterniensis Episcopus.

Michael Marullus Tarchaniota.

Nicolaus Grudius Rhotomagensis.

Paullus Prassicius patricius Atellanus.

Petrus Bembus Venetus inde Cardinalis.

Petrus Gravina Panormitanus Canonicus Neap.

Petrus Gulinus sive Compater Neap.

Petrus Jacobus Januarius patricius Neap.

Petrus Des Severinus patricius Neap.

Petrus Summontius Neap.

Rutilius Zeno Neap. deinceps Episcopus S. Marci.

Scipio Capycius patricius Neap.

Suardinus Suardus Bergomas.

Thomas Fuscus Neap. postea Episcopus Cymeliensis.

Tristanus Caracciolus patricius Neap.

Trojanus Cabanilius Montellæ Comes patricius Neap.

Hi sunt, quorum catalogum intexere allaboravi ex ope-
 ribus Joannis Pontani in suis *Dialogis*, Jacobi Sannazarii Eleg.
 in *Maledicos* lib. I. Paulli Jovii *elog. Virorum litteris illustr.* Lili
 Gregorii Gyraldi *Dialog. I. Poet. suorum tempor.* Hyacinthi Christo-
 phori ibid. Petri Jannonii tom. 3. lib. 28. pag. 474. 75. Neap. 1723. &
 quamvis haud ulla mentio apud laudatos scriptores de Aulo Pyr-

que alio etiam nomine donati (a). Peccarem sane, si quosdam elegantes Academicorum mores præterirem. Adleſti ſiquidem novi ſocii caput corona ex lauro cingebatur, & ejus nomen omnium votis in albo inſcribebatur: inde convivio excipiebant, laudum carminibus novum illud cognomentum honeſtabant, eodemque ſalutabant; indiſtaque ei lege, ut in unaquaque litteraria congreſſione ea laurea uteretur (b): hos ritus deinceps quosdam etiam eruditorum cœtus aliis in urbibus imitatos eſſe legimus.

Locum, quo conveniebant hi ſelectiſſimi viri, in noſtræ hujus urbis parte celeberrima, atque in iſſis Pontanianis ædibus exſtiſſe certo novimus, inibique porticus, horti
amœ-

ro Cicada, attamen haud temere adnumeravi inter eos, qui Pontanianam Academiam adornarunt, fretus auctoritate doctiſſ. Marchionis Salvatoris Spiritei lib. *de Scriptoribus Conſentinis* pag. 23. Neap. 1750. Italo ſermone elaborato. De hiſce viris Academicis, & de iſſa Academia hitoriam οὐν Οἱ me daturum ſpondeo.

(a) Joannes Pontanus Neapoli, ac Pomponius Lætus Romæ primi fuere, qui excogitarunt ſollemnem morem nomina immutandi, qui adhibendus erat, cum quiſpiam inter doctiſſimorum hominum cœtum adſcribendus eſſet, uti reſert Ludovicus Caſtelvetrius in *poetica Ariſtotelis expoſitione* Italice conſcripta pag. 198. & 99. Baſil. 1581. Haud piget, quæ apud Paullum Jovium *elog. Pomponii Lati* pag. 12. exſtant adſcribere, qui ſcribit, hunc ritum ægre tuliffe Paullum P. II. qui animum acuit in Pomponium, ſuoſque ſocios Platinam, & Calimachum, qui *veterum ingeniorum illuſtria nomina ſibi iſſis indiderant, quum in cœtu ſodalium laureati Muſas colerent. Qua novitate nominum Pontifex ... vehementer offendeſatur, quaſi id eſſet occultæ conjurantium teſſera ad obeundum inſigne ſacinus. Quin e Venetiis Romam pertractus Lætus ad dicendam cauſam ſuit. Qui plura optat de hiſ, conſulat Bapt. Platinam de vitis Pontificum Rom. pag. 259. Lovanii 1572.*

(b) Federicus Ubaldinus in *vita Angeli Colotii Epifcopi Nucerini* pag. 10. Rom. 1673. ſcribit. Primum lauro caput cingebatur, Academicorum mox ſuffragiis ſaventibus, nomen in album reſerebatur, deinde convivio exceptus, Academicis carmine novum cognomentum laudantibus, eodem ſalutabatur, conditione adjecta, ut lauream ſemper capite retineret inter Academicas exercitationes.

amœnissimi, & deambulatio, quæ eam regionis partem belle exhilarabant; nunc ob ædificiorum incrementa, ac rerum, & variorum dominorum vicissitudinem immutata omnia intueri est: & sæpe in ipso Pontani fanulo se collegisse socios satis superque constat (a). In elegantem contentionem ventum est, Lyceine, an Academiæ cognomento locus esset condecorandus; sed eos in Platonem religio, & hujus divini viri memoria, atque in Aristotelem philosophorum maximum officium ab utroque nomine deterruerunt (b). Et quidem in institutionis initio ad Antonii Panormitæ nominis blandimentum audiit PORTICUS ANTONIANA (c); inde Pontano primas regente, ab omnibus PONTANI ACADEMIA vocitata. Quonam Panormita modo erga tam illustrem coetum se gesserit, & quale eruditionis suæ specimen dederit, prostat nobis insigne documentum; scilicet multa ipse dicere aggressus, plura quidem ab aliis sciscitabatur, quam doceret; solitus præter hæc differentes severitate quadam Socratica irridere: interea auditores domos redibant nihil certi eorum, quæ in quæstionibus agitabantur (d). Contra Pontanus
 . . . suo

(a) Pontanus *de Prudentia* lib. I. tom. 1. pag. 147. ait: *Senes tamen sumus, philosophamurque, & quidem cum paucis, ac nunc domestica in porticu, nunc fanulo in hoc, deambulationeque; & Alexander ab Alexandro præcipuus Pontani cultor Dierum Genialium cap. 1. pag. 1. Arceſſebat, inquit, plerumque nos in hortos amœnissimos, ubi ædículas habebat Jovianus Pontanus in nostra Parthenope. Ex hisce omnibus evidenter colligitur falsum, quod nonnulli asserere non dubitarunt locum Academiæ fuisse domum quamdam Pontani, ad quam se rusticandi causa conferebat.*

(b) Pontanus ibidem: *Ne Lyceum tamen appellaremus, tanti viri memoria nos deterruit, quodque etsi nequaquam in Academia, &c.*

(c) Idem in *Dialogo Antonius* tom. 2. pag. 68.

(d) Idem ibid. *Ipsum autem Antonium, quamquam multa dicit,*
 D plu-

suo dicendi lepore, & eruditionis maturitate socios ita illiciebat, ac intentos detinebat, ut sæpe per omnem diem loquentem ipsum hilariter exciperent (a). Argumenta differendi in Academia non solum ab veterum Græcorum disciplinis, verum & ab Latinorum penu desumpta (b), nam cujusque facultatis summos viros in ea adscriptos novimus ex historia, eorumque præconia passim lætitare est (c). Agebant sane *verecunde*, & *parce*, *nec tam argute*, *examineque*, *quam aperte*, *atque experienter* (d). Quantum ab ea hominum societate emolumenti in rem litterarum publicam investum sit, is unus ignorat, qui Pontani nomen nondum audiit.

Cum autem seipse omnino Musis despondisset, numquam de uxore ducenda cogitavit, ratus libero lætulo nihil jucundius: & fortasse animi menti obverfabatur effatum Henrici Puderici ex patriciis Neapolitanis; hic ad amici nuptias accitus comitem optavit
Pon-

plura tamen sciscitari, quam docere solitum: nec tam probare, quæ dicantur, quam Socratico quodam more irridere differentes. Auditores vero ipsos magis voluptatis cujusdam eorum, quæ a se dicantur, plenos in domos dimittere, quam certos rerum earum, quæ in questione versentur.

(a) Teste Alexandro ab Alexandro loco laudato ingentis famæ, & doctrinæ viro, a quo laudari in lucro ponendum: Illoque conveniebamus complurculi, quibus bonarum artium studia, eademque disciplina, atque non absimilis discendi facultas erat. Detinebat, demulcebatque nos vir ille fandi dulcissimus, egregia quadam, & illustri oratione, sermoneque perquam lepido, & venusto, totos plerumque dies: tanta in eo comitas, tantusque lepos erat.

(b) Pontanus de Prudentia lib. 1. post pag. 147.

(c) Isthæc leguntur apud Hyacinthum Christophorum ibidem: Ex qua (Academia) litterati viri velut ex equo Trojano exeuntes, undique bonas artes propagarunt, adeo ut per eam Poesis, Rhetorica, Historia, Jurisprudentia, Grammatica, Critica, & deinceps Philosophia, Medicina, Geometria, Astronomia, ceteraque liberales discipline perfectiores, & cultiores evaserint.

(d) Pontanus ibid.

Pontanum : at Pontano interroganti, cur socio indigeret, reposuit Pudericus, *nolo solus in amici funus prodire* (a). Id consilii ad extremum usque ætatis retinisset, nisi domestica quies, & solitudo tunc temporis sat molesta ad connubium impulissent: hinc amicis postulanti- bus, cur nuptiarum onus tandem subiisset, a quo semper abhorruit, respondit, ne iterum sub cura cujusdam pueri, quem ipse alebat, ægrotaret (b). Qua de re an. 1461. filiam Elisæ Agnesæ summæ virtutis matronæ, quam ipsemet Pontanus sanctissimam appellat (c), Adrianam, vel Ariadnam Saxonam uxorem sibi delegit patricii Neapolitani generis adolescentulam annos septemdecim natam, formæ elegantia nobilem, atque moribus integerrimam (d), præter opulentissimam dotem, quam viro largita est (e): de ejus integritate morum, & elegantia jampridem erat certior Joannes, cum nimirum Navarium institueret: quin & Rex Alphonfus I. paucis ante annis Pontano ipsi commendaverat (f). Ab ea quatuor suscepit filios Lucium Franciscum, Luciam Martiam, Aureliam Domitillam, atque Eugeniam (g). Quam ardenti studio

(a) Pontanus *de Obedientia* lib. II. tom. 1. pag. 21.

(b) Tristanus Caracciolus in MS. scribit: *Postcentibus amicis, cur quod diu obstinate abnuerat, nunc tam repente aggredere- tur, respondit, ne iterum sub cura Joannis (puer is erat, quem alebat) ægrotaret.*

(c) Pontanus *de amore conjugali* lib. I. pag. 323. Huic Elisæ inscripsit Pontanus tumulum, qui exstat *Tumulor.* lib. II. pag. 3402.

(d) Tristanus in MS.

(e) Paullus Jovius *elog. Pontani* pag. 60.

(f) Tristanus *ibid.*

(g) Raphael Volaterranus *Paralipom.* lib. 38. post pag. 457. ait de Pontano: *Prole infornatus; unicum enim habuit, eumque ad literas indocilem, cui etiam superstes fuit.*

Adscribere quidam inter Pontani filios Philippum Pontanum, attamen in universis operibus numquam ejus meminit Joannes,



dio in familiæ suæ cultum, honestatemque flagra-
verit Jovianus, multis verbis præstare potis essem:
attamen satis testium mihi visum est versuam partem
inferne adscribere (a), quos reperies veteribus, ac salu-
berrimis monitis, refertos, tantaque venustate affluentes,
ut quisque dignos reputet dubio procul, ut iterato le-
gantur; quæ quidem monita absens ipse impense u-
xoris animo ingerit, inculcatque. Orditur siquidem,
uti

cum ceteros natos oblitus non sit. Quin & Philippus in supremis
suis tabulis, quarum exemplar in publico Archiepiscopii tabulario
in *Volumine Visitat. Card. Josephi Spinelli* servatur, & non semel
Joannis Pontani nomen indicat, verum numquam eundem patrem
salutat. Sed quid multis, quando ipse Pontanus *Eridani* lib. II. pag.
362. cum Adriana mortua conquerens de Lucii filii obitu, canit:

Non heres mihi, non nostro qui sanguine crescat,

Quique suum blanda voce salutat avum....

Non spes ventura prolis: tuque, o mea conjux,

His succurre malis, & mea damna leva.

Lubens quivis mecum conjurat Philippum non Joannis natum,
sed gentilem fuisse, & fortasse patrem habuisse Thomam, vel Jacobum
Pontanum, qui in subscribendis Regiis diplomatibus Joann-
is absentis vices implebat; non una enim id genus diplomata in
R. Cameræ Archivo visuntur adhuc. At quonam ipse Jacobus co-
gnationis, vel agnationis gradu Joannem attigerit, ignotum; ve-
rum de Thoma Pontano isthæc illeivit Jovianus lib. de *Principe* tom.
1. post pag. 87. *Thomas Pontanus gentilis meus, vir doctrina, & mul-*
tarum rerum usu clarus, quem dicere solitum accepi, urbium, regno-
rumque pestem esse ambitionem. At id unum nobis exploratum est
sacræ Joannis Ædis heredem scriptum fuisse Philippum, qui inde
suo testamento cavit, ut quidquid ad illius Ædis cultum necessum
esset, nam se ad id ab Joviano adstrictum noverat, perficeretur.

(a) Pontanus de *Amore conjugali* lib. I. pag. 3331.

Sed tamen, ut partesque meas, & jura tuerer,

Neve absens videar non memor esse domus,

Hæc obeunda tibi constanti pectore mando,

Officii quæ sint munera certa tui.

Primus honos, pietasque Deo, templisque dicatis:

Hoc primum discant pignora nostra, vide.

Templa adeant castæ, castisque piissima votis

Dona serant, gaudet simplicitate Deus.

uti par æquumque est, ab in rem divinam sollerti cura: inde qui animi cultus tuendus, qui corporis non fucatus nitor, edicit: quæ domesticæ adolescentularum ingenuarum exercendæ industriæ, quænam vitanda consuetudo, ac libertas: neque præterit, quo pacto etiam bonitas valetudinis servaretur. Hac sane diligentia, indulgentiaque parens absentis suæ, ac pueritiæ liberorum consulebat, hocce præceptorum firmissimo præsidio munie-

*Tum colere antiquas artes, maternaque iussa,
Atque agili discant carpere pensa manu.
In digitis acus, ante pedes intexta quasilli
Viminaque, & fuso flamina torta levi. ...
Dum tenera est ætas, dum mens patiensque magistri,
Tum proprias artes quisque docendus eris.
Ergo dum molles animi, nunc imprime, mater,
Quæ pietas, quæ lex, fasque, pudorque jubet....
Nos pudor ac probitas, nos vita ruga severa,
Nos labor infomnis, mensaque parca decet.
Ocia nequitiam suadent, dat luxur amor
Fomenta, in venerem, sæve Lyæ, rapis.
Dicitur & fontes, fontanaque numina amasse,
Quæ Dea tutelam virginis habet.
Laneos latices odisse, & pocula Bacchi,
Pocula virginibus perniciofa suis....
Corrumpunt male dicta animum, moresque verendos,
In veros sensus sæpe abiere joci.
Lascivos igitur oertus, lascivaque verba
Pignoribus nostris rite cavenda vide....
Templa pudicitiam maculant, ni rite peractis
Rebus abis, templi noxia sæpe mora est.
Rustica nec mihi sit, nec sit mihi blanda puella.
Quamquam rusticitas labe vacare potest.
Blanda procax facile est, & amata ad ludrica velox
Sit procul, o procul, o blanda procaxque mihi.
Non quales ageret, didicisti numerosa choreas,
Sed quos exigeret Laodamia colos....
Est oris quoque lex; est & sua cura capillo,
Quam tenuisse decet, præteruisse nefas....
Ante Helenam nulla crines emere puella.
Troja docet, quantum non sua forma nocet.*

Nec

niebat: non veritus, quin omnia optatis suis responderent, quando noverat, & matris operam, fidelitatemque, & nihil esse filiis suis amabilius, quam imperium, ac nomen maternum.

Præ ceteris natis, quanto maximo amore Pontanus Lucium Franciscum complexus sit, testes divites sunt nativa elegantia plena illa carmina *Nania* inscripta, quorum exemplar ante Pontanum prorsus ignotum, atque eorum ipsum *εὐπετῆρα* juratus quisque salutet (a). Is Lucius uxorem habuit, cujus nomen nos latet: ab eaque Tranquillam suscepit puellam suavissimam, quam lustrare solitus avus jam senior, & non uno etiam carmine honestavit (b). Lucium ipsum pater in philo-

Nec faciem, nec colla prius, nec pectora norant

Pingere, nec fuco consuluisse genis....

Quid tibi præcipiam molles vitare fenestras,

Ad culpas aditum laxa fenestra facit....

Cogite fallaces, animus ne peccet, ocellos,

Cogite, libertas ne peritura cadat.

(a) Jacobus Gaddius de *Scriptoribus* tom. 2. pag. 164. ait: In *Hendecasyllabis* non raro vincit Catullum, in *Tumulis* plures poetas, omnes in *Naniis*. Apponam ex duodecim hanc plenam leporis, & elegantie. Lib. II. de amore conjugali pag. 3357.

Pupe meus, pupille meus, complectere matrem,

Inque tuos propera, pupule care, sinus.

Pupe bone, en cape, care, tuas, mi pupule, mammas,

Pupule belle meus, bellule pupu meus.

Suge, canam tibi naniolam, na nania nonne

Nota tibi, nate, est nania naniola?

Pupe meus, pupille meus, na nania nonne

Nota tibi, nate, est nania naniola?

Belle meus, melliso meus, na nania nonne

Nota tibi, nate, est nania naniola?

Somniculus tibi jam lassus obrepit ocellis,

Dum tibi, nate, placet nania nota nimis.

Pupe meus, dormisce meus, na nania nostro

Da noctem nato, nania, somniferam.

(b) Pontanus in lib. *Versus Jambici* pag. 3520. alloquitur Tranquil-

loſophia, omnium bonarum artium parente inſtituit, eique inſcripſit quinque libros, quorum tituli *Urania*, & liberum unicum *Meteororum* ad miraculum doctos, & expolitos: at fati improbitate anno undetrigeſimo ætatis raptus eſt 1498. immenſo patri deſiderio ſui relicto (a), quamvis triſtiſſimo mœrore jam antea Jo-

via-

quillam neptem de morte Luçii Franciſci.

Tranquilla, quid rides mali tui inſcia?

Avum quid ad riſum allicis jocis tuis?

Jocaris amens in paterno funere?

Sapere ſed hoc eſt: vita namque omnis merus

Luçius, mera eſt miſeria. Ride neptula,

Furare penſulum hoc noverca, & quantulum eſt,

Ipfum neas tibi: offulam ægritudini

Subduc, & hanc, ut iſta, quamvis parvula,

Lux in tenebris emicet: nox cetera eſt.

(a) Id omne teſtantur binæ elegantiffimæ epigraphæ, quas ejus memoriæ, ac ſepulcro Joannes ſacrarat, quæque ſculpta ſunt in Pontaniana Æde, atque lib. II. *Tumulor.* pag. 3413. præter alias, quæ leguntur in *Jambicis*.

Has aras pater ipſe Deo, templumque parabam,

In quo, nate, meos contegeres cineres.

Heu ſati vis læva, & lex variabilis ævi!

Nam pater ipſe tuos, nate, ſtruo tumulos.

Inſerias puero ſenior, natoque ſepulcrum

Pono parens? heu, quid ſydera dura parant!

Sed quodcumque parant, breve ſit: namque optima vita

Pars exacta mihi eſt; cetera ſunus erit.

Hoc tibi pro tabulis ſtatuo pater, ipſe dolorum

Heres: tu tumulos pro patrimonio habe.

Vixit an. XXIX. men. V. d. III. Franciſco filio Pon-

tanus pater a. Chriſti MCCCCIIC. d. XXIII. Aug.

Has, Luci, tibi & inferias, tibi & annua ſolvo,

Annua vota piis heu mihi cum lacrymis!

Hæc, Luci, tibi, & ad tumulos, poſitumque ſeretrum

Dona pater multis perluo cum lacrymis!

Hæc dona, inferiasque heu, heu, hunc, nate, capillum,

Incanamque comam accipe, & has lacrymas!

His lacrymis, his te inferiis, hoc munere condo:

Nate, vale æternum, o & valeant tumuli.

Quin

vianum affecisset Lucia Martia , quæ tredecim post annis decessit (a) . Aureliam natu majorem sibi despondit Paullus de Caivano duplici Regio munere insignis , cui & dos dives data (b) ; quo mor-

*Quin & hient tumuli , & tellus hiet , & tibi me me
Reddat , & una duos urna tegat cineres .*

Pontanus pater L. Franc. fil. infel.

(a) Tumulus hic etiamdum exstat in Pontani Sacello , & Tumulo. lib. II. pag. 3400.

Liquisti patrem in tenebris , mea Lucia , postquam

E luce in tenebras , filia , rapta mihi es .

Sed neque tu in tenebras rapta es : quin ipsa tenebras

Liquisti , & medio lucida Sole micat .

Cælo te natam aspicio : num , nata , parentem

Aspicias ? an fingit hæc sibi vana pater ?

Solamen mortis misera te , nata , sepulcrum

Hoc tegit , haud cineri sensus inesse potest .

Siqua tamen de te superat pars , nata , satere

Felicem , quod te prima juventa rapit .

At nos in tenebris vitam , luctuque trahemus ,

Hoc pretium patri , filia , quod genui .

Musa , filia , luxerunt te in obitu , ac lapide in

hoc luget te pater tuus , quem liquisti in squalore ,

cruciatus , gemitu , heu , heu ! filia , quod nec

morienti pater affui , qui mortis cordolum tibi

demerem , nec sorores ingemiscenti , quæ collacry-

marunt misella , nec frater singultiens , qui sitien-

ti ministraret aquulam : non mater ipsa , quæ colo

implicita ore animulam exciperet infelicissima :

in hoc tamen felix , quod haud multos post annos

te reviserit , tecumque nunc cubat ; ast ego felicior ,

qui brevi cum utraque edormiscam eodem in con-

ditorio . Vale , filia , matrique frigescenti cineres

interim calefac , ut post etiam resocilles meos .

Joannes Jovianus Pontanus L. Martia filis dulcissima

posuit , quæ vixit an. XIII. men. VII. d. XII.

(b) Privil. 21. 1486. post pag. 118. in Cancellaria . Paullus de Caivano Consiliarius , & Squadrierius Regis Ferdinandi I. erat , qui & dotem accepit mille quingentorum ducatorum de carlenis argenti boni , & justis ponderis ad rationem decem liliatorum pro quolibet ducato consistenti in Alphonsinis ducatis auri carlenis coronati argenti .

mortuo, nunquam adduci ipsa potuit, ut alteri numeret, quamquam pater impelleret, sæpe reponens, neminem placiturum sperare æque similem Paulo (a). Eugeniam vero duxit M. Bartholomæi de Constabulis Beneventani civis filius (b), ex qua nulla orta est proles (c). Pontanus quamvis in amore timidus, ac suspiciosus (d), cum Adriana tamen fidissima conjugē vitam annis undetriginta conjunctissimam, nec sine laude virtutis vixit, uti affatim testantur libri *de amore conjugali*. At ea medio fere ætatis cursu, annorum scilicet sex & quadraginta obiit Kal. Martii an. 1491. (e). Qua de re Jovianus,

uf-

(a) Pontanus *de Sermone* lib. V. tom. 2. pag. 238. *Aurelia natu major, amisso Paulo marito, cum a patre ad alterum virum, torumque hortabatur secundum: quin tu, inquit, pater, non te nuptias secundas inis? quia (respondit) nullam matri tue similem me reperiturum confido. Id ipsum (respondit) me me versat, pater, quod mihi placiturum Paulo eque similem sperem neminem. Hæc ipsa cum vix duodecim annorum filiam marito despondisset, jubente Federico Rege, eaque a viro parum pro ætate, atque urbanis moribus deliciose tractaretur, interrogataque quamnam uxorie filiola cum marito ageret? mihi, inquit, mortuus est conjux, filia vero nullo modo vivus.*

(b) *Ex Registr. Privil.* pag. 151. in Archivo R. Cameræ.

(c) Pontanus ibidem: *Eugenia filia, eaque sine liberis; cumque aliquando ea suis e scriniolis protulisset imagunculas quasdam venustissime effigatas, quanto, inquit melius, o filia, & patri, & viro, & tibi ipsi consultum esset, si harum similes aliquas ex utero tuo proferres.*

Pontanus pater duo Epithalamia in filiarum nuptiis cecinit, quæ exstant lib. III. *de amore conjugali* pagg. 3363. & 3368.

(d) Quot animi perturbationibus urgeretur ob uxoris insignem *ζηλοτυπίαν*, adis *Bajarum* lib. I. pag. 3470.

(e) Quanti eam duxerit maritus, funebri carmine, & soluta oratione leporis plenis palam fecit, quæ & in Pontaniana Æde prostant.

Ille tori bene fida comes, custosque pudici,

Cuique & acus placuit, cui placere coli.

Quæque focum, castosque lares curavit, & ars

Et thura, & lacrymas, & pia ferta dedit.

In prolem studiosa parens, & amabilis, uni

Quæ studuit caro casta placere viro.

E

Hic

usquedum ei superstes fuit, non solum quotannis, uti mos est, sed & singulis quibusque mensibus Adrianæ conjugis caste, religioseque recolebat memoriam, quæ adeo ejus obversabatur menti, ut per omne vitæ curriculum sociam laborum, ac fidam comitem habuerit (a).

Cum

Hic posita est Ariadna, rose, violæque nitecant,

Quæ posita est Syrio spiret odore locus ().*

Urna crocum domina fundat, distillet amomum

Ad tumulum, & cineri spica Cilissa fluat.

Quinquennio postquam, uxor, abiisti, dicata prius

Ædícula, monumentum hoc tibi statui, tecum quod-

tidianus ut loquerer, nec si mihi non respondes,

nec respondebit desiderium tui, per quod ipsa me-

cum semper es, aut obmutescit memoria, per quam

ipsa tecum nunc loquor. Ave igitur, mea Adria-

na, ubi enima ossa mea tuis miscuero, uterque si-

mul bene valebimus. Vivens tecum vixi an. xxix.

d. xxix. Victurus post mortuus eternitatem eternam.

Joannes Jovianus Pontanus Adriana Saxona ux-

ori opt. ac bene merentis. p. quæ vix. an. XLVI.

men. vi. obiit Kal. Mar. an. MCCCCLXXXI.

(*) Versus hic omnino immutatus exstat in Joviani carminibus lib. II. *Tumulor.* pag. 3412.

Qua posita, & lacrymis hic mihi surgat honos.

(a) Hæc verba de Prudentia lib. III. pag. 181. legentium oculis subjiciunt singularem amorem, quo matronam tantam profecutus est Pontanus: Eodem enim hoc die, his iisdem Kal. (Martii), nono ante anno Adrianam amisi conjugem, & laborum sociam meorum omnium, & molestiarum levatricem. Verum enim illam nec ego amisi, quæ mecum assidua est, nec ipsa me deseruit, aut ut non æqua laborum socia, aut parum fida comes itineris, ac vitæ hujus meliorem ad vitam contendentis. Nec volens illa quidem, sponteque ætumnis his humanis cessit, sed abiit, potius ut vocata, sed discessit, ut arcessita, & tamquam meliore vita digna emigravit in calum beatam illic cum calidibus vitam ætura. Quo circa abesse tantum debet, ut lacrymosus mihi dies hic sit habendus, ut & religiosus habeatur, & sacer. Nam de meo, ut videtis, instituto, rebus sacris rite ter peractis, quod ex quo meo illa e sinu in calum abiit, pie, casteque servatum est, servabiturque quamdiu illi superstes ero, non anniversaria, ut multi, sacra, sed mensurata in ejus memo-

riam

Cum autem diem Adriana obiisset, alteram conjugent Jovianus jam senior duxit Stellam nomine (a), domo Ferrariensem, obscura, an præstanti cognatione, ignotum, at morum honestate, & in domesticæ rei cura, inque viri cultu prudentem, ac attentam. Illam mire Pontanum deamasse scimus, ne dicam deperiisse; hinc appositissima specie præstitisse quisque facile conjiciet: & tam

riam celeberrima, quæ post illius obitum, non mentiar, si dicam maxima, verum tamen eloquar, si dixerim unica est mihi voluptas; atque levatio. Nam quoties Kal. ipsa adveniunt expectate, desiderate (dicam verius) suspirate adveniunt, videor mihi illam alloqui, illius ore, oratione, conspectu frui, commendare illi rem domesticam, capere cum ea rerum familiarium consilium, in illius denique administratione, prudentissimisque consiliis conquirere. Sed cum ea felicissime jam sit actum. Cujus exemplo admoniti nos quoque, quæ via ad felicitatem est una, & contemplari virtutem, & calum ipsum inquirere ne desinamus.

(a) Nollem, ut quis Stellam Joviani amicam fuisse existimet, tum eo quod nec profapiam novimus, neque cognomentum, tum quod maxime in eam amore senex arsisse visus sit: cum ex ipsis carminibus ei illam nupsisse arguamus: etenim ex versibus ad Transquilam neptem paullo ante pag. 29. appositis Stellam *novercam* Lucii Francisci dicit: præterea in epigraphe Lucilii Stellæ filii, hanc ipsam matrem appellat: addas in carmine *Eridani* lib. I. pag. 356z. ait Pontanus:

Ad cœnam me Stella vocas, & gaudia læti:

Mensa mihi posita est, compositusque torus:

Ipsa ministrabis simul, & simul ipsa recumbes, &c.

quæ omnia uxoris munia sunt. Neque me turbant, quæ de ea asserit Petrus Summontius Pontano carissimus in *explanatione aliquot locor.* in fin. volum. poet. Joviani pag. 3705. nimirum in *deliciis habuisse Stellam mulierem Ferrariensem*, cum in sanctiori Latinitate isthæc verba nil indecorum præferant, idque unum expressit Summontius, scil. senilem, anxium, ardentemque in Stellam amorem: & quantum Latine studuerit Petrus, is ignorat, cui ejus scripta numquam evolvere datum est: quod autem in *deliciis* habere æque sit & *diligere*, vadem habeo Tullium, qui ad Att. lib. 6. epist. 1. paullo ante finem scribit: *De publicanis quid agam, videris querere, habeo in deliciis, obsequor, verbis orno, efficio, ne cui molesti sint.* Neque quis præterea obset Pontanum Aureliæ fi-

tam ingentem amorem duobus elegiarum more suo blandissimarum libris celebravit, inscriptis *Eridani*, eo quod Stella Ferrariæ orta, qui fluvijs eam regionem magnam partem interfuit: ab ea Lucilium filiolum habuit, qui quinquaginta post diebus naturæ cessit (a). At pater juxta ac maritus infelicissimus Stellam etiam fato ereptam cum lacrymis composuit, elogioque honestavit (b).

Sed jam ad graviora negotia maturefcentem Jovianum vocabat publica regni tranquillitas, cui ut optime prospiceret Ferdinandus Rex anno nimirum

1463.

liæ non alias post Adrianæ obitum nuptias initurum spondidisse, vide supernas adnotat. pag. 31. litt. (a), cum homines quamvis prudentissimos tenax hac in re propositum immutare vel indignamur, vel demiramur. His animadversis, nemo Pontano molestus erit de certis Stellæ nuptiis. Amasse vero Venerillam elegantissimam adolescentulam habeo ex *Tumulo*. lib. I. pag. 3379.

(a) Lucilii tumulus, in cujus nomine, & dierum vitæ numero argute ludit, visitur in Pontani sacra Æde.

*Lucili, tibi lux nomen dedit, & dedit ipsa
Mater Stella tibi, Stellaque, luxque simul.*

Eripuit nox atra, nigra eripere tenebræ,

Vixisti vix, quot littera prima notat.

Hos ne dies? breve tam ne tibi lux fulsit? & atra

Maternum in nimbis sic tenere jubat?

Infelix satum, puer, heu male felix, heu quod

Nec puer es, nec lux, nec nisi inane quid es!

Floreat ad pueri tumulum, ver halet & urna ()*

Lucili, & cineri spiret inustus odor.

Dies L. non implesti, filiole, breve naturæ specimen, aternus parentum mæror, ac desiderium.

(*) Aliter legitur versus hic in volum. Pontani poef. pag. 3415.

Sit vobis ver perpetuum, ac sine nube, puelle.

(b) Tumulus Stellæ Ferrariensis. *Tumulo*. lib. I. pag. 3394.

Sit vati fas, Pierides, qua lucida fulget

Stella polo, hanc proprio condere sub tumulo.

Stella tibi tumulus cælum est: hæc te regit urna.

Teque per & tumulus, te per & urna nitet.

Stel-

1463. ipsum delegit, ut secretiora quæque rerum moderaretur (a); itaque ad hunc supremum regni Magistratum evectum gratulati sunt universi existimantes par tanti viri meritis, ac virtuti pretium: præsertim cum id munus, præter fidem optimam, magnitudinem cogitationum requireret, & in utraque Pontanus eminebat. Sane mihi piaculo esset, si de summa Joviani integritate, atque abstinencia præconia non attexerem: ipse enim amicorum carissimis, qui ejus moderati animi sensa noverant, hortantibus, ut eo in munere tandem ditesceret aliorum premens vestigia, urgetque fortunam, respondere sollemne habuit, EGERE NOLO, OPULENTUS ESSE RECUSO (b): sententia speciosis verbis condecoranda, præsertim viri in tanta amplitudine honoris. Conscius Ferdinandus Rex tam mirandæ Joviani frugalitatis, PISONIS simillimæ, (licet hic optimis temporibus vixerit), & utpote Princeps sapientif-

*Stella nites urna, radios tibi, & urna ministrat,
Præbet & hos tumulus, & tumulo ipsa nites.
At nunc Stella jacet tumulo, sed splendet in urna,
Splendet & in tumulo, nam polus est tumulus.*

(a) Vide Commune 6. Regis Ferdinandi I. an. 1463. post pag. 11. in Archivo Cancellariæ.

Animadvertendum ea tempestate non unum existisse magistratum a Secretis Regis, qui mos hodieum viget: imo Alphonsi I. Reg. quatuor floruisse constat: hinc ipso Rege Ferdinando I. diplomata ab Antonello Petrucio etiam subscripta adhuc prostant in Archivo R. Cameræ.

(b) Pontanus in Dialogo Ægidius tom. 2. post pag. 169. *Tempestate hac nostra qui apud Reges, regulosque magistri fuere epistolarum, utque hodie dicuntur Secretarii, summum in modum locupletati sunt omnes, præter Jovianum hunc, qui hic adest, quam ad rem ab amicis, familiaribusque assidue cohortatus cum esset, nunquam a proposito dimoveri potuit, illud in ore semper habens, egere nolo, opulentus esse recuso; qua ratione non modo cupiditati imperavit, pecuniarumque appetitioni, verum ipsis etiam Regibus in re publica moderanda.*

tissimus norat in proverbium abiisse, *virum bene frugere omnia recte agere*; ea de Pontani virtute Regia liberalitate mereri coepit, ut non uno præmiorum genere magis testatam fecerit: nam præterquamquod civitate Neapolitana donavit (a), indixit, ut e Regis vestigalibus ei quotannis bina pensio solveretur (b). Præterea ædificium quoddam quadrangulum, & in sublime editum *Turris Arcus* dictum, in præclarissima nostræ urbis regione situm eidem impertiit, remissa etiam pecunia Fisco solvenda illius *Turris* adipiscendæ gratia (c); inde *Pontania-*

(a) Camillus Tutinus *de origine, & institutione Sedilium* pag. 209. Neap. 1644. Ital. conscript.

(b) Vide Exec. 25. an. 1462. 63. 64. post pag. 43. & Exec. 1. an. 1465. ad 67. pag. 212. in Archivo in R. Camera. Unam ex his pensionibus fuisse *unciarum* quadraginta, alteram sex & viginti, & *tarenos* 20. *Uncie* autem pretium, fuisse sex nostratum *ducatorum* ex altero diplomate eruitur: *Motu proprio, & gratia speciali addimus, concedimus, & stabilimus eidem Joanni Pontano ad vita ejus decursum alios centum sexaginta ducatos ad rationem tarenorum quinque pro ducato quolibet, videlicet Uncias viginti sex, & tarenos viginti.*

(c) Vide *Introitum magni sigilli an. 2. indi. 1468. 69. post pag. 100. Archivo R. Camera. De hac Turri isthac juvit me collegisse. Camillus Tutinus ibid. pag. 16. scribit ipsam initio Ulcanorum familiam possedisse; inde Fisco addictam, Ferdinandum Joviano obtulisse, & Pontanianam dictam. Joa. Antonius Summontius in *Hist. Urb. & Reg. Neap.* Italice exarata addit tom. 3. pag. 376. Neap. 1748. VI. Id. April. an. 1564. everfam fuisse efflagitante Maria de Aragonia Marchion. *Vasli*, quæ juxta eam Turrim ædes suas habebat. Pontanus ipse in *Dialog. Ægidius* tom. 2. pag. 155. exstructam refert prope suam domum, atque ita describit: *Turrim suspicimus quadrangulam eam quidem, atque in sublime editam, imminemtemque quadricio, atque in loco urbis maxime celebri, & nobili, vocitantque eam Pontanianam. Quidam ex nostratibus scriptoribus nugas oggerunt, uti idem Summontius ibid. atque appellatam Turrim Arcus, quod quatuor fulciretur arcubus: quidam vero sicuti scribit Tutinus loco laudato, quod ea in regione antiquus Neapolitanorum Magistratus Αρξων degeret, quando nempe nostra in urbe Græca vigeat institutio. Verum nemo am-
bigat Turrim dictam Arcus, eo quod plurima ædificiorum pars e-**

re-

niana Turris nomen acquisivit, ab aliis possessoribus solo æquatum. Longius progressa est Regis largitas, & binis aliis muniis ipsum honestavit, quorum voces utpote barbarica ætate inventas, atque veteribus Latinis ignotas margini subteximus (a).

Inter reliqua Alphonfi I. Regis præclara monumenta posteritati prædicanda accenseam, quod fisci Principis tribunal instaurandum, inque ordinem cumulate decorum restituendum aggressus sit: jussit siquidem, ut illud quatuorviri regerent ob vestimenti peculiaris genus *togati* dicti, duoque *non togati*, quibus omnibus is, qui *Magni Camerarii* vice fungeretur, præfset *Locumtenentis* nomine; & quo magis cresceret ejus loci decus, & amplitudo, factum est, ut eorum curæ, ac sapientiæ commendaverit, ut non solummodo Regiis redditibus providerent, sed & in quibuslibet *feudorum* litibus dirimendis jus dicerent. Qui secuti sunt Principes tanti Regis exemplum imitati, quo talium magistratum potestati, ac dignitati faverent, quasculque contentiones, in quibus fisci jura interessent, ad eorundem consilium relatum iri edixerunt (b). Inde Regis Ferdinandi I. ævo horum virorum numerus ad sex & viginti auctus est, quorum plerique omnes scientiæ, & generis splendore nobiles. Hos inter allectus Pontanus (c), suo Antonio Panormitæ successit, ejusque par-

regionis *arcubus* innitebatur, quorum bonam partem adhuc cernere est.

(a) Nimirum *Scribæ* munus in Regia *Cancellaria*, & *Astorum Magistrum* in oppido Salæ in Lucania. Ex *Volumine part. Regis Ferdinandi I.* an. 1493. pag. 204. in *Archivo R. Cameræ*.

(b) Angelus de Constantiis in *hist. Reg. Neap.* Italice conscripta lib. XVIII. pag. 407. Neap. 1735. Petrus Jannonius tom. 3. lib. XXVI. pag. 388.

(c) In *comp. Creden. Jacobi Cavalli* an. 1475. 76. in *Archivo R. Cameræ*. Et Pontanus in *Dial. Asinus* de se ipse tom. 2. pag. 178.

partes implevit an. 1471. (a). At crescente in dies eo in munere Pontanianæ virtutis, ac ingenii fama, ipse an. 1479. ad honestissimum *Locumtenentis* magistratum evectus est (b); tot etiam meritorum ratione habita, tum quod non sine multorum periculorum patientia, summaque fide in omni bello adversus Andegavenses Ferdinando Regi insignem operam præstiterat, tum quod ejus filii Alphonfi Calabriae Ducis, jubente patre, in tot belli expeditionibus lateri adhæserat (c), consultis facta conjungens, emendansque matura virtute sua, quæ ancipitis erant fortunæ. At longo annorum intervallo durasse in castris semper ægre tulit Jovianus, uti scimus ab numerofo, & pleno querelis carmine ad uxorem (d).

Trium post annorum tractum, nempe 1482. exitiale bellum conflatum est Venetos inter, & Herculem I. Ferrariensium Ducem; hic etenim pactorum fidem posthabuit, quibus juraverat, quibusque pacis foedus inter Venetos, & Estenses Principes sancitum fuit. Deterrimi hujus belli turbo summa immanitate defæviit ob grande odium, quo in Ferdinandum Neap. Regem exarserant Veneti, quod hic Princeps Ferrariæ Duci filiam suam Heleonoram nuptui dederat, quod conjugium ipsi iratissimo animi mente tulerunt

178. inquit: *Sexagenarium hominem, Regiis actionibus Præsidentem, moribus tam compositis, institutis tam rigidis.*

(a) Vossius *de Histor. Latin.* lib. III. pag. 607. inquit Jovianum in Regii serinii magistræ munere, quod & idem est, ac *R. Camera Præfidis*, Antonio Panormitæ successisse; id autem accidit an. 1471. nam certo constat eo tempore Panormitam decessisse.

(b) Nicolaus Toppius *de origine omnium Tribunalium* tom. I. pag. 166.

(c) Pontanus *de Prudentia* lib. I. pag. 166.

(d) Idem *de Amore conjug.* lib. I. pag. 3321.

runt (a). At quasi totius Italiæ fortuna incolumis servata est unius Pontani opera, & consiliis, viri, ubi res exigeret, providentissimi, agendique scientissimi, ita ut *in ipso belli ardore secuta pax fuerit cum Italiæ totius quiete, & otio* (b).

Non minus acre bellum tribus post annis conflatum est. Pont. Max. Innocentius VIII. Ligur ex Cyborum prolapia deliberatum habuit, ut Ferdinandus præter alturconem (c) reliquum annui pensæ Romanæ Sedi solveret, quamvis hoc antecessores Pontifices Paulus II. & Sixtus IV. quod in Hydruntino bello contra Turcas maximas impensas egerit, remisissent; quare cum equam illam solummodo obtulisset Regis nomine Antonius Alexander, Innocentius recusavit (d). Hac de re bellum in Italia iterum recrudit: at priscae gravitatis, ac eloquentiæ heros Pontanus, cui uni id negotii concreditum est, omnia ad concordem amicitiam, firmamque pacem facillime composuit, atque ita, ejus verbis utar, *Regias res prope afflictas magna sua cum gloria, majori populorum tranquillitate non restituit modo, verum etiam stabilivit* (e). At quis in transcurso tam arctati voluminis laudibus extollere audeat

(a) Ludovicus Antonius Muratorius *Annal. Italicæ* tom. ix. an. 1482.

(b) Pontanus ibid.

(c) Vulgo *Chinea*.

(d) Camillus Portius *de conjuratione Procerum Reg. Neap. contra Regem Ferdinandum I.* Italice scripta pag. 11. Rom. 1565. Petrus Jannonius lib. xxviii. tom. 3. pag. 464. Ludovicus Antonius Muratorius ibid. an. 1485. & 1486.

(e) Pontanus Dialogo *Afinus* tom. 2. post pag. 177. & *de Prudentia* lib. I. tom. 1. pag. 166. Fœdus hoc firmatum fuit Romæ pridie Id. Augusti an. 1486. coram Regis Hispanorum legatis, Archiepiscopo Mediolanen. & Comite Tentiliæ, viceque Neap. Regis implente Pontano ipso: Camillus Portius ibid. pag. 63. Jannonius ibid.

deat grave responsum ipsius Innocentii, atque Romano Pontifice dignum, & Joviano honestissimum Cardinalibus redditum de pacis securitate metuentibus? *At nequiquam falsos nos habuerit Jovianus Pontanus, quicum de concordia agitur: neque enim cum veritas destitueret, ac fides, qui ipse numquam veritatem deseruit, ac fidem (a).* Interea Romæ commoratus Joannes usus est familiaritate doctissimi Federici Urbinatium Ducis, quocum sæpe de re litteraria egit, cujus rogatu e Græco ore in Latinum transtulit centum sententias Ptolemæi contra fidem ab aliis jam antea conversas: is Pontanum suspiciens Græca longe callentem, ut etiam quibusdam commentariis, quo majori luce ditescerent, eas ornaret, flagitavit: morem gessit Jovianus, eidemque Duci primum librum inscripsit: isque labor adeo cordi fuit Joanni, quod primus id periclitatus sit, ut non parum laudis ab eo aucupari optaverit (b).

Roma Neapolim reversus Joannes una cum Jacobo Sannazario, quem itineris, ac laborum comitem habuit (c), post tot egregia virtutis specimina, ac res præclare gestas, ob foedum majestatis crimen Antonello Petrucio a supremo magistratu dejecto, totius Regni administer renunciatus est (d); at is fortunam muta-

(a) Idem lib. II. de *Sermone* tom. 2. pag. 203.

(b) Idem *Comment. in centum sententias Ptolemæi* tom. 3. lib. I. pag. 2.

(c) Pontanus Dialogo *Asinus* tom. 2. post pag. 178.

(d) Id clarissime teneo ex loco Pontani de *Prudentia* lib. I. pag. 166. tom. 1. atque a subscriptionibus diplomatum in R. Camera a morte Petrucii: hinc vehementer decipitur Camillus Portius ibid. qui nihil hæsitans chartis illeivit Pontanum Petrucio non successisse; quare ira percitus fenex, ut Portius ait, ambitiosus, benefactorum obliviosissimus contra Alphonsum Calabriae Ducem Dialogum *Asinus* exaravit, in quo allegorice ingratum omnino, deque se male meritum hunc Principem mordet.

mutavit, non animum: in eo enim munere, ingentique curarum pondere tanta fide, ac honestatis gloria se gessit, rexitque, ut de se merito ea prædicaverit, queis, quisquis eximio id genus officio fruitur, instrui abunde, atque utinam etiam æmulari possit: *ira domi, militiæque me ipsum gessi, ut primum locum in deliberandis, & consulandis rebus, capiendisque consiliis per multos annos tenuerim, ea cum integritate, & fide, ut meis de administrationibus neque tunc sit questus, neque hodie (scilicet cum vitam privatam, & quietam degeret) queratur ullus (a)*. Hic non importunum reor, si appendam tantum virum de Regia dignitate, exantlatis tot laboribus, meritissimum sat ægre tolerasse se in petitione unius ex *Comitatibus* Caleni, vel Polycastri posthabitu, a quibus depulso viderat Franciscum, & Jo. Antonium, Antonelli Petrucii filios ob majestatis crimen, atque digna, crudelique morte interfectos: quare haud irarum patiens famosum illum *Asini (b)*, scri-

(a) Pontanus de *Prudentia* ibid.

(b) Mihi visus est Dialogi *Asinus* scribendi rationem divinaſſe Bernardus Christophorus in MS. quod Doctiss. Ludovicus Sabbatinus de Anfora Episc. Aquilanus servat, quodque mihi lubens, ut exscriberem, indulſit: In locum Antonelli, inquit Christophorus, idest pro primo Regis Secretario Pontanus ipse destinatur, & eligitur, & Alphonsus, cum per ea tempora in Castro Capuano bibliothecam parasset, cui præfecerat Jo. Albinum, inter preciosiora Pontani imaginem collocari fecit, quam quidem singulari reverentia ob beneficia accepta exteris ostendebat, nec ultra progressa est Regis munificentia erga Pontanum, namque ad Velinos Polycastrensem Comitatum complurimis oppidis constantem Joanni Carasæ dono dedit, Caleni (vulgo Carinola) aliis largitus est, nulla Pontani mentione habita, nisi quod tantum, quod de jure debebatur in locum Petrucii substituitur. Quod quidem ægre ferens Pontanus Dialogum confinxit, quem Asinum appellavit, sive de ingratitudine, ubi ab eo singulari fide, atque virum tractata, exantlatosque labores luculenter expreſſit, summoque felle reſerciando.

sive de ingrati animi vitio Dialogum conscripsit : vel magnis animis difficile eo tacere, cum doleant.

Pontanus ad cujusvis virtutis exemplar natus insigni etiam religionis specimen exhibuit : itaque an. 1492.

(a) Ædem V. Mariæ, atque Joanni Evangelistæ sacram excitandam curavit, eam quidem elegantissimi ingenii, & ultra quam ejus ætatis ars ferebat, quæ a transalpinis gentibus jam pridem barbariei plurimum contraxerat. Sane adhucdum invisitur quadrangula specie, & *Romana*, sive *Composita*, ut ajunt, structura, quadratoque lapide nostrate fusco, & duriore exstructa; binis januis altera ad orientem solem, altera ad meridiem apertis, selectoque marmore distinctis. Exteriorem faciem octo memorabilibus sententiis (b) ab antiquitate petitis

(a) Annum hujus Templi dedicati ab Pontanianis nanciscimur lapidibus ejusdem exempli utrique januæ superpositis.

D. MARIAE DEI MATRI
AC D. IOANNI EVANG.
IOANNES IOVIANVS PONTANVS
DEDICAVIT
AN. DOM.
MCCCCLXXXII.

I
(b) IN MAGNIS OPIBUS
VT ADMODVM DIFFICILE
SIC MAXIME PVLCRVM EST
SE IPSVM CONTINERE
III
IN VTRAQVE FORTVNA
FORTVNAE IPSIVS
MEMOR ESTO
V
SERO POENITET QVAMQVAM
CITO POENITET
QVI IN RE DVBIA
NIMIS CITO DECERNIT

II
HOMINEM ESSE SE HAVD
MEMINIT
QVI NVMQVAM INIVRIARVM
OBLIVISCITVR
IV
INTEGRITATE FIDES
ALITVR
FIDE VERO AMICITIA
VI
FRVSTRA LEGES
FRAETEREVNT
QVEM NON ABSOLVIT
CONSCIENTIA

NEC

titis in marmore scalptis exornavit, præter dedicationis verba, & stemmata sui, & uxoris cognomen. Pars omnis interior uno nec inconcinno fornice cooperitur: unaque ara exornatur sub imaginibus V. Mariæ, & bini Joannis Baptistæ, & Evangelistæ in pariete affabre depictis. Undique intueri est sacræ Ædis muros scriptis a Pontano lapidibus vel prorsâ, vel versa oratione comptos ad suorum famam inibi compositorum (a): quibus accensenda illa inscripta Petro Compatri (b), viro eruditio-

VII
NEC TEMPERITAS
SEMPER FELIX
NEC PRUDENTIA
VBIQUE TUTA

VIII
IN OMNI VITAE
GENERE
PRIMUM EST
TE IPSVM NOSCERE

Quatuor, quæ desiderabantur sententiæ ab vetustis auctoribus exscriptæ sunt, quarum prima legitur apud Plutarchum in *Laconis* vita, easque in templi facie, quæ orientem spectat incidendas curatum est.

IX
EXCELLENTIUM VIRORVM
EST IMPROBORVM
NEGLIGERE
CONTVMELIAM
A QUIBUS ETIAM
LAUDARI TURPE

XI
NON SOLVM TE PRAESTES
EGREGIVM VIRVM
SED ET ALIQVEM
TIBI SIMILEM
EDVCES PATRIAE

X
NOS POTIVS NOSTRO
DELICTO
PLECTAMVR
QVAM RESPVBLICA
MAGNO SVO DAMNO
PECCATA LVAT

XII
AVDENDO AGENDOQVE
RESPVBLICA CRESCIT
NON IIS CONSILIIS
QVAE TIMIDI
CAVTA APPELLANT

(a) Superius scriptum est de filiis, ac uxore pag. 29. lit. (a) 30.
lit. (a) 31. lit. (c) 34. lit. (a)

(b) Hisce verbis sat ponderosis, & commentario dignis commendavit Pontanus æternam amicissimi, atque summæ honestatis viri memoriam.

QVID

ditione, ac pietate (a) eximio, quocum conjunctissime vixit Pontanus tribus & quinquaginta annis. Affixis

QVIV AGAM REQVIRIS TABESCO
SCIRE QVIS SIM CVPIV FVI
VITAE QVAE EVERINT CONDIMENTA ROGAS
LABOR DOLOR AEGRITVDO LVCTVS
SERVIRE SVPERBIS DOMINIS (1)
IVGVV FERRE SVPERSTITIONIS (2)
QVOS CAROS HABEAS SEPELIRE
PATRIAE VIDERE EXCIDIVM (3)
VXORIAS MOLESTIAS NVNQVAM SENSI (4)
PETRO COMPATRI VIRO OFFICIOSISSIMO
PONTANVS POSVIT CONSTANTEM OB
AMICITIAM ANN. LIII.
MDI. XV. KAL. DEC.

(1) Reges Aragonenses intelligit, in quos iratissimus vivebat Jovianus, a quibus summum magistratum adeptus, merito inde dejectus est: de hoc summi viri crimine, ac fato mox dicturus.

(2) Quid valeat vox *superstitio* apud Pontanum, consulatur lib. de *Liberalitate* tom. 1. pag. 109. Quidam referre amant ad Dialogum *Charon*.

(3) Quae calamitas, ac clades Neapolitanas provincias, ac ipsam principem urbem pessumdaret, Pontanus ipse nos docet de *Sermone* lib. I. tom. 2. pag. 185.

(4) De uxore ducenda numquam in animum sibi induxit Petrus Compater, de quo apposite narrat lepida quaedam Jovianus de *Sermone* lib. IV. post pag. 231. tom. 2. Hortabatur homo minime malus Petrum Compatrem ad uxorem ducendam. Has inter adhortationes, qui pone cum stabat, juvenis argutus cum sternuisset, nihil ipse respondit; tum ille, quid malum, & amico, & honesta suadendi non respondes? ad ea tum Compater, nec mihi, inquit, nec uxori male auspicaturus sum. Cum enim e duobus conjugium (ut scis) constet, Hispani quidem augures, ubi unum sternutamentum tantum fuerit, & malum illud, & portentosum profitentur: meis igitur nuptiis infelix absit auspicium.

(a) Pontanus ibid. lib. VI. post pag. 250. Paulo enim ante quam animam ageret (Petrus Compater) multa cum de Deo, deque animorum discernisset aternitate, sic denique ad astantes nos, quos valere jubebat, conversus, & tamquam ultimo in actu constitutus, lingua etiam hebescente, dixit: Omnes quidem sermones inter notos, atque

fixis quoque vetustis marmoribus Græce, & Latine inscriptis vel aliunde collectis, vel potius in hoc fanulo excitando in fundamentis repertis (a). Pontanus quæsitissimi ingenii pavementum itravit figlino opere encausto pictum, exquisita varietate nobile ob sua stemmata, & uxoris, omnisque prosapiæ, imo & ob imagunculas majorum suorum, præter flosculos, & parile hujus generis ornamentum. Consuluit etiam, ut inferne grande hypogeum fabreficeret, in quo ex familia denati conderentur, apposita in scalarum introitu brevi epigraphæ, uti suus erat mos, ad antiquitatis indolem (b).

Neque in hoc Pontani pietas destitit, sed ut cultus, & hujus parvi Templi cura ad omnem posteritatem servaretur, ditandum ratus est annuo nummorum aureorum bis centum & septuaginta censu (c),
quæ

que amicos esse suavissimos, illos vero multo suaviores, quorum materia Deus esset. Quocirca nos ipsos exhortatus prius, post etiam per Deum ipsum obtestatus rogabat, uti amicitie memores, quoties conveniremus, nostra omnis oratio a Deo inciperet, desineretque in Deo.

(a) Cl. Jacobus Martorellius Græca monumenta interpretatione honestavit, & Latialia bonam in partem, uti ait, ab inficetis hominibus infrastructa supplemento adjecto, quo par fuit ordine, collocavit. Sed quæ præstitit ipse, quæque dicenda uberius hac de sacra Aede, extremo huic libello adglutinata reperies.

(b) AB HOC FONTANORVM
CONDITORIO
NE MAS NE FEMINA
EX AGNATIONE
ARCEATUR

(c) Cæsar Engenius Caracciolus *Neap. Sacra*. Italice scripta pag. 65. Neap. 1624.

quæ tunc ætatis erat benemerenti uberrima voluntas. Præterea Joviani animus ad quæque recta facienda semper pronus adolescentularum honestarum periculo ob egestatem providit, cavitque, ut ab fani hujus curatoribus quotannis puellæ regionis, in qua situm est, haud levis dos, nimirum sex & triginta nummorum ex auro, diceretur (a), idque pium opus etiam disertis expresserat verbis æternitati sane commendandis: *Quid enim aut Deo potest esse acceptius, quam imbecillum sexum adjuvare? aut gratioris, utiliorisque in civitate exempli, quam prohibere, ne, quod unum, ac præcipuum mulieris bonum est, pudicitia, egestate expugnata, diripiasur? (b).* At proh rerum, temporumque vices! tam præclarum munificentia Pontanianæ, ejusque nominis monumentum, quod exteri sartum, tectumque in ævum voluissent, vel ætatis malignitate, vel curatorum parum sincera fide maxima annorum intercapedine situ squalidum, sentum, omnique religione desertum emarcuit, non sine doctissimorum hospitem ad illud invisendum longe gentium confluentium indignatione ad nostrum civium ludibrium (c). Donec tandem in hac temporum felicitate ad Caroli tunc Neap. nunc Hispanorum Regis providentiam provocatum est, cujus iusto, pollentique imperio an. 1759. Templo prisca dignitas adscita fuit ingenti civium, & convenarum gratulatione, ac præconiis.

Juxta

(a) Engenius ibid.

(b) Pontanus *de Liberalitate* tom. I. pag. 109.

(c) Inter externos longe gentium, qui Pontani virtutem, & sapientiam sunt admirati, & pæne dixerim, nobis invidere visi sunt, cum primis Philippus D' Orvillius, vir ingentis eruditionis accensendus, qui hanc Pontani Ædem docto, & laborioso carmine honestavit, quod in fine adjiciam, & Ædis faciem Amstelodami ære incidendam curavit.

Juxta hoc suum gentile fanulum Pontani domum existisse adhucdum fama perennat, & ex monumentis certi fumus (a): illam & dignitatis plenam dicas, quippe quæ in nostræ urbis regione multis nominibus clarissima sita, præsertim ob Græcanicum nomen *φρηρία* *Ἀρτεμισίων* (b): quam domum amplitudine sua plurimum loci spatium impedivisse opus est, cum porticu, ambulatione, hortis, egregiaque Turri cincta decoraretur: præterquamquod illa frequentem summorum virorum cœtum Academicas exercitationes celebrantem excipiebat (c). Domus introitum illustri tituli monumento honestaverat Pontanus, in quo cuique arridet, quod inter cetera se ipse dicit *prisci reliquias temporis* (d).

At

(a) Pontanus Dialogo *Ægidius* tom. 2. pag. 155.

(b) Quantæ celebritatis sit ea vox ab *Ἀρτεμίσ*, *Luna*, uti omnibus notum, unde nati apud nostrates olim Græcos *Ἀρτεμισίον φρηρίαν*, docent, qui patriarum antiquitatum sunt promicondi: eos hanc urbis nostræ regionem occupasse præter cetera firmat lapis, qui Græce loquitur, quem & Capacius affert, eaque de re nos admonet *Hist. Neap.* pag. 75. Quin & via prope Pontani Templum adhuc audit *via Luna*, uti habes a plerisque rerum nostrarum scriptoribus.

(c) Revisenda, quæ de Academia diximus pag. 22.

(d) Pontanus *ibid.* *Ejus ipsius Joviani hæ sunt ades, ejus ipsius Turris, ac frequentata porticus. Titulum jam examino oculis, acie jam percurro, jam recito.*

HAERES SVCCESOR DOMINVS HARVNCE AEDIVM
QVIQVI FVTVRVS ES NE TE NE PVDEAT VETERIS
NEV PIGEAT DOMINI HAS QVI SIBI PARAVIT COLVIT
IS LITTERAS COLVIT ARTES BONAS COLVIT ET
REGES COLVERVNT EVM PROBI IVVENES SENES
PROBI PROBAVERVNT ET DOMINI INTEGRITATEM
FIDEM MORES ANIMI BONOS ETENIM TALIS FVIT
IOVIANVS PONTANVS PRISCI RELIQVIAE TEMPORIS
VIXIT IPSE ET SIBI ET MVSVS SIC VIVAS IPSE ET TIBI
ET TVIS SIC LIBERI SVPERENT QVI SI LAPIDI HVIC
INIVRIAM INIVRVS FECERIS IRATI DII SINT TIBI.

G

At nunc ob rerum alternationem, & dominorum vi-
ces ne vestigium quidem intueri datur (a): imo in-
fractus & ipse titulus, quamvis ei, qui injuriam fe-
cisset, diras irarum plenas a Superis Jovianus obnun-
ciaverit.

Nunc mihi mens suggerit, ut de sua *Antiniana*
villa pauca adscribam. Inter occidentem, & boream
plagam collis amoenissimus Neapoli imminet, qui vulgo
Antinianus audit, a quo non procul *Patulcius* est (b).
Eo in colle ad rusticandum Pontanus elegantissimam
villam sibi construendam accuravit, donavitque nomi-
ne *Antiniana*, uti plus simplici vice carminibus com-
mendat (c); & mira illa ingenii ubertate eam fingit
Nympham, & decus *Heroionon* (d). In eam se ab ob-
stre-

(a) Celanus noster, licet ejus fides sæpe sublesta sit, ille vit. tom. i. par. 2. pag. 148. Neap. 1724. Pontani domum heredum nomine alios ac-
quisivisse; inde possedisse *Regentem Revitum*, mox *Spinellorum* gen-
tem, demum illam nactum esse *Theore* Principem. Præter hæc
Celanus adjicit in hujus Principis domo vividam Pontani e mar-
more effigiem conspici, at quamvis a me curatum sit perquirere, ut
eam intuerer, certior sum, aut id finxisse, aut aberrasse.

(b) Petrus Summontius *explanat. locor. aliquot*, &c. quam legere
est in fine Joviani carminum pag. 3705. In monte, qui Neapoli ab
occidente imminet, locus est *Antinianum* nomine, nec procul inde est
Patulcium, ubi sepulcrum ostenditur *Virgilii*: quæ duo loca sub *An-
tiniana*, & *Patulcidis* Nympharum nomine Pontanus sæpenumero
celebrat.

Collis *Antinianus* corrupto nomine pro *Antanianus* fortasse,
quod sit contra *Anianum* lacum, nam antequam effoderetur crypta
Neapolitana, per ipsum collem via silicibus strata ad ipsum la-
cum, & ad *Putcolos* adibant: aut potius *Antonianus*, quod ini-
bi villam *Antonius* triumvir habuerit; eumque Neapolitanos, Cu-
manosque invisisse inquit Tullius ad Atticum lib. X. epist. 13. *Pa-
tulcius*, inde Nympham facit *Patulcida* uber indeoles Pontaniana,
eo quod is collis longissime planus sit, & late pateat.

(c) Videbis inter cetera versus *Lyricos* pag. 3529. usque ad 3534.

(d) Pontanus *Lepidina* in *Pompa* VI. pag. 3220. canit:

Ecce

strepentibus curis plerumque recipiebat, quam & a militia regressus salutabat (a). Quantis in amoribus ipsam habuerit, quantisque deliciis honestaverit, ejus carmina abunde præstant, & præter salientes, & vivaria, in viridicata sylva cuniculos, lepores, capreolos, apros ipsos, qui sunt venationis, & epularum suavitas, concluderat: additis hortis myrtorum jucundissimis, & longa citriorum serie odoris, quæ poma adeo sibi cara, esuque grata, ut de eorum cultura binos carminum libros mira felicitate, ac fluenti facilitate adornaverit, *Horri Hesperides* inscriptos (b). Neque ipse unus his apparatusissimis deliciis fruebatur, sed cum amicorum selectioribus, quos sæpe ad prandiorum, coenarumque hilaritatem carminibus invitabat (c), & mensa doctis
fa-

*Ecce venit formosa, venit decus heroinon,
Et myrto dives, serpillisque incluta virgo,
Clara thymo, longæque etiam clarissima melle
Antiniana, runt hujus fama undique amantes,
Et bona pars sine dote petunt connubia Nympha,
Ipsa seni blandita, senem cupit, hujus ab ore
Et choreas agit, & sarmen meditata per hortos
Leta canit: stupet ad sepem mirata juventus.
Hinc sola incedit, passuque elata superbo,
Invitatque senem, & suspiria ridet amantum....*

(a) Idem de Amore conjugali lib. II. pag. 3342.

(b) Eisdem libros inscripsit Pontanus *Francisco Consage Marchioni Mantua*.

(c) Jovianus ad Hieronymum Carbonem, *Eridani* lib. I. pag. 3588.

*Pictilibus si cœna placet tibi, candide Carbo,
Cœna parata tibi est, ruraque nostra patent.
Et penus, & virides horti, genialis & umbra,
Quasque suas pandit citra sylva comas.
Vina mihi deprompta, & lecta, & grata bibenti,
Aurea sive probes, seu mage nigra placent.
Lenis aqua, simplexque latex, & fertilis urna:
Certe ut inde merum, pugnet ut inde latex.*

facetiis, coëtoque sermone bono, qui mos longe ab hodierno commissantium luxu exfulat, condiebatur: prandiorum apparatus Catullianis gratiis contra ipse in subiecta poesi describit. At malignitate fortunæ Pontianum hoc prædium paucis post annis ab ejus obitu a prisca hilaritate descivit, omniaque vepribus, dumisque exhorruere, ut jure tantam indoluerit vicem festi-

*Vernarum mihi fida manus tibi nota ministret,
Marmaricosque agitet barbara turba choros.
Fistilibus tibi mensa, abacusque nitescet acernus,
Nullus in extensa non erit ade lepos:
In primis frons læta, & grati ad pocula lusus,
Et culti, & nulla rusticitate sales.
Principio gravidis ponentur lecta canistris,
Quæ tulit autumnus, quæ meus hortus alit:
Roscida erunt, matura & erunt, & sole recocta,
Quasque sua carpserit Antiniana manu.
Hinc ponetur avis, fallacis præda coloni,
Primaque, cui nomen ficus amata dedit.
Pingu jure natet, salsaque immixta suilla.
Condiat & tritum lauta patella piper.
De lanio nihil hic, nihil e caupone morare,
Rura dabunt, quicquid nostra culina coquit.
Atilis inde capus, raptique a matre columbi,
Anser & implumis, & bene pastus anas.
Post tener, & lactens, & primis cornibus hædus,
Quem corno, & ceraso sarserit apta manus.
Forssitan accedet callosum tergus & apri,
Aut celeris catuli, devia præda, lepus.
Certus at in verubus sumat jam porcus, obeso
Et turdo, & merulis, atque palumbe satur.
Cuique suus præsto sapor, aut quem carula limon
Temperet, aut quem dant punica pressa, liquor.
Seu quem bacca liquat myrti, liquat herba virentis
Serpilli, aut dulci corna recocta sapa.
Peltrius accedat tecum: te culta Patulcis,
Illum pro soribus Antiniana manet.
Nec desunt vina, & lances, mensamque secundam
Qui curent, missas nec sine lege dapes....*

festivis versibus Sannazarius (a). Verum Petrus Oforius Defigueroa, vir ingenii ad maximorum hominum memoriam honestandam inclinantis, eorumque vestigia prementis, hujus Pontanianæ villæ possessor, quod noverat ipsam tot sapientibus viris, & duobus Regibus celebratam in antiquum nitorem restituit an. 1626. quo & genio suo, & amicorum indulgeret, teste scripto marmore, quod adhuc contra sæculi edacitatem in vestibulo domus viatoribus se prodit (b). At ætate nostra intueri est eo in amœnitatis prædio omnia situ obsita, ac squalore, & vix unus, aut alter loci dignitatem noscit, ac reveretur.

Præter hæc Jovianus quotannis domi suam natalem diem, nomenque jucunde celebrabat una cum doctissimis amicis, convivis, & bene acceptis, quos erudita, & suavi per omnem diem consuetudine detinebat (c). Quin & Martinalia, quam vocem ipse castæ Latinitatis more cudit, familiaribus indicebat (d): nam

cui-

*Tu modo lingue forum, lingue & vadimonia Carbo
Tantisper, tibi dum rustica cœna datur.*

(a) Jacobus Sannazarius in *Arcadia* Ecloga XII.

Antiniana, e su perchè degeneri?

Perchè ruschi pungenti in te diventano

Que' mirsi, che sur già sì molli, e tenevi?

(b) Pro foribus hujus prædii, quod hodieum *Dianæ Ducis* est, hæc habes:

PRAEDIA AEDES ANTINIANAE OLIM IO. IOVIANI PONTANI
FERDINANDO ALPHONSOQUE REGIBVS AC SAPIENTIBVS
H. CELEBRES

HEV TEMPORVM INCVRIA ATTRITAE
DON PETRVS OSORIO DEFIGVEROA

POMARIA VIVARIA PALATIA
GENIO SVO CANDIDIS AMICIS CVNCTIS MERENTIBVS
LAETIORA LATIORA RESTITVIT A.D. MDCXXVI.

(c) Alexander ab Alexandro *Genialium Dierum* lib. I. pag. 1.

(d) Pontanus *Basarum* lib. I. pag. 3467.

cuique nostrum sat notum diem VII. Non. Novemb. D. Martino Ep. Turonensi sacrum multis civitatibus expectatissimum opipare, ac jucunde consumi (a). Ita Pontanus huic hilari instituto indulgens indolem suam vincebat ad asperum quid magis pro nam, quam ad jocos, ac festivitatem (b). Hanc animi aliquantulam duritatem, sive gravitatem dicas, quibusdam oblectamentis leniebat, præsertim *Asterione* suo, catulo, quem in deliciis habuit, & quocum joci solitus: illum fortassis eo nomine decorandum voluit, quod quadam albescente macula ad astri speciem frontem insignem gereret: inde, morte obita ipsunt inter cælestes orbes selectis carminibus collocavit (c).

Redeundum mihi est ad seriem annorum, quo vita
tan-

(a) Morem majoribus, ac selectioribus dapibus hunc diem celebrandi a Gallis nos accepisse docet ipse Pontanus *Eridani* lib. I. pag. 3583. Minime prætermittendum est doctiss. P. Carmelum in lib. Italice scripto *de variis ritib. sacr. & profan.* tom. 2. pag. 85. in longiori diatriba de origine horum *Martinalium* in Pontanum furenter iratum assurrexisse: *Quà non è altresì da tucere lo sbaglio, o la malizia del Pontano, che in gnisa molto peggiore (d' Arrigo Stefano) favella della festa di S. Martino . . . l' errore di chiamarla festa di S. Martino è del volgo, non sapendosene l' origine.* At parcius, ac decentius tanto viro, præsertim poetæ, licet nimium luisantis, personam induto, non autem historici, id objectare quivisset. Ceterum lubens ferat Carmelus, si pro Pontano breviter reponamus, nos longe demirari, ne addam, subiraſci eam in elegantem sane diatriben non corrogasse, quæ doctiss. Card. Baronius tom. 7. an. 580. pag. 583. lit. E. Romæ 1596. de *Martinalibus* congesſit, & potis erat Antonius Vulpius, qui carmina Joviani ei suffecit, subdere etiam, quæ Baronius collegerat: profecto mitius in poemam nostrum se gessisset Carmelus.

(b) Pontanus Dialogo *Ægidius* tom. 2. pag. 156. *Ego meoſte ingenio minus sum jociſ deditus, ac feſtivities.*

(c) Idem in *Urania* lib. III. pag. 3005.

tanti viri ordine incedat suo, a quo parum ejus sacra Ædes, nec non domus, & Antiniana villa veluti distraxerat: etenim urgent jam graviora. Ab Pontano in eminenti a Regis secretis magistratu maximis sanctimoniz experimentis datis, Alphonsus Calabriae Dux imperium Regni adeptus post Ferdinandi parentis fatum an. 1494. tantum virum eo in munere confirmandum huic maximæ curæ parem voluit, ratus præmium pro ingentibus meritis (a). Quanti fecerat Pontanum Alphonsus tum ob ejus doctrinam, miramque prudentiam, tum quod lubricum adolescentiæ suæ, uti antea dictum est, sapientissime rexerat, sat mihi eloquentiæ optarem, quo palam id facerem: unam ex multis his honorum significationibus proferre mihi satis sit. Exstruxerat is Princeps *Prætorium* (b), tum ob loci amoenitatem, tum ob liberalem cujusvis cultus magnificentiam, præter grandem librorum vim, spectabile, uno lapide procul ab Neapoli situm, cujus adhuc superant prægrandes reliquæ via, quæ Nolum ducit, in quo æneam Pontani statuam inter ceteras delicias collocavit: inde ad tanti Ducis amplitudinem,

ac

(a) *Ex Regist. Cur. 4. Regis Alphonsi II. an. 1494. pag. 121. & 196. in Cancellaria, a quibus monumentis certi sumus Pontanum supremo a Secretis Regis magistratu floruisse: quæ quidem monumenta consulenda mihi tradidit lubentissime Antonius Claritus Reg. Cameræ Tabularii custos, rerum mediæ ævi callentissimus.*

(b) Duas Regias domos, sive Prætoria animi gratia exstruxisse Alphonsum II. ait Jo. Ant. Summontius *hisor. Neap. lib. V. tom. 3. pag. 434.* alterum intra urbis mœnia, in regione, quæ audit *Duchessa*, cujus tamen nulla supersunt vestigia: alterum haud procul ab urbe, quod perperam salutant *palazzo della Regina Giovanna*: in hoc siquidem Pontani statua ostendebatur, teste divite Francisco Atulano in Epist. ad *Averoldum Præsulem Polensem* apposita initio Joviani oper. *Alphonsus enim junior Neapolitanus Rex, cum prætorium prope Neapolim exstruxisset, &c. Æneam igitur imaginem illam erectam*
in

ac gazas invifendas viris principibus feftinantibus, nil pretiofius, ac carius fe habere eifdem dictitabat, quam magiftri fui imaginem, verbis ufus fplendidiffimis, quæ, licet aliena, peccarem fane fi minime attexerem: *Is eft, quem in omni genere ampliffimum effe & volumus, & judicamus. Is eft, quem præceptorem habuiffe loco fummi beneficii, & honoris ponimus. Is eft, cui fumma omnia tribuimus. Hunc unum ex omnibus Italiæ doctiffimis viris ita fictum habere volumus, ad noftraque fecreta admittere solemus, tum propter excellentem litteraturam, vitæque integritatem, & morum fanctimoniam, tum etiam propter incredibilem constantiam, & gravitatem, atque fingularem in rebus gerendis induftriam, & fidem. Hæc res eft, quam poftremo fpectandam omnibus exhibemus, ut omnium honorificentiffimam, & cariffimam (a). Infigne, & antiquum Ducis in magiftrum, tantæque dignitatis virum remunerationis exemplum. Ejuſdem in Pontanum officii æmulatorem fe præſtitit Federicus Princeps Alphonſi frater, nam dum exercitum ducebat, ingreſſuſque cum eſſet Pontanus prætorium, in quo Præfecti omnes confedebant, aſſurrexit Pontano Federicus, & tacere omnes juſſit, en adefſt, inquiring, MAGISTER (b).*

Jovianus auctoritate, ac fama nobilis, & ſolummodo eum Regis faſtigio præumbrante (c), tot claritatis ſuæ lu-

in prætorio extra urbem certo ſcimus. Piget me Afulanum appellaffe tunc temporis Regem ipſum Alphonſum, cum eſſet Calabriæ Dux, uti ex Angeli Coſtantii *hiſtor. Neap.* lib. X. pag. 244. atque ex Summontio ibid. colligimus.

(a) Afulanus ibid.

(b) Pontanus *de Sermone* lib. V. tom. 2. pag. 240.

(c) Apoſtolus Zenus contra omnem hiſtoriæ fidem in *Vofſ. diſſert.* tom. 2. pag. 175. ſcribit Pontanum Neapoli *Proregia* functum auctoritate, quo de magiſtratu ne verbum quidem reperire eſt.

luminibus turpi facinore obstruxit, ac fortunam pessumdedit: & quis postea non presentibus adversa, contrariaque expectatis aut speret, aut timeat? Etenim cum sequenti anno Regno se abdicasset Alphonsus, secessit in quasi peregrinum otium (a), dominationemque filio Ferdinando II. reliquit, qui Pontanum in summæ dignitatis, quaungebatur, gradu retinuit (b): mox Carolus VIII. Gallorum Rex, fugato Ferdinando, Regnum indeptus est: & antequam Neapolim ingrederetur, nuncium præmiserat, qui suo de adventu cives commonefaceret: atque huic continuo Pontanus Regni claves obtulit, Capuani, ut ajunt, etiam Prætorii, sive Castri, ea siquidem tunc erat Regia domus, potestate concedita (c).

At Carolus sibi metuens ob quorundam Europæ principum fœdus, qui una conjuraverant, bellumque paraverant, ut statim ipsum e Regno deturbarent, (in quo parumper commoratus est) in Templum maximum se contulit, quo majorum more, ac instituto Regiis ornamentis decoraretur. Tunc sane Jovianus, quem selegerant, ut ordinis populique verbis in eodem Templo oratoris partes implet ad dicendam novo Regi felicitatem, vel dolore injuriæ, quod Caleni, aut Polycastri dominium consequi haud quiverat, quod appetierat, vel quod veteri, ignotoque nobis in Aragonenses odio flagrabat,

(a) III. Non. Febr. Alphonsus e nostro littore solvit versus Mazaræ oppidum in Sicilia, ubi in Montis Oliveti Cœnobio vitam sancte, casteque vixit. Franciscus Guicciardinus *hisl. Ital.* lib. I. pag. 57. Venetiis 1568. Ludovicus Antonius Muratorius *An. Ital.* tom. 9. an. 1495.

(b) Joannes Antonius Summontius *ibid.* lib. VI. pag. 510.

(c) Camillus Tutinus *ibid.* pag. 247.

bat, vel ut egregie de Gallis mereretur, vi eloquentiæ, qua ipse vigeat uberrima, hos Reges conviciis proscidit, veluti immemor satietatis gloriæ, ad quam ipsum provexerant: e contrario quantis maximis laudibus ad gentem Gallam extollendam aggressus est (a). Sed humanis rebus animi volubilitate, quæ sæpe ad infamiam homines trahit, illudi non potest; etenim ab foederatis principibus exactis a Regno Gallis, quod cum iterum recuperasset Ferdinandus junior, studio in Jovianum ad invidiam converso, a quovis munere dejecit, in cuius locum Chariteus susceptus est (b). Profecto fero sensit Pontanus neutiquam in Reges exsuendam esse fidem, ob tale facinus haud parva nomini suo turpitudinis macula illata.

De privata tanti viri vivendi ratione dicturo multa mihi suppetunt, at omnia tam festinanti neque vacat eloqui, neque, cui vacat, posset. Ipse porro anticipites reliquit posteros, in florenti fortuna magis, an in adversa commendandus: uti olim de Junio Blæso certatum est, utiliore se in castris præstiterit, an meliorem in toga. Quanam liberali, ac magnifica animi moderatione se ab ea fortunæ abundantia privatum tulerit, laudandum sane, si meam dicentis infantiam ipsius Pontani eloquentiæ posthabeam (c).

Por-

(a) Franciscus Guicciardinus *ibid.* lib. II. pag. 80. Paullus Jovius *Elog. Sannazarii* pag. 96.

(b) Ex diplomatibus autographis, quæ domi servat Ant. Claritus, ac mihi humanissime legenda præstitit, novi Chariteum Pontano successisse, eaque ita subscripta deprehendi: *Rex Ferdinandus, Chariteus Secretarius.*

(c) Pontanus *de Obedientia* lib. I. tom. 1. pag. 7. *Nec pro honoribus, magistratibus, imperiis ita contendere velitis, & digladiari, ut aut honestas deferatur, aut non interdum deponendi plus valent, quam accipiendi ratio, quod viri fortis est, vereque magnanimi, non in honoribus, aut magistratibus decus illud positum judicantis, pro quo*

Porro Jovianus , quem jam Carolus VIII. urbe positus a Regiis , ac Regni administrandis rebus omnino dimoverat (a) , jampridem animo præconceperat , quin & curaverat ab amplissima principum consuetudine abesse , seque a tot publicis negotiorum molestiis abducere , quieti potius sibi visum consulere , quam famæ : hinc cum ter se ab Ferdinando I. Rege honesta missione donari expetisset , quo functus splendidissimis jam ministeriis tandem uni otio , & litteris vacaret tranquillus , postulationi nil pronus is princeps voti , consiliique compotem numquam fecerat Pontanum (b) usus tam navo prudentique adjutore ad publicam rem regendam .

Itaque ea ingenti curarum mole subductus vir priscæ hilaritatis ad privatam domesticamque vitæ rationem aggressus est , de æquabilitate , & constantia semper meritis , & qui in quibusvis ærumnis invictam animi celsitudinem gessit ; hac in re mira ejus eloquii vi utendum reor , in cujus verbis inest sane nil fucosæ veritatis

ni-

quo præstantibus viris omnis solet esse contentio , sed in honestate , & pulchritudine animi , qui non ad opinionem vulgi , sed ad conscientiam seque , suaque ipse referens , non videri quidem , sed esse talis vult . Scit enim nihil fictum , nihil fucatum posse cum fortitudine convenire , in qua sint stabilia , & firma omnia , contra in illis levitia , & caduca . Cavere etiam studiosissime oportet , ne secundis elati , & rerum copia affluentes , in luxuriam , superbiam , impotentiamque dilabamini , quæ vitia fortibus viris omni sunt studio fugienda , quippe quibus illud propositum esse semper debet , ut nullis animi perturbationibus , affectibusque vincantur . Quid enim turpius , quam quem adversa nequirit fortuna frangere , eum frangat secunda ? aut qui mortis , quæ cum decore futura sit , non cesserit , cedat iræ , libidini , inclementia , crudelitati ? Hæc præcepta servantem , licet fortiter , viriliterque & vivere , & mori : contra vero adversantem eis , abjecte , inconstanter , effeminate .

(a) Pontanus de Prudentia lib. I. tom. 1. pag. 166.

(b) Idem ibid.

nitor: *Quo in otio, & Calitibus ipsis mihi frui videor, & in ea tranquillitate vivere, ut & nunc demum & mihi ipsi, non Regibus videar omnino vivere. Possum itaque ex me ipso fidem vobis facere, bene constituto homini nihil esse optabilius, quietius, felicius, quam ubi ab negotiis, civilibusque administrationibus honeste secedenti otium contigerit, in quo mente fruatur, idest divinorum Numinum familiaritate, atque amicitia (a).* In eo vitæ genere a Regum negotiis procul beatissimum ab iis amotum adeo numquam poenituit, ut an. 1501. magistratum, in quo maximas sibi quæсивisset opes, ab Ludovici XII. Gallorum, & inde Neap. Regis Præfecto oblatum lubentissime recusaverit, testatus senectutem se non locupletiolem, sed occupatorem acturum, quando benignitate Superum sibi honestæ satis fortunæ suppetebant (b). Ratus igitur id temporis idoneum studiis litterarum indulgendi, totum sese iis abdidit: hinc clarissimis viris Tristano Caracciolo, & Francisco Puderico hortantibus (c), qui fuere par selectissimum amicorum, quinque libros *de Prudentia* scripsit, eisdemque dicavit. Et ut Andreæ Matthæi Aquivivi Hadriensium Ducis optatis responderet, grande volumen *de Rebus Cælestibus* absolvit, quod ob publici ministerii onus spatium annor. 20. intermiserat (d). Ejus ingenii ubertas protulit etiam libros sex *de Sermone* annos natus tres & septuaginta (e), quos inscripsit eloquentissimo Jacobo Mantuano e Divi Dominici familia. Denique vir scribendi quæque capacissimus ætatem

(a) Idem ibid. post pag. 166.

(b) Idem dialogo *Ægidius* pag. 170. tom. 2.

(c) Idem *de Prudentia* lib. I. tom. 1. pag. 147.

(d) Idem *de Rebus Cælestibus* lib. I. tom. 3. pag. 97.

(e) Idem *de Sermone* lib. I. tom. 2. pag. 185.

tem an. 75. transgressus dialogum *Ægidius* nomine exaravit (a), eo quod *Ægidio* ex Eremitis Divi Augustini, viro ob multiplicis doctrinæ famam spectatissimo, hinc ob merita ejus Julii II. Pont. indulgentia universo suo Ordini præfuit, atque ab Leone X. inter Cardinalium virorum Senatum allectus, nuncupaverit (b).

Quoniam autem viri ad tantæ virtutis, & doctrinæ exemplar geniti amicis sibi simillimis non carent, nunc urget opportunitas, ut de bene multis maxima fama, & generis splendore, quibus Jovianus semper effloruit, paucos feligam, atque arcta brevitate recenscam. Quorum princeps sit, qui illum in præcipuo honore habuit, & familiarissime a juvenilibus annis usus est, Antonius Panormita: huic Pontanus dialogum inscripsit *Antonius*. Neque prætereundus Laurentius Vala, cujus nomen in eruditorum censu tantum inclauit: hic cum Neapolim Alphonfi I. Regis honestandi gratia advenisset, Joviani adhuc adolescentis indolem demiratus, cum eo plurimam fancivit amicitiam (c). Par carius amicorum præ Sannazario, ac Pontano haud scio an invenire sit in historiis: in eo siquidem Actius requiem plenam oblectationis reperit. Quantum

(a) Procul dubio evincitur hac tempestate, nimirum an. 1501. *Dialogum* hunc scripsisse, nam pag. 156. loquitur de Petro Compatre nuper mortuo. Vide hujus libelli pag. 44.

(b) Paullus Jovius in *elog. Ægidii* pag. 103.

(c) Pontanus de *Sermone* lib. I. tom. 2. post pag. 193. scribit de Laurentio (quem Vallenfem appellat): *Homo maxime studiosus, quem senem adolescens ipse noverim, cumque e Roma se Neapolim contulisset ad Alphonsum Regem, & inviserim etiam reverenter pro illius, meaque ætate, & plures post congregationes maxime familiares, ita ab eo discefferim, uti ex eo de me nisi pleno, atque amico ore locutus fuero numquam.*

tum otii, & temporis hi duoviri una contriverint, palam omnibus est. Quo cultu illum profecutus sit Syncerus, is unus non noscit, qui in hujus carminibus hospes sit, in quibus, præter multas egregiæ existimationis significationes, *senem sanctum* salutatur (a). Vicissim in Pontano parilis in Actium elucet amicitia virtus, qui dialogum *Actius* cognomento conscripsit, nobisque sistit de poeticis numeris, deque historiae legibus perquam egregie edisserentem: quin ad eundem in Gallia commorantem paullo ante obitum extremam suarum epistolarum, quod a Petro Summontio teneo (b), misit (c). Vixit etiam conjunctissime cum Alexandro ab Alexandro, admirandæ eruditionis viro, qui non semel in immortalis *Dierum Genialium* volumine Pontani sui commeminit. Non obliviscendus Joannes Ber-

(a) Lib. I. Eleg. IX. v. 97. de studiis suis, & libris Joviani Pontani.

(b) Ex verbis Summontii tom. 3. pag. 299. Pontani epistola, quæ de veterum libris judicat per Actium Syncerum inventis. Hanc ne sine dolore legas, ultimam, lector, scias post innumerabiles alias, quas tum publicis, tum privatis de rebus, immortalitate dignus vir ille olim divinitus scripserat.

(c) Non abs re futurum reor epistolam hanc subijcere, quæ ibidem legitur.

Pontanus Syncero animi firmitatem D.

Quæ ad Pudericum scripsisti, ea me mirificum in modum delectarunt, sunt enim plena pietatis tuæ erga vetustatem, ac diligentie. Quo circa vel æventissime expecto videre Ovidianos illos pisciculos in Euxino lustrantes, Maotideque in palude. Quod vero ad venationem attinet, visus est mihi vates ille lepidus, numerosus & cultus, deque eo, si recte memini, sit ab Apollinare mentio in hendecasyllabis. Rutiliani illi versiculi enodes sunt, & nitidi, cultus vero ipse peregrinus, potius quam urbanus, ne dicam arcessitus. Sed de his omnibus, ejus erit judicium rectius, aut probatius, quam tuum? Ego, ut dixi, mirifice expecto Ovidianos illos ἰλιππας, nobis incognitos, præsertim sub quadragesimale jejunium. Tu vale, & in isto voluntario exilio, seu potius peregrinatione dignam nobilitate tua fortitudinem retine. Neapoli Idibus Februarii MDIII.

Bernaudeus, qui sibi famæ plurimum, ac laudis depeculari visus est, quod binas litteras a Joviano, quarum adhuc prostat exemplar (a), acceperit. Angelus Colotius Bassus non modo coluit Pontanum vivum, sed & eidem mortuo statuat erigendam in animum induxit (b). Addas Petrum Summontium Joviano carissimum, quocum in Antiniana villa sollempne habuit sermones, qui de rebus naturalibus versarentur, ferere (c): nec non Aldum Manutium, virum de re litteraria cum paucis egregie meritum, cujus doctrinam cohonestavit Jovianus, dum librum decimum *de Rebus Cælestibus* ejus nomine insignivit, & non unum ingenii sui opus ejus typis edendum concedidit (d). Quanta cum Petro Bembo etiam benevolentia magnitudo intercesserit, neminem latere reor: etenim ipsi librum septimum *de Rebus Cælestibus* inscripsit. Demum tanti æstimavit Jovianum Franciscus Pudericus Neap. Patricius, ut in isthæc plena amoris verba toties proruperit: *Aspicite vivum hunc, amici, dum licet: hujus, dum licet, aspectu exsaturate oculos, non multos dabitur intueri Pontanos* (e). Longior sane abiret sermo, si præterea, quæ arcta viguit consuetudo, adjiciam cum Francisco Gonzaga Mantuæ Domino, Roberto Salernitanorum Principe, Consalvo Ferdinando Magno, Paulo Cortesio, Antonio Gueguara Comite Potentino, Cosmo Puccio Florentinorum Præfule,

(a) In fine opusculi Bernaudi *Zotica* inscripti. Neap. per Joannem Jacobum Carlinum.

(b) Petrus Summontius in *epist. ad Angelum Colotium Bassum* apposita initio Pontani oper. *de Immanitate*.

(c) Pontanus *de Rebus Cælestibus* lib. VIII. tom. 3. post pag. 219.

(d) Petrus Summontius in *epist. ad Aetium Syncerum*, quam legere est in volumine Joviani carminum Neap. edito an. 1505.

(e) Petrus Summontius in *epist. adnexa dialogo Aetius*.

fule, quos omnes aliquot opusculorum nuncupatione honestavit.

At quamvis amicorum copia dives esset Jovianus, atque præter Reges, in primisque Alphonsum II. Calabriae Ducem, cujus nomen libris *de Fortitudine*, ac *de Principe* ornamento est, atque fere universis floruisse, quos in Academicorum albo superne adscriptos vides: intemperatam tamen, ut ita dicam, & veterimam benevolentiam locavit in duoviris elegantissimi leporis Marino Tomacellio Neapolitano Patricio, & Petro Compatre, quem ut ait ipse, laborum socium, ac studiorum habuit (a). Quanta fuerit urbana, liberalis, ac festiva trina horum senum doctissimorum societas, quantaque hilaritate affluerit, intelliges summa animi voluptate ex Pontani eloquentia, ac verbis, quo si mea scribentis nil sapiant, his condiantur: *Conse-derant mecum meis pro foribus idem hic Marinus, & Petrus Compater homo jucundissimus, magna senectute tres, cano capite omnes, nullis dentibus, multis tamen, ac prope tercentenis annis. Præteriens igitur adolescentulus demiratus cum esset treis annosos vetulos, albensibus capillis, maxime hilari vultu, & joculari cum prætereuntibus, & arridere salutantibus, hic Marinus in ipsa illa adolescentis admiratione tanto cum lepore Virgilianum effudit illud,*

*Tercentum nivei tondent dumeta juvenci,
ut risum non tenuerint, senem qui audierunt, eo in sensu tam opportune, adeo præter expectationem, ac perquam concinne modulantem. Isque confestim risus ingeminatus est, nam derisui cum haberetur a nobis, qui præteribat juvenis obeso corpore, obesiori ingenio, maxime*

(a) Pontanus dialogo *Ægidius* pag. 156. tom. 2.

xime obefis moribus , tum a festivissimo , & perquam-
 concinno juvene Petro Summontio , & festive admodum ,
 & pervenuste injectum est Virgilianum aliud , quamquam
 dimidiatum e Georgicis , Longamque trahens inglorius
 alvum : ut protractus risus fuerit in Cbaritei adven-
 tum , qui animadvertens senum trium tam æqualem ca-
 nitiem , quid , inquit , hic ad fores ? an inallescere cu-
 pitis ? cum Alpes videamus nivibus oppletas undequaque
 concanescere (a).

Hac vivendi ratione octo annorum curriculo , a pu-
 blicis molestiarum curis absolutus , usus est sapientissi-
 me , nempe vel in cultu amicorum , vel in rei pu-
 blicæ adjumento doctis libris , ac laboriosis scriben-
 dis . Interea mortalitatis memor Hieronymo Borgio ,
 quem in quavis arte bona instituerat , breve hoc elo-
 gium , ac ponderosum sepulcro suo insculpendum com-
 mendavit (b) , quod adhucdum in ejus sacra Æde visi-
 tur : VIVUS DOMUM HANC MIHI PARAVI , IN QUA QUIE-
 SCEREM MORTUUS , NOLI OBSECO INJURIAM MORTUO
 FACERE , VIVENS QUAM FECERIM NEMINI : SUM ENIM
 JOANNES JOVIANUS PONTANUS , QUEM AMAVERUNT BO-
 NÆ MUSE , SUSPEXERUNT VIRI PROBI , HONESTAVERUNT
 REGES DOMINI . SCIS JAM QUI SUM , AUT QUI POTIUS
 FUERIM . EGO VERO TE HOSPES NOScere IN TENEBRIS
 NE-

(a) Idem de Sermone lib. IV. tom. 2. post pag. 228.

(b) Apostolus Zenus in *Voss. Dissert.* pag. 178. dum de Joviani obi-
 tu loquitur , his Hieronymi Borgii verbis utitur , qui lib. IV. hist.
 MS. de bellis Ital. ait : *Antequam decederet , Hieronymo Borgio suo*
alumno hoc epitaphium supra sepulcrum sculpendum dedit : Vivus do-
num hanc mihi paravi , &c. Quisque videt , quam contraria sint ,
 quæ exhibet Morerius in magno *Lexico hist.* Pontanus s' étoit fait
 elever un tombeau magnifique ; mais il oublia de mettre dans son te-
 stament , quelle epitaphe on y devoit graver des quatre , qu' il avoit
 composées .

NEQUEO, SED TE IPSUM UT NOSCAS, ROGO. VALE (a).
 Demum annos natus septem ac septuaginta paullo post
 Alexandri VI. Pont. fatum diem supremum obiit, nempe
 an. 1503. media autumni tempestate (b), æterno
 suæ

(a) Exstant in lib. II. *Tumulor.* pag. 3430. hi sepulcrales versus, quos etiam sibi condidit Pontanus procul dubio ad musas excolendas, quosque, utpote sat elegantes, & feracis ingenii vim præferentes, adscribendos reor:

*Dic age, quid tumulos servas, Dea? nostra tuemur
 Jura. Deos cinerum num quoque cura tenet?
 Hac mihi prima quidem cura est. Quid concutis alas
 Usque? Fugo tenebras, quo vigeant tumuli.
 Quid sibi, quæ collo pender tuba? Nomen amico
 Dat cineri, ad tumulos hac ego gesta cano.
 Dic agedum, manes cujus hi? Vatis, at urnam
 Officio posuit docta Minerva suo.
 Hos tumulos Jovianus habet: quæ ferta vivescunt,
 Lecta suis manibus disposuere Dea.
 Sed manes ne quære die: per amœna vagantur
 Prata, sonat rigua sicubi murmur aquæ.
 Nymphæ adsunt, & adest dulcis Charis: aurea cantu
 Fila movent: leni concinit aura sono.
 Nocte illum complexa sovet nitidissima conjux,
 Fervet, & a nulla parte refrixit amor.
 Hæc illi comes in tenebris, quas vincit amoris
 Lucia fax: gemina luce coruscat amor.*

(b) Non unus mihi testis suppetit, quo ætatem hanc obitus Pontani firmem: præsto est Hieronymus Borgius in MS. ibid. *Paullo post Alexandri (VI.) obitum medio autumno, magnus Pontanus ad immortalæ vitam migravit.* Idem sentit Paullus Jovius, qui & mensem indicat in ejus *Elog.* pag. 61. *Fato autem functus eodem mense, quo Alexander VI. vita excesserat.* Artidet id, quod chartis suis mandavit Schraderius *Monument. Ital. &c.* pag. 231. qui affert carmen, quod tunc temporis Pontaniano Templo adscriptum asserit:

soLVItVr cXCeLLens fatIs IoVianVs In aVras,
 at Libros nVnqVaM parCa aboLebit Iners.

Ex hisce versiculis, si simul coagmentes, quotquot vides majora elementa, atque ab littera M incipias, annum 1503. quo quidem mortuus est Pontanus, extundes. Hinc quisque demirabitur Vossium de *Scriptor. Latinis* pag. 607. hæc scripsisse: *Obiit autem (Pontanus)*
 ata-

suæ virtutis desiderio relicto: illatusque in gentile monumentum, quod vivens sibi paraverat (a). Piget me haud invenisse, qua honestatis pompa, ut moris est, tot amicorum maximi nominis pietas funus illius decoraverit. Sed ab locuplete teste scimus, quantis mœroris, & lacrymarum officiis tanti viri mortem prosecuti sunt ejus familiarissimi, ita ut & litteris luctu plenis absentes certiores fecerint se sapientissimum, jucundissimum, ac carissimum senem, Academiæ suæ patrem amisisse complorantes (b). Virilem prolem non reliquisse Jovianum certo constat (c); duos enim natos habuit Lucium Franciscum, & Lucilium, quos vivus composuit felices (d).

Haud mihi allaborandum fuit, ut corporis formam ex
sui

etatis suæ 78. Christi an. 1505. eopse mense, quo Papa Alexander VI. decessit: pro certo enim habetur Alexandrum VI. undec. Kal. Septembr. an. 1503. e vita cessisse. Jure igitur asserui Pontanum annos natum septem, ac septuaginta diem supremum obiisse media autumni tempestate an. 1503: fretus præsertim auctoritate Hieronymi Borgii, qui & morienti Joviano alsederat.

(a) Quis autem non satis diu indoleat, neque in Pontani fano, neque in hypogæo ejus cineres, perquam sollerti cura adhibita, reperiri haud quivisse: sicuti uxoris Adrianiæ, & filiarum Luciarum ossa inventa sunt, & decentibus loculis composita. Porro quis mihi intercedat, quin suspicer ad superiorum temporum dedecus, ab sacra Æde omni religioso cultu amoto, propterea quod in hypogæo perditissimos homines, ac capitales se oculuisse narrant, quibus in more est omnia sursum deorsum pervertere, quieto Pontani cineri injuriam fecisse?

(b) Bernardinus Tafurius in libello Italicè conscripto *de Scientiis, atque artibus*, &c. pag. 150. affert verba Antonii Galatei in epist. MS. de morte Pontani ad Hieronymum Carbonem: *Potuisses unquam, mi Carbo; credere quot lacrymas, & gemitus attulerint mihi primo aspectu tam tristes, ut scribis, & ut par est, litteræ tuæ, in quibus sapientissimi, jucundissimi, ac cavissimi senis, patris Academiæ nostræ Joviani Pontani mortem deploras.*

(c) Vide adnotat. hujus libelli pag. 26.

(d) Legas, quæ diximus pag. 29. lit. (a) & pag. 34. lit. (a).

fui ævi historicis scrutarer, cum Jovianus ipse illam bonis eloquii sui coloribus illeverit: *Fuit itaque bona, & recta statura, fronte lata, calvo capite, superciliis demissioribus, acuto naso, glaucis oculis, mento promissiori, macilentis malis, producta cervice, ore modico, colore rufo, adolescens tamen perpalluit, reliquo corpore quadrato. Unum nunc illi male contigit, nobis amicis non incommode, quod pede altero debiliior cum sit factus, in deambulationibus remissior futurus est (a).* Verum ipse, quamquam non unas Pontani effigies vividas cives se nactos esse jactent, eam huic libello affigendam ratus sum perquam germanam, utpote Sannazarius exprimendam curaverat, quæ sane aut omnino, aut maxima ex parte respondet his Joviani verbis; & quo pacto eam fortuna mihi obtulerit, infra adjectum est (b). Elegans, & temperatum ipsius

(a) Pontanus dialogo *Antonius* tom. 2. pag. 89.

(b) Scio multas Pontani effigies a possessoribus civibus, & peregrinis ostentari, vel pictas, vel fictas, & quisque suam nil dubiam inculcare satagit: attamen ego hac in re deprehendi omnes simul conferens tot vixisse Pontanos, quot imagines nobis obijciunt; etenim nullum vidi inter ipsas inesse instar, utpote ab alienis, diversisque personis expressas. Præ ceteris illa celebratissima est, quæ in templo Olivetanorum visitur in Sacello Gentis Oriliæ, ubi Christi Domini Sepulcrum intueri est, atque deprædicant Nicodemum exhibere nobis Jovianum, Josephum vero ab Arimathæa Sannazarium, ex argilla ad humanam, quanta est statura, effictos: quin in libris id nostros posteris tradere nil pudet. Porro non tanti erat opinionem hanc tamdiu præjudicatam continuo exuisse, quando quisque novit hanc Josephi effigiem tanto absumilem Sannazarii protomæ ex marmore, quæ in ejus miræ artis sepulcro imposita est, quanto ipse vir Arimathæensis erat Actii vultui dispar. Non me fugit hujus erroris tam constantis, & quem præfracte tuentur, in causa fuisse Engenium Caracciolum in *Neap. Sacr.* pag. 510. quem nescio quam excogitandi libertate binas illas ex argilla statuas Sannazarii esse, & Pontani scribere non pœnituit provocantem ad Raphaelem Borghinum, & Georgium Vasarum: quando ne verbum quidem apud Borghinum in lib. qui inscribitur *il Riposo*; & Vasarum sibi omnino adversum non animadvertit: isthæc enim is

in

ipſius Pontani dicendi genus mihi optarem, quo ejus animi faciem, ingeniiſque dotes expromerem, ſed lubentius quivis in tot ſcriptis ab ipſo operibus deprehender. Quamvis autem auſterum præ ſe ferret ſupercilium, ſermone erat jucundus, ac perurbanus (a); elucebatque in eo mira eloquentia, ac ſacundi oris gratia, qua ejus volumina exuberant. Sed nemo Petro Summontio felicior de ejus elegantia ſermonis acceptiſſimam protulit ſententiam: *Genus autem dicendi, in quo maxime ætas noſtra decipitur, ita ad antiquorum imitationem eſſiſſinxit, ut nihil te in eo peregrinum offendant, nihil conquiſitum, atque, ipſe dicere ſolebat, violatum, ſed unumquod-*

in *Vitis Piclor. &c.* tom. 1. pag. 352. Florentiæ 1568. adnotavit: *Modanino da Modena, il quale lavorò al detto Alphonſo (loquitur de Alphonſo I.) una Pietà con infinite figure tonde di terra cotta colorite, le quali con grandiffima vivacità furono condotte, e dal Re fatte porre nella Chieſa di Monte Oliveto di Napoli, Monafterio in quel luogo onoratiſſimo: nella quale opera è ritratto il detto Re in ginocchioni, il quale pare veramente più che vivo. Onde Modanino fu con grandiffimi premj remunerato: ex quibus verbis certi ſumus non potuiſſe Alphonſum jubere, ut Modaninus Sannazarii imaginem effingeret, cum Actius eodem anno, quo obiit Alphonſus, in lucem editus ſit, ut ex ejus tumuli titulo diſcimus: quare nemo unus facile mendacio Engenium purgabit. Quod de Sannazarii, idem dicas de Pontani effigie. Hinc cum iſthæc non pauca tanti viri geſta collegiſſem, ejus certo vultu deſcri mecum conquerebar: at bene mihi fuit, cui Oratorii noſtri bibliothecam locupletiffimam evolventi poſſeſſon Pontani exemplar occurrit, quod Sannazarius Aldo Manutio dono miſerat, vario ornamentorum genere, & ipſis Manutiorum ſtemmatibus ex auro dives, & præter nitidiſſimos characteres, atque binas Joviani ſui imagines ab ære cavo expreſſas inſigniri umbilicorum inſtar curaverat: hanc ſane uti certam, germanamque effigiem ejusdem magnitudinis huic meo libello præfixi, eo magis ſecurus, quod in fine voluminis litteris majoribus hæc propria manu Sannazarius ſubſcriperat, ALDO SUO ACTIUS SYNCERUS. Si vero naſi extremitatem non acutam, ſed parum obtuſam excipias, pernoſces tamen reliquas partes omnes, uti ſe ipſe deſcriperat Jovianus, reſpondere.*

(a) Paullus Jovius in *Elog.* Pontani pag. 60.

quodque plane Romanum videatur (a). Porro ecquis non demiratus est in publica re gerenda, ac tanta negotiorum mole singularem consiliorum præstantiam, & maturitatem? Circa Deum, ac religionem nihil negligentior, & quanti, & quam salubres duxerit, & reveritus sit nostras Christianorum Leges, ac instituta, ipse his verbis tradidit posteritati: *Constantissime quidem teneri, omnique e parte credi oporteat, ac si quis, secus sibi persuaseroit, deque iis modo aliquo dubitaverit, babeatur in hæreticorum, ac perditorum hominum numero, atque ea necesse est, ut & profitearis, & ubi usus evenerit, asserendis illis digladiare, atque emoriare potius, quam abneges* (b). Nihil sibi capitalius visum est, quam iniustitiæ crimen, illamque vocabat omnium vitiorum pessimum, ac deterrimum (c). Quam integer, & frugi fuerit, atque in expetendis opibus temperatissimus, non unum in illis, quæ narrata sunt, specimen dedimus, contentus iis tantummodo, quas maximo labore; summa integritate, suo tantum unius ingenio, propriisque animi viribus sibi comparaverat (d). Verum tot virtutum lucem non una vitiorum labes infecit. Pontanus ambitiosi honoris gratia famosum illum dialogum *Astinus* conscripsit, qui plurimum ei famæ detraxit, sicuti norunt, quotquot evolvendum suscipiunt. Audiit etiam maledicentissimus in dialogo *Charon*; in eo siquidem perquam mordax est, & non solummodo sibi notos

(a) Petrus Summontius in epist. ad Franciscum Pudericum patricium Neap. quam legere est in initio dialogi *Astinus*. Franciscus Floridus Sabinus *Apolog. in Latina Lingua calumniatores Scriptorum* pag. 109. Basil. 1540. de Pontano scribit: In dicendo copiam, facilitatem, elegantiam, & proprietatem.

(b) Pontanus de Obedientia lib. I. tom. 1. pag. 11.

(c) Idem ibid. pag. 12.

(d) Idem de Rebus Celestibus lib. I. pag. 97. tom. 3.

tos lacerat, sed cujuscumque conditionis homines, civitatesque ipsas acerba scribendi licentia proscindit, ita ut de eo dictum sit *nemini lingua pepercisse* (a). Atque nemo unus commendaverit, quod in fingendis quibusdam carminibus sæpe impudentiæ morbo laborat. Omnium vero probrosum, ac turpe in suos benemerentissimos Principes non servasse fidem.

Reliquum est, ut de ejus doctrina, ac scriptis aliqua delibemus, persequi enim omnia disertissimum quemque deterreret: erant siquidem in eo quodvis genus litteræ nec vulgares, sed interiores, & exquisitæ: eloquendi vim, & copiam, quæ est una ex summis virtutibus, plenam dignitatis, ac sapientiæ affecutum consentiunt universi, atque ornasse, quæ voluit, omnesque omnium rerum, quæ ad dicendum pertinent, fontes animo, ac memoria continuisse. In ejus stylo emicat eximia suavitas Atticorum, & Romanorum propria, ut felicissimo Augusti ævo natus esse videretur, uti quidam effari non dubitarunt (b). Mirum sane est, quantum Græce didicerit, nam præterquam quod universa sua volumina Græcis vocibus opportunè adpersit, Ptolemæi sententias explicatu sat operosas Latine iterum, & clarius vertit, & commentariis, ut superne dictum est, earum veritatem patefecit: præter hæc Græce cultissimum evasisse prædem habeo præclaram illam epistolam (c), & fortasse cuique notam,

(a) Julius Cæsar Capaccius *elog. illustrium Viror.* pag. 377. Neap. 1608.

(b) Franciscus Floridus Sabinus *ibidem*.

(c) V. tom. 3. post pag. 298.

*Jovianus Pontanus Petro Salvatori Valle,
& Joanni Ferrario S.*

Et si verecundia mea vix dignum esse arbitror, ut alieno labori meum nomen inscribam, tamen Petro Salvatori Valle, & Joanni Ferr-

tam, in qua uber inest Græcarum rerum cognitio, & sententiarum gravitas, quam scripsit annos quatuor & triginta natus Kal. Jan. 1460. misitque Petro Salvatore Vallæ, & Joanni Ferrario iudicium de Herodoti Musis ab Laurentio Valla viro sagaci in Latinum converter-

Ferrario aliquid a Joviano posulantibus difficile dictu esset non concedere. Efflagitastis enim, ut quoniam Halicarnassei Herodoti historiis mirum in modum delectaremini, quas nuper Laurentius Vallenſis in Latinum convertisset, sed morte præventus, incepto operi ultimam nequiverit manum imponere, id brevi saltem testarer epistola, ne tantus labor, a quo susceptus fuerit, id posteris esset incognitum. Feci itaque non invitus, ut rogatu vestro eruditissimi hominis fama consulerem, quem & virum amavi, & mortuum etiam lacrymis sum prosecutus. Hujus autem suscepti operis ratio hæc fuit, quod cum ille Neapolim se aliquando contulisset salutandi Regis Alphonsi gratia, cui multos ante annos esset cognitus, & de rebus Persarum, ac Græcorum multus inter eos sermo esset exortus, rogatus est a studiosissimo Principe, ut Herodotum, quem ea diligentissime complexum esse sciret, sibi Latinum redderet. Quod cum ille Regi de se benemerito, ac honesta præsertim petenti non denegasset, ne operam suam, ut erat pollicitus, omnino præstaret, immatura mors effecit. Quo mortuo, Rex libros eos, ut erant, Roma sibi deferendos curavit, & in bibliotheca sua diligenter asservari jussit. De hac autem tota conversione quod meum sit iudicium, novistis. Mallem enim unumquemque suam, quam aliena ad nos afferre. Equidem & Ciceronem existimo, si viveret, gravato id animo esse laturum, si quis Oratorem suum Grace loqui faceret, & Demosthenem stomachaturum, si qua ipse Attice scripsisset, alia quispiam lingua eloqui vellet. Quod autem ad Herodotum ipsum attinet, sane id est, ut existimem tanti viri ingenium non parum omnes admirari debere, qui res tam varias, ac tanta diligentia quasitas, ea suavitatem, artificioque explicaverit, ut nihil omnino sit, quod ejus laudibus recte detrahi possit; nisi forte id aliquis calumniari velit, quod nonnulla apud eum ita legantur, ut ficta, quam facta potius esse videantur; qua culpa non magis scriptoris, quam temporum illorum est existimanda; quam ego vel potissimam reor esse causam, cur novem ille Musarum nominibus libros suos inscripserit, quasi ipsa operis inscriptione apud posteros id testatum relinquere cuperet. Nam & temporibus non omnino repugnari potest, & Musis aliquanto etiam liberius, ut scitis, loqui concessum est. Sed de hoc licet alii quoque suum afferant iudicium; nihil enim

verfis expoftulantibus . Jure igitur fe ipfe dicit Græcorum ftudiofiffimum , eorumque venerari difciplinās , ac ingenia fufpicere : attamen quidam ex otiofis , & loquacibus Græculis (a), fortaffe ob invidiam , quæ urebantur , eo quod Pontanus præ ipsis longe Græce faperet , ei illudere , ac maledicere minime veriti funt : hinc Jovianus eodẽm , confecto Regis edicto , voce maxima citante præcone , infectatur , uti habes ex dialogo *Antonius* , in quo fat festive colloquuntur *Hofpes Siculus* , & *Compater Neapolitanus* ; verba præstat hic apponere ad legentium voluptatem : Hofpes : *Sed præconem hunc audiamus , qui tantam fibi facit in populo audientiam : Regium videlicet edictum ; numquam vidi turgidiores buccas ; puto ego hominem fermento vefci : quos clamores Dii boni !* Præco : LICERE , FASQUE ESSE JOVIANUM PONTANUM , QUI HABITAT IN PROXIMO , TUTO EGREDI DOMO , TUTO PER URBEM INCEDERE , TUTO ETIAM DE REBUS LATINIS LATINUM HOMINEM DISSERERE , ISTOS VERO GRÆCISANTEIS HOMINES , ATQUE ITALOGRÆCOS NIHIL EI MALEDICERE , NIHIL INCESSERE , NON OCULIS , NON BARBA , NON SUPERCILIIS , NON DENIQUE ULLA GRÆCA ARTE ILLUDERE . HOC REGEM IPSUM EDICERE . SI QUIS SE-

CUS

enim obfifto . Satisfeci , ut opinor , cupiditati veſtræ , quod ſi brevior fortaffe ſum , quam erat veſtrum utriuſque aviditas , id occupationibus meis attribuat . Ad hæc , & Laurentii noſtri , & Herodoti ipſius laudes majores multo ſunt , quam ut eas brevis epiſtola complectatur . Reliquum eſt , ut vos ad legendas hiflorias adhorter , ex quibus , ſi animi quæratur voluptas , non eſt , unde major percipi poſſit , ſi vita commoditas , hæud ſerme invenietur , ubi plura , melioraque exempla reperiantur . Valete . Neapoli , Kalendis Januariis 1460 .

(a) Pontanus Dialogo *Antonius* tom. 2. pag. 70. fat facete Græculos deſcribit : *Hos ventris crepitibus ſimiles dicebat Antonius (Pa-normita) nares tantum offendere , cetera ventum eſſe , ſiquidam ventroſos eſſe , ac puſidos .*

CUS FECERIT, BARBAM EI EVELLERE IMPUNE LICERE, PILEUM AUFERRE, CREPIDULAS ERIPERE. QUOD EDICTUM SANCTUM ESSE OMNES SCIUNTO, IDQUE TUBA HAC TESTOR. Hospes: *Quid obsecro Joviano huic Græcine tam sunt infesti?* Compater: *Quin ipse Græcorum est studiosissimus, eorumque veneratur disciplinas, ac suspicit ingenia, nec est quod Græcos timeat. Esse autem nostrates quosdam adolescentes, eosque nuper e Græcia rediisse, qui cum nec Græce sciant, nec Latine, esse tamen gloriosissimos, quibus si barbam, pileolumque ademeris, nihil omnino Græcum habeant. Eos ait O Græcæ, O Latinae orationis inculcatores esse, ubi cum Græcis fuerint mussitare, cum Latinis autem mirum esse, quam Græce omnia. Hinc illos irasci, O pæne furere, horum timeri audaciam, cervicesque insolentissimas:* Hospes: *Quid ipse didicitne Græcas litteras?* Compater: *Eas adolescens attigit, sed in Italia, nam in Græcia magis nunc Turcaicum discas, quam Græcum (a).*

Scribendi ratio postulare, ut Pontani libros, tum in ligata numeris, tum in soluta oratione recenserem, ac sigulorum argumenta stricte hic attexerem; verum & eorum copia, & multiplici varietate rerum me obrutum sensi: & quodvis ingenium perspicax eo in periculo hæreret, ac continuo se ab incepto revocaret: hinc mihi bene consuluisse ducas, quod in hujus libelli fine multa arte perpolitam Sannazarii *Elegiam ix. de Libris Joviani Pontani, cum Petri Volamingii annotationibus*, adnectam: at scio in hoc Volamingii labore quibusdam in locis curam diligentiorē desiderari. Interea subiecto in margine omnium ejus operum indi-

(a) Pontanus ibidem.

dicem subscribam (a), quo constet, quantum operæ impendendum, si uniuscujusque libri argumentum in breve quis cogere velit, & quantum prolixa, quin & molesta legentibus mea abiret oratio. Porro cujus eruditionis, elegantisque doctrinæ documentis referta sint Pontani volumina, vel quibus rectissimis studiis, atque artibus excultum in iis se ostentarit, ejus eloquentiæ virtute indigeret quisquis id præstare audeat : quan-

ta

(a) Joviani libri in soluta oratione.

DE OBEDIENTIA LIBRI V.

DE FORTITUDINE LIB. II.

LIBER DE PRINCIPE.

LIBER DE LIBERALITATE.

LIBER DE BENEFICENTIA.

LIBER DE MAGNIFICENTIA.

LIBER DE SPLENDORE.

LIBER DE CONVIVENTIA.

DE PRUDENTIA LIB. V.

DE MAGNANIMITATE LIB. II.

DE FORTUNA LIB. III.

LIBER DE IMMANITATE.

LIBER DE LUNA IMPERFECTUS. Mœrentissimus quisque legat isthæc Petri Summontii tom. 3. post. pag. 298. Opus hoc de Luna in Pontani scriptis, ita ut vides, mancum invenimus, cujus reliquum, ut alia etiam nonnulla, post auctoris obitum, amissum est heredum incuria. Nec & his profecto, quæ nunc habemus, eadem non incuria obsuisset, nisi nos id ipsum timentes periculo statim occurrissemus, ereptisque tamquam e naufragio archetypis, salva per nos res fuisset. Quare discant præcavere sibi quicumque litteris aliquid mandant, nec se temere, si sapiunt, posteritatis committant negligentia. Vale.

Franciscus Asulanus in epist. ad Averoldum Præsulem Polensem ibid. perquam illustri elogio complexus est omnes Joviani libros : Quid enim unquam majore judicio, & elegantia de obedientia, de utraque fortitudine heroica, & domestica præceptum est? quæ ad fugiendam avaritiam, & liberalitatem colendam magis salutaria præcepta dari poterant? quæ ad prudentem virum ab imprudenti fecernendum, & magnanimitatem servandam, & fortune vim intelligendam, & immanitatem detestandam majore copia, ingenio, acumine extogitata unquam fuerunt? Quæ vel potiora ad legendum, vel ad

K 2

imi-

ta profecto cogitationum vi & varietate, sententiarum luminibus, ac ubique rerum novitate animos percellit! Ac de eo fane prædicandum non tam vixisse, quam cogitasse, ad quaslibet abstrusiores disciplinas non doctum, sed factum. Ipse de rebus divinis, de prudentum legibus, ac scitis, in primisque quæ ad ethicen spectant, gravem, & frugi sermonem instituit: non illi latere quidquid in astronomicis, atque in medica arte vel opi-

imitandum accommodatiora in scriptis relinqui poterant, quæ illa principis educandi præcepta, quæ ad Alphonsum tum Calabriæ, ut inquit, Ducem misit? Adde tot dialogos, & de rebus gravissimis disputationes, in quibus cognoscendis majorem fortasse utilitatem capere possumus, quam cum Lucianum bonos omnes insectantem, & dignitati cujusque generis hominum illudentem legimus, ubi multum scurrilitatis, urbanitatis parum deprehendimus, quod veteres item in Aristophane annotarunt, quem propterea etiam multo inferiore Meandro statuere nisi sunt. Quid de historia dicam? tam ornate, copiose, & prudenter scripta, ut illa sola si exstaret, & reliqua illius opera desiderarentur, auctoris sui nomen in perpetuam memoriam propagare posset. Quæ ex antiquitate monumenta amplioris doctrinæ habemus, quam expositiones centum sententiarum Latine loquentis Ptolemæi, & illa omni laude cumulata rerum celestium volumina.

Pontani libri in ligata oratione.

URANIA, SIVE DE STELLIS LIBRI V.

METEORORUM LIBER.

DE HORTIS HESPERIDUM LIB. II.

LEPIDINA, SIVE PASTORALES POMPÆ SEPTEM.

MELISEUS, MÆON, ET ACON.

AMORUM LIB. II.

DE AMORE CONJUGALI LIB. III.

TUMULORUM LIB. II.

DE DIVINIS LAUDIBUS LIBER.

HENDECASYLLABORUM, SEU BAJARUM LIB. II.

JAMBICI VERSUS DE OBITU LUCII FILII.

VERSUS LYRICI AD RES VARIAS PERTINENTES.

ERIDANI LIBRI II.

Pontanianam poesim his laudibus extollit Jacobus Gaddius de *Scriptoribus* tom. 2. pag. 164. In *poesi* vero multiplici excelluit adeo Jovianus, ut velut Jupiter, genitores Latine poëtas (Lyricam *exsippio*) de regno, solique dimovere conetur haud omnino temerario; insa-

opinabile est, vel certum, neque tot philosophorum distractæ sententiæ, vel ardua matheseos studia; quin in bellicæ rei scientia ita subactus, ut videatur alitus, atque educatus in castris. Et quisque demirari numquam desinet virum tot tantisque curis districtum tam multa, atque exquisita edidicisse, innumerisque chartis suis illinere potis fuisse, quas fera posteritas quanti nunc faciat, non oratione, ac sermonibus comprobatur, sed factis, dum illæ numquam ad satietatem versantur. Quid de libris suis futurum certis, non coactis auspiciis jam Jovianus ipse divinavit carminibus illis selectissimis in *Urania* (a).

*Fama ipsa assistens tumulo cum vestibus aureis
Ore ingens, ac voce ingens, ingentibus alis
Per populos late ingenti mea nomina plausu
Vulgabit, titulosque feret per sæcula nostros,
Plaudentesque meis resonabunt laudibus auræ,
Vivet, & extento celebrer JOVIANUS in ævo.*

Quæ vero tantus vir scripserat, partim, dum adhuc viveret, typis edita fuere; inde cuncta studio amicorum in plura volumina collecta non semel evulgari curatum est, cum primis dedita omnium sibi carissimi Petri Summontii opera (b). Quædam ipse Jovianus mem-

insanoque conatu. Siquidem in Hendecasyllabis non raro vincit Catullum, in Tumulis plures Poetas, omnes in Naniis. Idem perpaucis concedit in Elegiis, & in Poematis heroicis, qui Hortos Hesperidum, & Uraniam cecinit adeo canorus, & doctus, ut poesim cum astrologia, & philosophia conjungens, tribus veluti Gratiis comitatus, elegantiarum, & leporum nutricem Venerem sit felicissime complexus.

(a) Lib. V. pag. 3091.

(b) In bibliotheca Marchionis de Sarno parentis mei volumen exstat editum ab Bernardino Vercellensi Venetiis an. 1501. in quo insunt hi Joviani libri, de Fortitudine, de Principe, dialogi Charon, & Antonius, de Liberalitate, de Beneficentia, de Magnificencia, de

membranis mandaverat, quibus diu satis pœnitendum est nos caruisse; siquidem juvenilibus annis non pauca luserat in Catullum, cui ea ætate impense studuerat, ac supererant exquisiti quidam in hunc vatem *commentarioli*, quos in lucem proferre receperat Summontius ipse (a), sed eos adhucdum neminem vidisse compertum habeo; utinam, si in alicujus forulis lateant,

de Splendore, de Conviventia, de Obedientia. Hanc primam editionem quorundam Pontani operum, quæ simul collecta sunt, fuisse arbitror; nam antea sejunctim typis edita reperies. Nunquam satis commendanda Petri Summontii sedulitas, qui universos Joviani libros collegit teste Francisco Afulano epist. ad *Averoldum Præsulem Polensem*, quæ legitur initio Pontani *de Obedientia*: *Horum quidem librorum lectione omnino defraudati fuissetus, nisi Petrus Summontius vir tum ingenii, tum etiam doctrinæ excellens omnes fere ab interitu, & hominum oblivione vindicasset, diligentissimeque recognitos divulgasset*. Sed profecto gratulandum principum omnium Pontani operum in prorsus oratione editionem absolutam Venetiis fuisse in *edibus Aldi*, & *Andreae* socii mens. Jun. 1518. in 3. tom. in 8. distractam, qui mens. Feb. eopse anno nonnulla Joviani carmina, reliqua vero men. Aug. 1533. *heredes Aldi*, & *Andreae* publica luce donarunt unico volum. in 8. quod & Neap. factum fuit jam antea, an. 1505. curante Petro Summontio, præter *Uraniam*, *Meteora*, *Hortos Hesperidum*, & *Eclogas*. Idem Summontius in epist. ad *Ælium Syncerum* ibid. rationem affert, cur ea carmina non apposuerit: *Quo minus autem ab heroico initium fecerim, illud obstitit, quod Pontano auctore paullo ante ipsius obitum provinciam hanc Aldus Manutius, singularis, & doctrina, & diligentia vir susceperat, suis ut typis, quibus hanc ætate nostra imprimendi artem illustravit, divinam Uraniam, Meteora, Hortos Hesperidum, Eclogasque excuderet. Quod cum ita esset, nolui ego quasi testatoris violare voluntatem; cum præsertim audiam id nunc Venetiis agi a Manutio*.

(a) Petrus Summontius in epistola ad *Angelum Colotium Bassum* adnexa initio oper. de Immanitate: *Est mihi præterea in animo, cognito jam ubique Pontano nostro, atque ipsius fama extra omnes periculum posita, juvenileis quosdam ejus lusus, si Ælio nostro ita videbitur, in lucem proferre, quorum quidem supputuisse hominem illud declarat, quod ejus rei nullam, dum vixit, mentionem anquam fecerit. Hi sunt exquisiti quidam commentarioli in Valerium*
Ca-

teant , publicæ usuræ fiant . Selectas etiam alias lucubrationes cœptas , nec dum finitas reliquit , libellum nempe *de Mundi Sphæra* , in qua universæ astronomiæ institutiones nova quadam ratione explanaverat ; addas mirum opus *de Tempore* , quod paullo ante factum inchoaverat (a) . Ad hæc Jovianus non dumtaxat suis doctissimis , sapientiæque plenis scriptis de re literaria sedulo mereri optavit ; sed sagaci studio veterum scriptorum opera conquirere satagit , non sine uberi bonarum artium emolumento . Hinc ejus argutissimæ diligentæ accepta referimus , quæ Tiberius Donatus vetus grammaticus in Virgilii Maronis opera exaraverat ; atque Q. Rhemnii Palæmonis Vicentini *Artem Grammaticam* (b) . Demum tantum Pontano debent universi , quantum persolvere difficillimum est , qui quoniam ævo suo mutilum , & sat mendosum Catulli carminum exemplar repertum , pollenti ingenio suo illius damna reparavit , correxitque depravata tanta dignitate , ut merito perquam nitido epigrammate id laboris celebraverit Aëtius Syncerus (c) .

De-

Catullum , cujus illum constat juvenem studiosissimum fuisse . Quod si injuria mortuo fiat edendis iis , quæ ille contemnebat , quæque a viri gravitate aliena omnino videri possint , audacia hæc nostra legentium utilitate compensetur : sunt enim talia , ut neminem omnino ea legisse pœniteat .

(a) Idem in epist. ad Jacobum Sannazarium ibid. Non inseram his imperfecta alia ; nam libellum *de Mundi Sphæra* ab eo tibi promissum , ex quo tamquam gradum ad universam Astronomiam facturus erat , nova quadam ratione inchoatum reliquit . Omitto etiam mirum opus *de Tempore* , quod non multo ante inceptum scribentis e manu importuna mors extorsit .

(b) Apostolus Zenus in Voss. Dissert. pag. 179. tom. 2.

(c) Jacobus Sannazarus Eleg. XIII. lib. I. ad Jovianum *de emendatione Catulli* :

*Doctus ab Elysia redeat si valle Catullus ,
Ingratosque trahat Lesbia sola choros :*

Non

Demum non defuere, qui hunc ingentis nominis virum, omnium gentium, omnisque memoriæ celeberrimum carpere, ejusque famam pessumdare ausi sint: quidam sane immurmurarunt, se in libris *de Fortitudine, de Obedientia, de Splendore agre agnoscere posse, Christianus fuerit Pontanus, necne* (a), quando in hisce præsertim ipse curatissime & pietati, & religioni infervit, neque ullum in solens de ea verbum reperire est. Nonnulli etiam illum criminari haud ora erubere, quod non unas epigraphes per antiquas confinxisset, necnon formulam venditionis domunculæ tamquam veterrimam incerto nomine typis donasset, quæ incipit, *PASCUTIUS CAULITA* (b). Verum quis ferat. exstitisse homines animi in ipsum tam infesti, ac molestissimi, qui Pontanum ex bibliotheca Cassinensium Virorum quosdam Tullii libros in ea latitantes compilasse, inde parum in deterius immutatos pro suis publici fecisse juris jactarent (c)? sed hi in Joviani grande decus se certasse haud deprehenderunt, quippe ejus vis eloquentiæ

Non tam mendosi mærebit damna libelli,

Gestiet officio quam, Joviane, tuo.

Ille tibi amplexus, atque oscula grata referret,

Mallet, & hos numeros, quam meminisse suos.

Mirror Muretum *Comment. ad Catull. Epigr. I.* his verbis arguisse Jovianum: Pontanus in alieno opere tantum sibi permiserat, ut, quæ non probaret ipse, deleret, sua poneret.

(a) Vide Erasmus Roterdam. *Dial. Ciceron.* pag. 1019. tom. 1. Lugduni Batav. 1702.

(b) Antonius Augustinus *Dial. IX.* pag. 179. Antuerpiæ 1754. Adis Dialogum *Ælius* pag. 104. tom. 2. in eo Pontanus de *Pascutio Caulita* edisserit.

(c) Mariangelus Accursius, dum tuetur suas diatribas, quibus *Tessudo* nomen Romæ 1524. *Jovianum Pontanum*, inquit, quædam Ciceronis volumina in Cassinatis Montis non incelebri bibliotheca comperisse, quæ mox paulum (sed quod necesse fuit in deteriorem formam) commutata, ut ab se composita ediderit.

tiae pæne cum Tulliana contendit : ceterum ita fert litterarum ingenium, & conditio, ut, cum valde lucent, invidorum oculos offendant, & perstringant (a). Interea omnium nomine Petri Summontii verbis, qui interiores operum Pontani elegantias, & pretium noverat, illum salutandum reor : O præstantis ingenii & doctrinæ virum ! o de temporibus nostris optime meritum ! & per quem non invidemus antiquitati (b). Fuit enim revera Jovianus non horum temporum fœtus, sed tamquam revirescentis jam naturæ specimen, & in re litteraria quidam quasi heros (c). Utinam, quod omnes boni optant, postulavitque etiam Summontius, ut (Neapolitani) meritam CONCIVI TANTO more majorum STATUAM in celebri urbis loco ad perpetuum Reipublicæ nostræ decus omnino erigendam curarent (d).

(a) Quanti pretii sunt, & quam opportuna, quæ lusit carmina idem Accursius ibid. in simulacrum Virtutis, & Invidentiæ:

Quæ tu clara oculos, & jam longeva sacerdos ?

Virtus. Quæ comes est pallida, tristis, iners ?

Invidia. Ora quatit cur, & cava lumina torquet ?

Ut me conspexit livida, quod minor est.

Tu quo juncta modo simul es, temnisque venenum ?

Instat, non obstat laudibus Invidia.

(b) Petrus Summontius in epist. ad Franciscum Pudericum patricium Neap. apposita dialogo Actius tom. 2. post pag. 101.

(c) Idem in epist. ad Neapolitanos suos in initio Pontani oper. de Prudentia tom. 1. post pag. 146.

(d) Verba ex eadem epist. excerpta.



ACTII SINCERI SANNAZARII ELEG. IX. LIB. I.

DE STUDIIS SUIS,

ET LIBRIS JOVIANI PONTANI.

CUM NOTIS

PETRI ULAMINGII.

Qui primus patrios potuit liquisse penates,
Et maris, & longæ tædia ferre viz,

Quem

Non poterat præclarius laudari Jo-
annes Jovianus Pontanus, neque ejus
scripta accuratiore cura posteritati
commendari, quam in hac pulcerri-
ma elegia factum est a Sincero nostro;
quo autem plenius maximi viri fata
ac vitam pernoscatur lector, accedat e-
logium nobile, quod Pontano fecit
Paullus Jovius, *Jovianus*, inquit,
Pontanus, vir ad omne genus eloquen-
tia natus, Cereto Umbria oppido me-
tus profugiens, quod ibi pater a factio-
sis civibus esset interfectus, Neapolim
plane juvenis & inops contendit, ibi
enim liberali Alphonsi Regis studio, con-
dita bibliotheca, literas in honore esse
didicerat. Nec defuit honestus virtutis
locus, Antonio Panbormita eruditi in-
genii viro admirante. Is tum erant ex-
cellentis doctrina nomine Regii scrinii
magister. Aspiravit demum his cunctis
Fortuna, usque adeo benigne, ut Fer-
dinandi Regis castra secutus, in de-
morum Panbormita locum sufficeretur.
Unde illi mox honesta opes, sed obse-
quii fide ac merito, uti scripsit, infe-
riores, nisi ad optimi muneris proven-
tum Ariadna uxoris dotalis hereditas
acceffisset. Hac parva dignitate, libe-
riore veluti studio, Musas per omnes
numeros exercuit, tanta habilis ingenii
fecunditate, ut neque poetis, neque o-
ratoribus, qui tum maxima florent,
dignum secunda fama locum relinqueret.
Erat austero supercilio, & toto oris ha-
bitu subagressi: sed stylo, & sermone

perurbanus, cum sapissime vel in seriis
multo cum sale jocaretur. *Habitus ta-*
men est in omni censura, quanquam
absolute pius, supra aquum mordax,
vel eo quod non homines modo sibi no-
tos, sed gentium & urbium quoque o-
mnium mores acerba scribendi libertate
perstringeret, sicuti ex variis Dialogis,
Charonteque præsertim, intemperanter
offendit. Sed in pangendo carmine,
quam texenda prosa cuitior, atque su-
blimior multis videtur; quandoquidem
in historia non semper integra gravissi-
mi incessus dignitate, ab ejus muneris
disciplina deflexisse existimari possit,
quum postea ab Hesperidum Hortis ci-
triorum suavissimos odores spirant, at-
que inde divino carmine in altum eve-
latus, ad illa ipsa excelso ore decantata
fidera propius accesseris. Vixit annos
septuaginta septem. Fato autem summus
codem mense, quo Alexander Sextus
Pontifex vita excesserat; tumulatus est
in sacello ab se sepulcri causa extructo
e regione Davalorum domus, ubi elo-
gium ab se compositum in marmorea ta-
bula spectatur. Hæc Jovius: neque
eo inferiora Lilius Gregorius Gyrals-
dus Dial. 1. de Poëtis sui temporis:
Urania vero, Meteora, Hesperidum Hor-
ti, Ecloga, Epigrammata, Elegia, &
cetera Joviani Pontani Umbri carmi-
na, & quæ plurima pedestri oratione
scripsit, faciunt ut in his tabularum
imaginibus illum inter proceres commo-
norem, quin & cum omni fere anti-
qui-

Quem non mœsta domus, quem non revocare parentes,
 Non potuit fufis blanda puella comis:
 Impius, & scopulis, & duro robore natus, 5
 Atque inter tygres editus ille fuit.
 Non mihi circumſtat ſolidum præcordia ferrum,
 Nec riget in noſtro peſtore dura filex:
 Ut poſſim dulceſque lares, limenque puellæ
 Linquere, & ignoto quærere in orbe domum. 10
 Sed Phœbi ſacros cogor luſtrare reſſus,
 Vocalemque undam, Theſpiadumque choros:
 Ut fugiam nigras ſupremo in funere flammas,
 Et volitem populi doſta per ora mei:
 Meque inter claros attollat fama poëtas, 15
 Nec rapiat nomen nigra favilla meum:
 Et noſtro celebrata ſuperbiat umbra ſepulchro,
 Spernat & e Pariis marmora cæſa jugis:
 Non tamen ut magni tumulum tentare Maronis
 Audeat, aut tantum ſperet habere decus. 20
 Sed quis tam niveis vellat mea colla lacertis?
 Quis vetet optato membra fovere ſinu?
 An tanti fuerit ſacro Parnafus hiatu,
 Perque ſuas paſſim templa habitata Deas:

Ut

quitate conferam, tamctſi non idem, ut quibuſdam videtur, in omnibus præſtat: nonnunquam enim nimis laſcivire & vagari videtur, nec plane ubique ſele- gibus adſtringit. quod iis minus mirum videri poterit, qui illum ſciuerint in magnis Regum & Principum negotiis diu verſatum, & modo bellorum, modo pacis conditiones & ſœdera tractaſſe, non minus quam Phœbum & Muſas coluiſſe. Quis tamen eo plura? quis doctius? quis elegantius? quis denique abſolutius compoſuit? enucleatius? exqui- ſitus? & licet ejus quidam hoc tempo- re gloriæ parum equi ſint æſtimatores, non illis tamen ipſe concedam, ni me- liora vel ipſi fecerint, vel ab aliis facta at- tulerint, id quod ad hanc ipſe diem non vi- diſſe fateor. Joannes Pierius Valeria- nus, vir longe eruditiffimus, elegans

Pontano epitaphium ſcripſit, cujus ini- tium

*Scriptorum venerabilis Magiſter
 Pontanus cubat hic, &c.*

exſtat id libro poematum Pierii pri- mo, videndus Buchnerus T. 2. Orat. p. 358. Eſt & Baſilii Zanchii Meliſeus, ſive ecloga in ejus funere, haud ſane contemnenda, poemat. libro quinto. Habemus Italorum hominum elogia & judicia; qui vero his non acquieſcens liberioſiorem cenſuram deſiderat, adeat ille J. C. Scaligerum in Hypercritico, & Eraſmum noſtrum in Cicero- niano: homo enim fuit Pontanus. Nunc ad Sincerrum redeamus, & Pontani ſcripta per ſaturam recenſeamus, ſunt autem iſta.

Ut tibi sit nitidos lacrymis corrumpere ocellos ,
 Discessumque fleas , cara puella , meum ?
 Ah pereat , quicumque leveis sectatur honores ,
 Et sequitur famæ nomina vana suæ .
 Tecum ego nocturnis dubitem cessare choreis ?
 Tecum ego conspersa gaudia inire rosa ?
 Deductumque levi crinem perfundere amomo ?
 Et noctem insolitis ducere blanditiis ?
 Scilicet & Turcas Pontanus in æquora classes ,
 Alphonfi & fortes ducat in arma manus .
 Qui nunc nascentis canit incunabula mundi ,
 Aureaque æthereæ sydera fixa domo :
 Urque imbres , lapidesque pluant , ut nubibus ignes
 Exsiliant , falsas ut mare volvat aquas :
 Hesperidumque hortos , excussaue poma draconi ,
 Rusticaque ad primos munera missa toros ,
 Delicias , Lepidina , tuas , resonansque vicissim
 Pastorum argutis carmen arundinibus :
 Qualiter & fulvis radiet Sertorius armis ,
 Et Pompejanus prælia tentet eques :
 Audeat arguto neu quis contendere versu ,
 Ille vel æterno digna Marone sonat .
 Te pater irriguis audit Sebethus in antris ,

Jurgia

V. 35. *Qui nunc nascentis canit incunabula mundi, &c.*]
 Uranie libri quinque, sive de stellis ;
 Meteororum liber unus, heroico carmine decantati .

V. 39. *Hesperidumque hortos, excussaue poma draconi.*]
 de Hortis Hesperidum, sive de cultura citriorum libri duo, eodem versu,
 v. Fracastorius carm. 3. p. 273 .

V. 40. *Rusticaque ad prima munera missa toros,*
 DELICIAS, LEPIDINA, tuas, &c.]
 Lepidina, cujus septem pastorales pompæ, cum tribus diversis argumenti eclogis .

V. 43. *Qualiter & fulvis radiet SERTORIUS armis,*

Et POMPEJANUS prælia tentet eques .
 Bellum Sertorianum, quod grandi carmine cecinit Pontanus in dialogo, cui nomen Antonius .

V. 47. *Te PATER irriguis audit SEBETHUS in antris,*
 JURGIA ad ingratos dum jacis ipse foveres .] Amor libri duo, vario numerorum genere scripti, & Laurentio Miniato dicati . Sebethi autem vel præcipue hic mentio est, eo quod ultimam libri secundi elegiam, fictione jucunda atque eleganti, memoratur Sebethis conversio in fluvium .
 PATER SEBETHUS .] recte, fuit enim divinis honoribus cultus : Gruterus inscrip. xciv. 9 .

Jurgia ad ingratas dum jadis ipse fores :
 Inde vocas sacrum festas Hymenæon ad aras ,
 Oprati referens fœdera conjugii :
 Utque tuis primum surgens complexibus uxor ,
 Visa sit erepta virginitate queri .
 Felix , qui fidos expertus conjugis ignes ,
 Vidisti sobolis pignora certa tuæ :
 Næniolasque rudes cecinisti , & blanda parentis
 Oscula , & ad cunas murmura nata suas .
 Felix , excultum torfit quæ Fannia vatem ,
 Quæque illi regnum Cinnama subripuit .
 Quamvis diffidii leges pariantur amaras ,
 Spectabunt cineres nomen habere suos .
 Eridani post hæc sed te quis credat ad amnem
 Populea canas fronde ligasse comas ?

50

55

60

Et

P. MEVIUS. EUTYCHUS
 [EUTNYCUS Manut. Orthogr. p. 705.]
 AEDICULAM
 RESTITUIT. SEBETHO

Ex tabella marmorea Neapoli in fundamenti murorum eruta . De Sebetho . v. Bern. Tasso *lettera* 121. p. 100. b.

V. 49. *Inde vocas sacrum festa Hymenæon ad aras ,*

Oprati referens gaudia conjugii ;

Utque tuis primum surgens complexibus uxor

Visa sit erepta virginitate queri .]

Libri tres de Amore conjugali , quorum tertius filiarum Aureliæ & Eugenæ epithalaruia continet. Alluditur autem ad elegiam quartam lib. 1. cuius initium.

Qualis ab Herculeis surgens complexibus Hebe

Visa est erepta virginitate queri .

v. Pontanus lib. 111. de Obedientia p. 40.

V. 55. NANIOLASQUE rudes ceciniſti , & blanda parentis

OSCULA , & ad cunas murmura nata suas .]

Næniæ sunt duodecim , quæ vel ipso nomine quibusdam persuadeant , quam sint nugaces , & pueriles , sed vel in his ipsis admirari licet fœcundum non minus quam facundum summi viri ingenium , qui enim ita nugari potuerit , & blæſas , ac balbas nutricum blanditias referre tanto cum lepore , in hunc usque diem inventus est nemo. De Fannia quæ sequuntur , deque Cinnama pertinent ad Amores .

V. 61. ERIDANI posthac sed te quis credat ad amnem

POPULEA canas fronde ligasse comas ,

Et STELLAM cecinisse ? &c.]

Eridani nomen duobus elegiarum libris facit Pontanus , quibus celebravit amores Stellæ , mulieris Ferrariensis , e qua & filium sustulit , cuius tumulus cum epitaphio eleganti hodie quoque visitur Neapoli. *voyez M. Misson, voyage d'Italie* T. 1. p. 277. & *Sweertium Delic. orb. Cbrist.* p. 87. De hoc suo sacello ipse , ni fallor , Pontanus loquitur præfat. libb. de *Prudent.* p. 274. sq. ibidem. l. 31. p. 310. Præfat. lib. 2. p. 315. Præfat. Lib. 3. p. 338. sq. L. 5. p. 391. 423.

unde

Et Stellam cecinisse, atque impendisse querelas,

Spestandos cum jam vix daret illa pedes:

Bajanosque sinus, myrteraque cognita nymphis,

Claustraque sulphureis antra recurva jugis:

Tum superum laudem, mutisque incisa sepulcris

Nomina, collapsos & reparare rogos:

Denique Pindaricosque modos, resonantia plectra,

Et Methymnae fila novasse lyrae:

Cum tamen interea motus, atque agmina Regum,

Bella-

unde apparet ratio nominis ac tituli: est enim Ferraria ad ramum Padi minimum sita, qui dicitur *Pe morio*. Hos porro libros, ut & versus Sapphicos, non recepit ultimum auctoris manum jam olim monuit Petrus Summontius, cujus viri candorem nec mirari satis, nec commendare possum.

V. 65. *Bajanosque sinus, &c.*] duo Hendecasyllaborum libri, Bajarum titulo insignes, lepidi, molles, delicati, & quibus non unus Phalecium scriptor invidere possit. Id vero mihi ne credas, audi Scaligerum, censorem minime indulgentem, in *Hypercritis*. *Bajana carmina elegantia & lascivia provocant ipsa Catulliana, sunt enim quaedam supra illius aleam, plane accommodata illius ingenio redundantia, &c.*

V. 67. *Tum SUPERUM laudem, mutisque incisa sepulcris.*

Nomina.] Hymnorum liber, sive, ut Pontanus inscripsit, de Laudibus Divinis; quod recte reprehenditur a Scaligero, cum non doceat ibi quibus modis laudandus sit Deus, sed laudes ipsas canat. Pontanum interim primum fuisse usum elegiaco carmine in canendis hymnis observare te velim: cum ab antiquissimis non nisi hexametrum, quod & ipsum antiquissimum est carminis genus, fuerit adhibiturum, & sensum recessum ad lyram. Pios & Christianos multorum habemus. Excellunt, post veteres, M. Hieronymus Vida, Joannes Franciscus Ficus, Petrus Bembo, Joannes Aure-

lius Mutius, noster Sannazarius, M. Antonius Muretus, Franciscus Bencius, Salmonius Macrinus, Hercules Strozza, Georgius Fabricius, Berlicomius, alii. Quid autem sibi voluerit cum quatuor suis Hymnorum libris Michael Marullus, haud facile dixerim. Putes illum de novo tentasse paganismum introducere; nec immerito tam acrem super eo censuram instituit J. C. Scaliger. Sed haec sunt alterius loci. Sequuntur Pontani duo *Tumulorum* libri, in quibus multa quae ad istius aetatis historiam faciunt. Primus talis argumenti libellum edidit D. Magnus Aufonius, quem secuti e recentioribus plurimi, J. C. Scaliger, Joannes Secundus, Georgius Buchananus, Theodorus Beza, Nicolaus Grudius, Eobanus Hessus, Caspar Canrandus, Josephus Scaliger, & qui non?

V. 69. *Denique PINDARICOSQUE modos, &c.*] versus sunt sapphici, sed ab auctore non emendati, ideoque nec inter primos ponendi, dictum ad v. 61. Videtur autem Pontanus plures odas scripsisse, quae intercederint. Quid enim Pindarus commune habet cum lyra Lesbia?

V. 71. *Cum tamen interea motus, atque agmina REGUM,*

Bellaeque CAMPANAE discussa historia.]

Scriptit Pontanus *historiam belli Neapolitani*, quod Ferdinandus Aragonius cum Joanne Andegavensi gessit, sex libris. Singula autem rerum eventa non sama collegit, aut hinc illinc emen-

Bellaque Campanæ discitis historiæ.
 Quin & jucundo distringis sæcula morfu,
 Dum vaser in Stygio disputat amne Charon.
 Varronisque tui, Nigidique exempla secutus,
 Grammaticæ haud speras incipis ire vias.
 Carminis hic numeros nostris depromis ab ausis,
 Dignatus pueri verba referre senex.
 Quid loquar, ut sacros Mariani exhauriat amnes
 Ægidius, verum dum canit ore Deum?

75

80

Aut

emendicavit, sed omnibus fere interfuit ipse. Edidit, qui reliqua Pontani opera, Petrus Summontius, sed nondum omnino expolita, & uti ab ipso scriptore relicta invenerat; quod Paulus Jovius videtur ignorasse, dum inclementius paullo judicat de gravitate Pontani.

V. 73. *Dum vaser in Stygio disputat amne Charon.*] Tetigit hunc dialogum Jovius, nec immerito; sed si verum fateri volumus, ignoscendum erit Pontano, si quid liberius jocus fuerit. Vivebat ille sæculo dissolutissimo ac maledicentissimo, & si conferratur cum æqualibus suis, poterit profecto tanquam istius temporis Cato suspici: hanc ipsam quoque mordendi libidinem aliis magnis virtutibus redemit.

V. 75. *Varronisque tui, Nigidique exempla secutus Grammatica haud speras incipis ire vias.*

alluditur ad duos libros de *Aspiratione*, ad Marinum Tomacellum scriptos. Ceterum quamquam huc sit lectio omnium editionum Sannazarii, nullum tamen commodum sensum facit: & palam est *to haud* debere tolli. Hoc enim dicit Sincerus: Pontanum, virum in republica insignem, in literis prope unicum, post scriptam cum magna prudentiæ laude historiam, post elucubrata non omnis tantum carminis genera, sed & illa quæ proxime accederent ad majestatem Maronianam, tamen non esse dedignatum ad has grammaticorum minutas na-

nias descendere, & de *Aspiratione* aliquid commentari, &c. non enim poterat ignorare poeta noster illud Ulpiani apud Athenæum, Grammaticis, si medicos excipias, nihil esse stultius; neque nesciebat, quantopere Grammaticos infestatus sit poeta Ausonius, ut de Græcis epigrammatum scriptoribus nihil dicam.

V. 77. *Carminis hinc numeros nostris depromis ab ausis,*

Dignatus pueri verba referre senex.]

Alius dialogus est Pontani multa eruditione refertus, in quo inducit Aethium nostrum Sincerus de numericis poeticiis, deque legibus historiæ politissime ac scientissime differrentem.

V. 79. — *ut sacros MARIANI exhauriat amnes*

ÆGIDIUS, verum dum canit ore Deum, refer ad dialogum Pontani, cui titulus, *Ægidius*, a celeberrimo tum nominis eremita Augustiniano Ægidio, qui postea ordinis sui præfectus a Julio II. creatus est, Cardinalis autem a Leone decimo; insignis, & prope invidendum illi elogium posuit Paulus Jovius p. 103. mirifice extollens ejus peritiam linguarum, & sacræ theologiæ scientiam rarissimam, eloquentiam in habendis ac populum concionibus inusitatam, ac pene divinam, quæque ibi plura leguntur. Inter poetas Latinos & Etruscos numeratur a Lilio Gyraldo in secundo de poetis sui temporis dialogo. Vide & Pontanum in dedicatione libri de *Immanitate* ad Hier. Carbonem. Ægidii præceptor fuit Marianus, & ipse Augusti-

Aut apta ingratos taxet sub imagine mores,

Qui super infusas spernit Asellus aquas?

Te juvenesque, senesque colunt præcepta ferentem,

Parthenope spreto quæ Cicerone legit:

Ex adytis quicquid Divum sapientia pandit,

85

Et, Stagira, tui dogmata firma senis,

Quid deceat fortemque virum, quæ Principis artes,

Lar-

stinianus Eremita, sed discipulo eruditione interior. Ejus cum laude meminit in epistolis suis Politianus L. 4. Epist. 6. & Præfat. Miscellan. p. 490. Jovius in *Eloquiis*, Pontanus in *Ægidio*, & libro primo *Tumulorum*. Ipse porro *Ægidio*, quod pene exciderat prope-ranti, librum suum de *Luna* dedicavit Pontanus, cujus tamen, ob heredum incuriam, nonnisi exiguum fragmentum habemus, V. Pontanus Lib. III. de *Fortuna* p. 564. sqq. & de *Immanitate* p. 587. 615.

V. 81. Aut apta ingratos taxet sub imagine mores,

Qui super infusas spernit ASELLUS aquas.]

Asinus dialogus est Pontani, in quo fingit se quasi præ senio delirantem inimodico ac plane cæco cujusdam asini sui amore captum, illi rete e serico ad excludendos culices & muscas, illi ex argento tintinnabula parare, sudorem illi odorato citriorum liquore abluere, &c. in vero bellulus, ne non se asinum probeat, pedere, calcitrare, domini manum mordicus apprehensam tantum non præcindere, donec debito fustuario admonitus, & ad molas damnatus, bona tandem fide asinum se esse discat. Invehitur autem Pontanus in cujusdam noti hominis ingratitude, justamque indignationem, dum mandare literis cupit, eam fide hujus libelli condit. Pontani *Asinum* compilavit Trajanus Boccalinus Cent. 2. *Rogguagl.* 93. sed tamen asini ferocitate aliorum detorta.

V. 83. Te juvenesque, senesque colunt præcepta ferentem,

[Parthenope spreto quæ Cicerone legit.]
Huc pertinet insignis locus Marian-

geli Accursii, quem producit Vossius L. 3. de *Histor. Latinis*, Cap. 8. p. 549. Erasmus *Ciceron.* p. 272. Ne tam animosam sententiam veritatem præstare cogatur Sincerus noster, operæ pretium erit audire Pontanum ipsum, de consilio scriptorum suarum disserentem ad Hier. Carbonem, in dedicatione libri de *Immanitate*. Sic igitur ille: Quo autem scribendi consilium omne meum manifestum tibi pateat, sic habeto: de moribus apud Latinos scripsisse Ciceronem, qui id solum mihi secutus videtur, ut actiones, quæ & quas esse debeant, ostenderet summa cum eloquentia, cujus ipse facile habendus est & magister, & princeps. Ceterum definiendis virtutibus, explicandis eorum principiis, innumbrandisque imaginibus, nihil cum prorsus cura aut studii impendisse, ut *πρακτικὸς*, hoc est, activus tantum res visus sit velle edocere, ac completi, ac si Senatorii, Consularisque hoc tantum esset viri, munerisque dignioris, *θεωρητικὸς* autem res exsequi plebei cujuspiam hominis, ac tanquam in otio marcescens. Apud Græcos vero theoreticam hanc institutionem ita executum esse Aristotelem, uti activa ab disciplina omnino recesserit, etsi in illo edocendi genere maxime diligens ac consummatissimus apparet. Post Ciceronem e nostris Senecam multa quidem, maximeque visa hominum utilia, & commoda edidit: ceterum oratorio magis more exhortari ad virtutem, honestasque ad actiones legentem, quam ut quæ dicat contenderit certis ac sibi constantibus rationibus comprobare, aus de principiis ipsis acutius disputare & querere, multa tamen admirabiliter loqui, cohortarique acerrime ad bene vi-

M

ven-

Largificas præstet quæ dare dona manus :

Parendi leges quæ sint , legesque loquendi ,

Edat ut argutos lingua diserta sales :

90

Quid Fortuna homini , quid det Prudentia , quantum

Immanes animos incitus ardor agat :

Magnanimique viri quæ sint ad singula partes ,

Sive colat pacem , seu fera bella gerat .

Nec fugis astrorum causas aperire latenteis ,

95

Et Ptolemæi fata reposita poli .

Salve sancte senex , vatum quem rite parentem

Præfecit terris Delius Ausoniis .

Non te Lethææ carpent oblivia ripæ ,

Nec totum in cineres vertet avara dies .

100

Nec tibi plebejo ponetur in aggere bustum ,

Niliacis dabitur vincere Pyramidas .

Quid tibi viatrices expectas , Umbria , palmas ?

Mœnibus has patriæ rettulit ille mœæ .

Ille suis longum studiis , & laude fruatur :

105

Me juvet in dominæ consensuisse sinu .

videndum auditores , deterreque a vitiis : ut libri ejus , ut præcepta ab eo tradita , ut denique quæ ab illo in medium afferuntur exempla , stimuli sint quidam ad honeste agendum , civileque ac domesticos ad mores , actionesque vitæ totius sic administrandas , ut beate simul ac tranquille vitam hanc ducentes , felicitate quidem ipsa vel fruamur adepti , vel consequendam ad eam quam proxime accedamus . Nos igitur summos & imitatione dignos viros cum insuere-
mur , ab adolescentia usque id judicavimus , quod post executi etiam sumus , singulari esse laude dignum , plurimumque humano quoque generi collaturum , scriptisandis rebus moralibus tria hæc simul completi , ut cognitio principiorum ac virtutum ipsarum per definitio-
nes , speciesque suas , ac differentias , quod theoretica est contemplationis : ut practica exercitatio , ususque ipse vi-
vendi , idest , qui & quales actus ipsi esse debeant , ostenderetur : usque ad con-
firmandos animos & exempla adjunge-

rentur , & sententiæ auctoritatis plena , distaque ac facta clarissimorum virorum , nostraque dignorum imitatione atque observantis . Quod in libris ubique no-
stris , pro virili tamen , conati sumus assequi . Hæc de scopo suo Pontanus : potuisset tamen noster modestius , ma-
jorique cum veneratione loqui de Ci-
cerone , neque hoc , ut puto , ægre la-
tura fuisset posteritas . Quæ sequuntur , referenda sunt ad libros Pontani de
Fortitudine , de Principe , de Liberali-
tate , de Obedientia , de Sermonibus , de
Fortuna , de Prudentia , de Immanita-
te , de Magnanimitate , de Rebus Cæ-
lestibus , & in centum Sententiis Pro-
lemæi . Atque hæc quidem habui , quæ
notarem ad nobilissimam elegiam .
Nec tamen omittenda est insignis il-
la Sinceri in Pontani scripta pietas ,
quæ post illius obitum sopita atque
neglecta e tenebris primus in lucem ,
tum Francisci Ælii consilio , tum o-
pera Petri Summontii usus , revoca-
vit .



R Ecepi initio hujus libelli pag. 1. me typis daturum breve hoc litteratum monumentum inscriptum JOANNIS PONTANI VITÆ PARS, &c. quod nunc sane præsto, & quid de eo sentiendum sit, aperiā. Illud sibi curavit parens meus in patriarum rerum studio conquirendarum nemini secundus, careque servat: neque mihi parvo adjumento fuit, ut tanti viri vitam conscriberem. Nihil dubii est, quin negotium *στυχεύον* habendum, cum auctor ipse id testetur palam: at fetum esse Tristiani is continuo baud neget, qui cetera, quæ Caracciolus scripserat, numquam perlegit, cujus dicendi stylus sat limatior est, & cultior. Si vero in nominibus propriis semel, aut iterum oberrat, id acceptum lubens referam exscribentium incuriæ: atque si præposterus aliquando est ordo historiæ, quivis animadvertit in epistolis non semper servari: at de utraque culpa in adnotationibus te admonitum scias. Orthographiam, siue formulam recte scribendi, atque distinctionum signa ubique incustodita indolui, quæ oscitanti librario tribuenda, hinc restituenda curatum est. Ceterum mihi gaudeo, quod banc epistolam antehac ineditam prælo subjiciam, harumque rerum cultores æqui bonique facturos reor.

JOANNIS PONTANI

VITÆ BREVIS PARS

PER TRISTANUM CARACCIOLUM

DESCRIPTA.

Quis Joannes Pontanus fuerit, qui postea versus (a) occasione Jovianum se dici maluit. Cum primum ad nos accesserit, scire ex me desideras: propectum jam, & honestis muneribus fungentem, in scientiisque, & doctrina magnum, postque vero obitum maximum per te nosci (b), cum claritas, diligentiaque amicorum in operibus ejus imprimendis ea fuerit, ut

(a) Nomen commutatum ob Academiæ leges, vid. pag. 21.

(b) Reor hic desiderati, non ignoro, aut quid simile.

ut non modo , quæ ipse ediderat , sed longe plura hætenus ignorata eorum labor , & industria orbi omni Latina gaudenti lingua legenda , acceptandaque in auctoris gloriam diffeminaverint . Ego enim ingenue fateor de tanto viro plura , quam tu , per ætatem nosse , sed ea quæ (a) magnitudo doctrinæ , vitæque sequentis integritas , ut recordaremur effecit : quippe longe quidem Pontani clariora principia mox secuta ignavia oblitteravit (b) : etenim Romanas casulas (c) , arcus triumphales , prætoria quam (d) marmorea nobis noscendas dederunt . Venit ergo ad nos pene adolescens tenuissima in re a Perusio (e) , ubi exul rudimenta literarum didicerat , nam Ponto patria (f) , unde Pontanus (g) , in qua propter civiles discordias pater occiderat , diligentia matris ab adversæ factionis sævitia ereptus Perusio delituerat . Accessit ergo Alphonso Aragonio Rege primo spe , ut in aula tanti principis se augeret , quam & sua virtus , doctorumque amicitia non vanam fecerunt : nam ex quo appulit , noscendum se literarum amatoribus , & qui suffragari possent dedit . Erat tunc in primis Antonius Panhormita Regis historiarum , moralisque philosophiæ magister , qui doctissimus cum haberetur , doctos etiam alere , & provehere nitebatur : hic cum Pontani indole , & moribus , maximeque nugis , & versiculis , in quibus quantum futurus esset ostendebat , delectaretur , crebroque de illo , deque illius ingenio apud amicos mentionem faceret , venit ut Julius Fortis acciperet , vir quidem dapilis , & beneficus : erat enim fisci rationibus præpositus , & cum esset Siculus , ejusdemque Antonii conterraneus libenter illi credebatur : cujus persuasione accessitum ad se Pontanum (b) veste honestiori , victuque suæ mensæ liberaliori aliquandiu penes se detinuit : indeque Pontani nomen , utpote clari ingenii celebrari cœpit .

Itu-

(a) Vocula quæ redundat , vel reponas eaque .

(b) Sententiam hanc esse puto : In florenti fortuna Pontanum plerumque omnes laudibus prosecutos , in privata oblitos , neque ejus vivendi rationes scriptis mandasse ; sed Romanas antiquitates posteritati tradere studuisse .

(c) Vocabulum *casulas* divinet quisvis , non ego . Num potior vox *columnas* ?

(d) Ne hæreas reficere *prætorique* .

(e) Non Perusio , sed a patria pulsus : v. pag. 9. lit. [b] adnotat. hujus libelli .

(f) Nam *Pontus patria* . Confinigi etiam potest , non *Ponto patria* .

[g] Hallucinetur hic Caracciolus : hinc etiam a me in dicta pag. 1. litt. [a] , emendata vero invenies in fine hujus libelli .

[h] Fallitur etiam Pseudocaracciolus : vide pag. 11. litt. [a] .

Ituroque Panhormitæ oratori ad Venetos commodum visum est Pontanum secum ducere, qui omne per iter talem se per tulit, qualem postea cognovimus: præcipue tamen Florentiæ, ubi Colmus Medices vir sagax, & longa ætate, & experientia peritus de eo judicium prætulit. Forte enim, auditis quibusdam nugis a Pontano in Venetos editis, dixerit, si vita permiserit, illustrem illum eloquentia, & doctrina futurum. Reversus ergo a legatione cum oratore, apud quem, reliquumque comitatum eum se gesserat, ut carum, amandumque omnibus se præbuerit; & quocunque ibat, neminem doctorum infalutatum relinquebat, spem de se, quam postea præstitit, ubique seponens. Tot igitur suffragantibus meritis, tempestivum visum est amicis, quos non paucos, nec infimæ sortis homines sibi comparaverat, majoribus illum admoveere negotiis. Itaque in contubernium Maximi ab epistolis assisti curarunt. Erat enim tunc Antonius Ulcinus Celtiber longa ætate sui muneris callentissimus, Regique percarus. Hic, inspecta Pantani facie, auditoque sermone, benignissime admisit, moxque rescriptiones epistolarum, aliaque illi ministerio decencia injungere perseveravit, quæ eo modo exquebatur, ut perpaucci a scribarum collegio illum præirent; multos quoque in eodem officio antiquiores ipse præverteret: interea ad quod natura eum edidisse cognoscitur, omne tempus, quo ab epistolarum munere vacare dabatur, scribendo infumebat, carminum præcipue omne genus, prosasque etiam summa laude pertractans. Et jam cum admiratione audientium audiri, celebrarique cœperat. Confluebantque ad eum privato aliquo in loco poetas, historicosque enarrantem plerique decuriones, & nobilitatis principes viri. Cujus morum, & doctrinæ fama ad Alphonsum Regem cum pervenisset, bene consulere Domino Joanni (a) Navario ex fratre nepoti visum est, si virum talem insignem, moribus probatum ad illum instruendum, informandumque aptaret: ibi etsi majori in administratione eundem se gessit, quem solitus fuerat, erat qui & juvenis (b): & omnis familiæ curam gerebat Petrus Torilla vir severus & sui, ut
ajunt,

[a] Non Joanni, sed Carolo: vide pag. 15. litt. [a].

[b] Legendum fortasse: qui solitus fuerat, qui erat & juvenis.

ajunt, capitis, cum quo, & reliqua familia ita Pontanus degit, ut non modo amaretur, sed & cui plurimum deferretur; quoad, defuncto Alphonso Rege, Joannem Navarium ad patrem in Celtiberia morantem redire oportuit; inde ad epistolarum officium, quod interim non penitus deseruerat, remeans adeo attente studioseque agere cœpit, ut in pretio haberi cœperint privilegia, & epistolæ illius dictatæ ingenio, & scriptæ manu; in eo ministerio in adventum Hippolytæ Mariæ Calabriæ Ducis scribarum inter primos perseveraverit: ubi ab Antonello Petrucio a secretis principis multum illi delatum est; & rebus sensum, & eloquentiam poscentibus demandatum. Hæc meditans uxorem ducere in animum induxit, a quo hactenus abhorreretur: poscentibusque amicis, cur, quod diu obstinate obnuerat, nunc tam repente aggrederetur? respondit, ne iterum sub cura Joannis (puer is erat quem alebat) ægroret: duxit autem Ariadnam Saxonam (a) forma, & honestate egregiam: approbaverat enim Alphonso Rex mores, & doctrinam, quæ in contubernio Navarii nepotis olim Pontanus servaverat: cujus nutu Ferdinandus filius ab epistolis (b) & comitem Hippolytæ Mariæ nūruī, utpote jam probatum virum, adscribere curavit: ibi ut officio auctus, ita se solito majorem ostendit. Ecce perduxit tibi hominem ab iis, quæ forsan per ætatem ignorabas: deinceps omne ævum per te bene tenere reor: & quemadmodum maximus a secretis, in rebus bellicis consultor, oratorque ad principes, denique & paterfamilias extiterit: moribus & ea familiaritate, qua tecum vixit, notissimum esse non ambigimus.

[a] Adriane Saxonæ prosapia adnumerabatur inter patricos regionis *Porta nove*, ejusque curiæ adscripta, quam vulgo *sedile* dicimus. Fruebatur gentilitia sacra *Ædícula Apostolorum Petri & Pauli* nomine in sat illustri nostræ urbis loco, qui *piazza de' Campiani* appellabatur, ubi videre est stemma Gentis Saxonæ, *Engenius Nap. Sacr. pag. 443. Tutinus de orig. sedil. &c. pag. 102.*

[b] Fortasse Jovianus rector, & custos Hippolytæ renunciatus est, atque ab epistolis Ferdinandi I. Calabriæ Ducis: at ideo ejus viræ a me adjectum non est, quod ceteri scriptores id prorsus silentio præteriere; videtur etiam res adversus historiæ ordinem laborare.



DE Pontani sacra *Æde*, quæ opportuna visa sunt, dictum est pag. 42. & seqq. nunc ejus externam principem faciem ordinis genere *Romano*, vel ut ajunt *Composito*, exstructam, summa fide incisam, atque internas etiam partes cum hypogæo appingimus: quod monumentum ob tanti viri famam æternitati servandum. Altera facies externa ad orientem versa, in qua minor est janua, & tertia occidua arctiores, & quatuor pilis ornatæ ejusdem sunt ordinis, ac structuræ: quarta latior ad boream desideratur, eo quod templum proximo ædificio inhæret.

1. Janua princeps electis marmoribus, & anaglyphis ornata.
2. Lapis dedicationis, quam legas pag. 42.
3. Quatuor fenestras marmoribus cinctæ.
4. Octo apophtegmata relata pag. 42. & 43.
5. Marmor nuper adjectum cum hoc inscriptionis titulo:

CAROLI REGIS AUGUSTISSIMI PROVIDENTIA
RESTITUTUM AN. MDCCLIX.

6. Totius Templi fornix cum corona illud undique complectente.
7. Cenotaphium ex marmore cum ænea Pontani effigie mox apponendum cum hac epigraphe:

QUAM TU NOSSE CUPIS, VIVAX HEROIS IMAGO
PONTANI EST, HOSPES, CUNCTA TENES, ABEAS.

8. Ara ex marmore nuper erecta cum egregia Pontani dedicatione, antea supra ipsam aram, nunc in antica ejus parte sculpta:

TIBI DEVS OPTIME MAXIME ARAM HANC
IOVIANVS PONTANVS DEDICAT NEC TECVM PACISCITVR
VT SIBI LIBERIS POSTERISQVE SVIS BENEFAXIS
CVM IPSE VOLENS GRATVITO BENEFACIAS CVNCTIS
SED QVIA TIBI VNI AB OMNIBVS DEBEANTVR OMNIA.

9. Scrinium ad sacram supellestem servandam.
10. Paries, in quo non inegantes Mariæ V. & bini Jo. Evangelistæ, & Baptistæ imagines depictæ.
11. Introitus in Templum ab orientis plaga marmore cinctum.
12. Fenestra rotundior.
13. Paries, uti tres reliqui undique marmoribus vel ab ipso Pontano, vel ab Antiquis Græcæ, & Latine inscriptis decori.
14. Grande hypogæum etiam fornicatum.
15. Pars scalæ in ipsum deducantis.
16. Gradus altior undique hypogæum cingens.



In

In commune desiderium peccarem , si ternos hos reliquos Latinos sepulcrales titulos , quos elegans Pontani cura ex ruderibus tractos collegerat , Templique sui parietibus affixerat minime subjicerem .

I.

D. M
POMPONIS
CRESCENTI
RHENO DANWIO
NEPOTIBUS
ET EUPHRATI . PATRI
EORVM FILIO . HOMINI
SIMPLICISSIMO . POMP
RHENV . PATER . FECIT
QVI ME NON MERENTEM
PROCVRAVERVNT


II.

D. M
ALFIA MAXIMINA
IRILITIO SATVR
NINO COIVGI
ET SIBI LIBER
TIS LIBERTA
BVSQVE POSTE
RISQVE EORVM
III.


MAECENATIA ERVSA
VIXIT ANN. XV.

Brevissimum primum marmor , ac fere palmare inegantibus , ac minutis characteribus , & quibusdam simul adnexis , certa fide exscriptum , sententiam præfert satis turbatam : at nisi omnibus veritatis notis dives esset , fucatum crederes : negotium sane , quo exerceantur ingenia . Ambivisse veteres nomen & personis , & urbibus ipsis imponere a fluviis res trita : hinc habes propria nomina Eridanos , Mincios , Tiberios , &c. idque moris durare adhuc novimus . Lapis alter , cui non multa injuria facta est , paullo grandior , litteris aliquanto concinnioribus ; at tertius omnium minimus sculptus bonis elementis . Scias autem omnia isthæc vetustatis pignora ad Templi decus parietibus , & Græca ipsa cum interpretamentis inhærentia intueri est .





Pontani-Tempel. Pars externa.



Pulvis XX Neop.

Ant. De Sio del.

Pars Interna.

Fran. La Marra sculp.




JACOBI MARTORELLII

REGII GRÆCÆ LINGUÆ PROFESSORIS

IN GRÆCA, ET SAT MUTILA LATINA EPIGRAMMATA

EXERCITATIO.



ΤΟΝ ΠΑΣΗΣ ΑΡΕΤΗΣ ΕΙΔΗΜΟΝΑ ΦΩΤΑ ΦΙΛΙΠΠΟΝ
 ΠΡΕΣΒΥΤΝ, ΙΑΟΝΙΗΣ ΕΜΠΕΡΑΜΟΝ ΣΟΦΙΗΣ,
 ΑΥΣΟΝΙΩΝ ΥΠΑΤΟΥ ΠΑΤΕΡΑ ΚΑΤΤΟΝ ΑΝΤΙΓΟΝΟΙΟ
 ΘΡΕΨΕ ΜΑΚΗΔΟΝΙΗ, ΔΕΞΑΤΟ Δ' ΕΙΤΑΛΙΗ.

MVNERE LEGATI FVNCTVM VIRTVTE PHILIPPVM
 OMNIGENA, DOCTRINA INCLYTVM ET IONIA,
 CONSVLIS AVSONIAE ANTIGONI HAVD SINE SORTE
 PARENTEM
 NVTRIVIT MACEDO, NVNC TENET ITALIA.

*Exstat in Gruteri thes. 1098. 8. non uno eorum, qui ex-
 scripserant, errore scdum, qui Tillemontium deceperunt
 ajentem in Constantio 10. 4. pag. 343. edit. Ven. hoc epi-
 gramma meminisse Philippi consulis, cum consul sit Anti-
 gonus ex suffectis; quare in fastis Almeloveenii desideratur
 Antigonus. Hinc nemo unus ferat Tillemontium de hoc ele-
 gantis titulo invidiosas jactantem querimonias. Per sibi mul-
 tum veteres blandiebantur in marmoribus scalpere se in Jo-
 nica, uti in hoc Pontaniana Aedis, vel in Pitthagorica
 schola profecisse, vid. Gruteri thes. p. 950. 7. ubi de se fe-*

N

lix

lix quidam adolescens canit : Dogmata Pithagoræ sensi, studiumque sophorum ; Et libros legi, legi pia carmina HOMERI, &c. Pro libros accipias Iliada, & Odyssæam ; pro pia carmina, Hymnos : vel in Stoica schola, in eodem Grut. pag. 426. IO. L. IVNII RVSTICI PHILOSOPHI STOICI L. IVNIVS L. L. MYRINVS S. P. P.

Vox Iώνιος Homérica est, at ejus filii pæne universi in Iώνιος immutarunt, præter Lycophronem v. 989. licet ibi Seldenus legat Iώνας, non Iώνας, & Apollonium Rhodium lib. 1. v. 959. at novimus, quantum is ὠμείριζεν. Excipe etiam epigramma 4. Anthol. lib. 4. cap. 27. in quo est Iώνιος cum η, at alibi ostendam id carmen a Neapolitanis cusum, utpote Οὐμπικωτάτοις, & Homerastrum in hymn. in Apoll. v. 147. Miror D' Orvillium multa & docta more suo de πῖπτα hac Iώνιος edifferentem in Charitonem pagg. 533. & 676. non meminisse vocem Iώνιος. Advertas Statium nostratem, utpote in Græca urbe natum lib. 1. Theb. v. 476. usum Aona pro Ionium.

Vox ipsa EI· AONIHÇ a marmorario συγμῇ distracta, contraque orthographiam etiam scalptra adeo torsit Pigbium, & Sirmondum, ut tamquam fullones hunc pannum interpolaverint e suo promptuario desumentes τὸ K, atque τὸ EI eluerint, vid. Grut. hinc factum, ut lepida μεταρροφώσαι Philippus e philosopho sectæ Iæoniæ conversus sit in poetam. Si vocem φῶτα in interpretamento posthabitam videas, ea est Homericus lepos, qui sane Latine aritudo mæra: quare in Iliad. λ. v. 438. Barnesius apposit: Εὔχεται φῶτός] φῶτός, ἀρτί τῷ, αὐτῷ. Ætatem lapidis novisse datur, postquam scilicet consulis orientis, atque occidentis distinctio inducta est: eamque etiam ab ipsa characterum deformitate deprehendere est. Gratulandum Neapolitanis, quod tamdiu Græce vixerint, atque ævo litteris infesto tanti nitoris carmina pangerent, quodque viri bonefissimis magistratibus insignes, longe gentium nati Græcanicum nostrum, imo Atticum vivendi genus seligerent, quod multis deprædicat Strabo pag. 378. Demum gratiæ sint Pontani manibus, quod ea curate servavit.

ΕΝΘΑΔΕ ΤΗΝ ΙΕΡΑΝ ΚΕΦΑΛΗΝ ΚΑΤΑ ΓΑΙΑ ΚΑΛΥΠΤΕΙ
 ΑΝΔΡΩΝ ΗΡΩΩΝ ΚΟΣΜΗΤΟΡΑ ΘΕΙΟΝ ΑΛΚΕΙΒΙΑΔΗΝ
 ΑΥΡΗΛΙΑΤΑΛΑΝΤΗ
 ΙΔΙΩ ΠΑΤΡΩΝΙ
 ΚΑΛΩΣ ΒΕΒΙΩΚΟΤΙ
 ΕΠΟΗΣΕΝ

ΕΝΘΑΔΕ ΤΗΝ ΙΕΡΑΝ ΚΕΦΑΛΗΝ ΚΑΤΑ ΓΑΙΑ ΚΑΛΥΠΤΕΙ,
 ΑΝΔΡΩΝ ΗΡΩΩΝ ΚΟΣΜΗΤΟΡΑ ΘΕΙΟΝ,
 ΑΛΚΕΙΒΙΑΔΗΝ.

ΑΥΡΕΛΙΑ · ΑΤΑΛΑΝΤΗ
 ΙΔΙΩ ΠΑΤΡΩΝΙ
 ΚΑΛΩΣ ΒΕΒΙΩΚΟΤΙ
 ΕΠΟΗΣΕΝ.

PRAECLARI CAPITIS PIGNVS HIC TERRA RECONDIT,
 QVI FVIT HEROVIV DVX, ET DECVS ALMVIV,
 ALCIBIADEM.

AVRELIA ATALANTA
 PATRONO SVO,
 CVIVS VITA BENE ACTA EST,
 FECIT.

METRICA pars selectissimis ex Homero verbis concepta est, atque ab Petronio, Statio, Philostrato, aliisque celebratur schola Homericonaeapolitana. Versus alter, & tertius fulgent novo metri genere, quod Graecis sollemne, vide D' Orvillium in Vanno pagg. 186. & 247. ubi perquam apposite ait vir summus adjecisse veteres elegiaco carmini jambum pro pentametro etiam ob vocem Αλκιβιάδης. Praeterea consulas adnotat. in Scylacem pag. 17. Oxon. ubi ex Aristotele recitatur epigraphæ, in qua singulis hexametris subjiciuntur bini pentametri, qui sex versus antea corruptissimi-

prissimi sanantur: vide etiam Pausan. pag. 361. Lips. qui dat hexametrum, quem sequitur alter pede uno desertus, uti in nostro epigr. nisi mutilum recitaverit. At nemini ignotum reor binos hos versus esse περιβοντάς, cum & in Anthol. lib. 4. c. 25. epigr. 3. & in fin. vitæ Homeri Herodoto tributa sic essent:

Εὐθαδε τὴν ἱερὴν κεφαλὴν κατὰ γούνα καλύπτει,

Αἰδρωῶν ἥρώων κοσμητορὰ θεῖον Ὀμηρον.

At Neapolitani pro Ὀμηρον appinxere Ἀλκιβιάδην, adeo divini vatis amore, & sapientia incoctum eorum pectus erat: hinc jure colligas hunc Alcibiadem Neapoli denatum vel summum heroem, vel maximum poetam fuisse, qui eosdem in Homerum versus demeritus est.

Vocem πατρώϊ, quæ sat bona est, Leichius immutavit in πατρώϊ in Miscell. Lipsiens. & Elcedwodium Βεβιωκότι in βιωσάντι. Muratorius pag. 707. hoc distichon barbaricis temporibus confectum asserit: vide D' Orvillum ibid. p. 415. qui adstruit ἐπὶ ὅντι nil repugnare: at vir summus non vidit legendum ἐποίησε, nam prima linea τὴ H fungitur vice τὴ jota, sicuti in κοσμητορὰ ultima lineola τὴ M cum sequenti jota fingit H, quod genus compendii in lapidibus sollemne est.

BINA, quæ sequuntur lapidum fragmina in Templi instauratione reperta sunt, & haud jam pridem ad sternendos marmoribus gradus latissima culpa conscissa ac distracta, litterata facie solo conversa, quo lateret facinus. Idem nefandum lapidicidium in aliis titulis accidisse facile quis doleat, & irascatur, atque ab hoc duplici crimine plura discere est.


supplementum

fragmentum

diffecti marmoris exemplar

HIC QUIESCIT IN SOMNO
PACIS CYRIACVS VIRCLA
RISSIMVS MEDICVS CARVS
VNIVERSIS QUI VIXIT AN
NOS PLVS MINVS QVINQVA
GINTA OCTO MENSES DECE
MDIES NOVEM DEPOSITVS
EST POST DIEM IDVM IVNI

IN SOMNO
CVS VIRCLA
CVS CARVS
QVINQVA
GINTA OCTO
MENSES DECE
DEPOSITVS
MIDVM IVNI



Si nomina virorum propria excipias, ad legentium lubita immutanda, voces reliquas adjectas tum versuum comparatio, ac proportio, tum sententia ipsa copiose tutantur. Quid nisi tot MEDICVS syllaba CVS nobis statim offert in epigram. primo? In secundo nil ambigas de voce ARTEMISION, ibi siquidem hæc Neapolitana fratria degebat ex divite monumento apud Capacium in bist. pag. 75. quin & templum S. Mariæ majoris fuisse Artemidos sci- mus tam ex nostratibus scriptoribus, quam ex non unis rude- ribus, atque ex nomine, quod adhucdum audit via illa ætior propter idem templum, quæ ad boream tendit, via enim Lunæ salutatur. Quanti volumus, est hoc alterum fragmen- tum ob vocabula demarchus, & fretarchus, Græci patrii magistratus, & nunc primum ab Latiali nos marmore do- nati. Nil detractum iri novimus veterum civium majesta- ti, quod virum libertum demarchum creaverint; quando id genus hominum honestissimis muneribus fulsisse nullus neget: & nec ad externa provocandum, etenim Jul. Ti- berius Tarsus ἀτελεύτεpos, qui templum Dioscurorum, nunc D. Pauli Apost. edificavit, fuit Augusti procurator, Σεβαστὴ ἐπίτροπος, ut in epistyllo legebatur. Quanta maxima auctori- tate valuerint liberi, adi Paneg. Plin. circa fin. ejusque divi- tes commentarios. Utinam quis isthæc quatuor epigrammata longis & laboriosis commentariis mactet ad Neapolitani no- minis honestatem. Ceterum si qui huic παρακεχιδνευμένην bi- ni supplementi conjecturæ obrectaverint, utpote proclivis atque expediti, eis pacate succinendum, quod de se ait Valcke- naerius in adnotat. in Phœniss. pag. 552. In hac arte nihil dif- ficilius, quam id quod se dicturos omnes putant, postquam audierunt.

In

I N A E D E M

A B

JOVIANO PONTANO

VIRGINI MARIAE

E T

JOANNI EVANGELISTAE

NEAPOLI ERECTAM

C A R M E N

PHILIPPI D' ORVILLII AMSTAELODAMENSIS.

Hymettio, Pontanus, os fragrans thymo,
 Nec fabulosis una de Sirenibus
 Tuis, decorque primus, o Neapoli:
 Pontanus ille Virgini puerperae,
 Viroque, quartus enthea qui pagina
 Decantat Humanæ incolam formæ Deum,
 Aedem sacrarat, Caelitum dignam pari,
 Geniique testem & elegantis & pii:
 Atque hanc eandem sempiternam legerat
 In mansionem, sibi, suorumque ossibus
 Requiem futuram jure Manium ratus,
 Divûmque relligione non violabilem,
 Dum salva rectis cerneret de turribus
 Agris tremendum vortice igneo jugum.
 Non sic merentem vana spes imagine
 Dulci fefellit; nec ruinae proxima
 Labantis illud tecta spondent culminis,
 Parietve, campis paene pendent qualia
 Fauni facella, vel Dianæ rusticae:
 Foedi nec albo Numinum vultus situ,
 Vel ara spondet patrio ritu carens.
 Templum carere sartor aedituo tamen
 Negat, sacrato desidens qui limine

Pro-

PER LO TEMPIO

D A

GIOVIANO PONTANO

A NOSTRA DONNA

E D A

S. GIOVANNI VANGELISTA

ERETTO IN NAPOLI

TRADUZIONE

DEL MARCHESE SALVATORE SPIRITI.

Napoli, quel Pontan, che in bocca i favi
 Avea d' Imetto, e fu tuo pregio, ed una
 Non favolosa già di tue Sirene:
 Quel Pontano alla gran Vergine, e Madre,
 E a lui, che in Patmo dell' Eterno Verbo
 L' alto Mistero, e Vision descrisse,
 Nobil Tempio sacro proprio a tal coppia,
 Di sua pietade, e culto genio in segno:
 Deslindò questo istesso alle sue ceneri,
 Ed a quelle de' suoi perpetuo albergo,
 Sperando, ~~che per diritto de' Desanti,~~
 E per religion fosse inviolabile
 Insin, che salva tu dall' alte torri
 Rimirassi Vesevo, orror de' campi.
 Ma contra ogni suo merto ei fu deluso
 Da vana speme: e non prometton questo
 Le vicine a cader mura, che stanno,
 Quai de' rustici Dii ne' campi veggonsi
 Ognor le nicchie minacciar rovina;
 Sperar nol fan de' simulacri i volti
 Sfigurati, o l' altar di culto voto.
 Niega però mancar custode al Tempio
 Meschin sartor, che su la soglia affiso

Pro-

Profanat opère, & sentit efuriens deos.
 Araneosa num magis donaria
 Decent perestas inter a blattis togas,
 Vileſque pannos, praemia impurae manus?
 Velara quid quod his requirat janua
 Non ſerta florum, aut inſularum purpu-
 ram.

Quin, ut ſoles, (locine contices memor?)
 Age turpe, ſartor rauce, jaſta canticum,
 Hymno putabit ſe celebratum polus!
 Vae Vatis umbrae, ſi quid ab obitus die
 Sapis, ſuſurro vapulas quae tam fe-
 ro!

Polluta dudum ſed reliqueris loca,
 Ad littoris myrteta Campani evolans,
 Inter ſuas qua vivit Aëtius tuus
 Laudes, notisque ſculpta claris marmo-
 ra.

Quod ſi ſupremo, ſicut ille, codice
 Pinguem ſaginem nil opum tenacibus
 Cautus dediffes, ſqualor omnis abſoret,
 Ac ſolitudo, cymbalumque cum lyra,
 Fraſtaeque voces eviratorum Attidum
 Feſtis diebus perſonarent compita.

Non Zmirna talis in Ilii vatem fuit,
 Aut gloriae tor civitates aemulae;
 Sed Tempa, & Aras thure pingues maſculo,
 Statuaſque certavere civi ponere:
 Quin conditoris atque cuſtodis Dei
 Inſtar, colendos ultimis nepotibus,
 Vultus moneta dedicarunt in ſacra.

An barbararum turba picarum loquax
 Clius Latinae vicit argurum melos?
 Ac Maeſviorum tam ſeraci ſaeculo
 Coepit Maronum prima laus ſordescere?

Quare venuſtis urbibus venuſtior,
 O una tellus, quas ſinu gerit Itala!
 O grata ſedes Virginum choro novem!


Felix-

Profana il loco , e povertà n' ha in pena .
 Forse che i don votivi han miglior loco
 Fra vili panni da tignuole rosi ,
 Perchè offerti già fur da mano impura ?
 E di questi il sacro uscio or anche adorno
 Sprezza i ferti di fior , le bende , e gli ostri ?
 Deb via com' hai per uso , (o muto rendeti
 Del loco il sacro orror ?) deb via scavezza
 Qualche oscena canzona , o rauco sarto ,
 Che a par d' inno in sua lode al ciel sia grata !
 Abi del chiaro Poeta ombra infelice ,
 Da tal canto sferzata ! se rimanti
 Senso alcun dopo morte , la violata
 Sede abbandona , e del Campano lido
 Vanne fra' mirti ad abitar , là dove
 Vive al suon di sue lodi il tuo Sincero
 Tra scelti marmi , e di bei versi ornati .
 Che se Tu , come ei fece , ancor lasciavi
 Pingue retaggio in testamento , ad uso
 Di gente non ingorda ; il tuo bel Tempio
 Non si vedria or desolato e squallido ;
 Ma ne' giorni festivi a suon di lira
 Molli Eunuchi accordando il dolce canto ,
 Rifonar si udirebbe ogni contrada .
 Tal non si dimostrò col grande Omero
 Smirna , o tante città di emulo al vanto ;
 Ma d' erger gareggiaro al cittadino
 Templi , Statue , ed Altar ricchi d' incenso .
 Anzi , ond' ei fosse ognor da tutti i posteri
 Creduto Nume tutelar , ne impressero
 Anche in medaglie , avute sacre , il volto .
 Stuol di garrule piche ha forse vinta
 La melodia della Latina Musa ?
 O perchè questa età di Mevj abbonda ,
 La gloria de' Maroni è avuta a vile ?
 O fra quante città Italia accoglie
 Unica , e degna oltre le belle bella !
 O grata stanza alle Castalie Dive !

O

E d'alti

Felixque Mercurialium mater virum!
 (Caeli favorem non enim parvi facis,
 Nec fas piumve despicias mortalium,)
 Focis honores dentur oblitis sui,
 Aedesque cultu splendeat novo, neque
 Posthac senectam, te cavente, sentiat,
 Sacri per aevum fida custos pulveris.
 Id ore justo fama publica comprobet:
 Id ipsa debes, clara Parthenope, tibi,
 Te siqua privatae cura tangit gloriae;
 Viroque debes, mille qui dotes tuas
 Mirandus aeternavit eloquentiae
 Suada pedestris, & aureae simul fidis
 Potente plectro. Semper ipsa sic novis
 Phoebi perennes concinenda oloribus.



E d' alti ingegni avventurosa madre!
 (Giacchè i doni del ciel non prendi a gioco,
 Nè le pie de' mortali opre dispregi,)
 Rendasi al voto Altar l' onor dovuto,
 E di nuovo al bel Tempio il culto rieda,
 Nè provi d' ora in poi del tempo i danni,
 Vietandol tu, che le degne ossa accogli.
 Sia testimon di tua pietà la fama,
 Partenope, che tanto a te ben dei,
 Se di tuo proprio onor cura ti punge:
 E lo devi al grand' Uom, che i pregi tuoi
 In sermon sciolto, e con l' aurate fila
 Del sonoro suo plettro eterni rese.
 Così tu vinca ognor gli astri maligni,
 E cantino di te novelli Cigni.



Fatendum est me errasse in adnot. pag. 1. litt. (a) putan-
tem Trifstanum Caracciolum in MS. asseruisse majores
Joannis *Pontani* cognomentum nactus esse, quod patria pulsi
ob intestinum bellum Pontum confugerint; cum mens Tri-
stani sit Jovianum acquisivisse id cognominis, propterea
quod Ponto natus, *nam*, inquit, *Pontus patria, unde Pon-
tanus*: verum transversum ivisse Caracciolum satis constat;
etenim ipse Pontanus *Tumulor.* lib. II. pag. 3402. refert aviam
suam dictam Leonardam *Pontanam*: unde autem derivatum
sit hoc cognomen ipsemet Jovianus nos docuit in Dial. *An-
tonius* tom. 2. post. pag. 92.

..... *Tulit meritum primæ legionis honorem*

Pontius, a quo etiam deducta est Pontana propago.

Quisnam fuerit hic *Pontius* legionis ductor, familiæ fons &
origo, later; at certi sumus Jovianum haud fuisse hujus co-
gnominis principem.

Denique me sollerti cura usum, quo typographicis erro-
ribus occurrerem, vel ex eo noveris, quod in perquam pau-
cos inciderim, quique sunt præsertim in recitandis Pontani
verbis; at scias ejus operum exemplar nil curate in lucem
editum.

pag. 5. lin. 27.	Nulla	corr. Nella
pag. 6.	Hos	Has
pag. 78.	10. epigraphes	epigraphas.



Scriptus & in tergo, nec dum finitus Orestes.

Dum Cl. Martorellii exercitatio isthæc typis excud-
batur, ad me deferuntur Anonymi cujusdam doctæ
& laboriosæ animadversiones in priorem (*) Martorel-
lii exercitationem, quas, utpote quæ ad græcorum
epigrammatum sensum valde conducunt, hic ad-
nectere mea interesse putavi.

ANONYMI ANIMADVERSIONES.



*UM magna semper existit apud omnes opinio
de Cl. viro Jacobo Martorellio, & singularis
doctrinæ ejus commendatio; tum hoc præser-
tim tempore magnifice nostri homines de eodem
& loquuntur & sentiunt. Unus enim est per Urbem
Neapolim pervagatus sermo, una omnium illa est sen-
tentia, penitioris Martorellii litteraturæ radios, si
umquam alias, nunc quidem, velut in artum con-
clusos, micuisse vehementius. Marmora enim græca in
Sacello Joviani Pontani Musarum studiis cultissimi,
eruderando nuper reperta, atque ab eodem latine red-
dita; mutili tituli suæ integritati restituti tantam illi
mehercule conciliarunt existimationem, quantam ulli ho-
minum vix fas esset optare. Nam quicumque seu ad-
vena seu cives eruditi viri in illud Pontani Sacellum
inse-*

(*) Martorellius epigrammata isthæc exeunte anno 1759.
vulgavit cum brevi commentario. Anonymus animadversiones suas
edidit Romæ anno 1760. Posthæc Martorellius priori suo commen-
tario, qua perpoliendo, qua addendo, ultimam manum imposuit,
ut priorum ejus editionem cum posteriore hac, quam supra dedi-
mus, conferenti patebit. Hæc adnotasse, non inutile prorsus erat;
ne quis diceret, Anonymum frustra in Martorellium insurgere,
quod is novum metri genus in secundo græco epigrammate sibi vi-
dere visus sit. Nam quæ Martorellius opportune ea de re addidit,
in priore sua editione desiderantur.

inferunt pedes, vetustos illos titulos primum, ut par est, venerantur & suspiciunt; deinde ubi eosdem titulos in amplioribus tabulis marmoreis transcriptos, Martorellique tum vertentis tum restituentis nomine insignitos lustraverint, adeo tanti viri eruditionem, adeo sedulitatem prædicant, ut nihil accedere posse videatur.

Quamquam autem & ego eruditus, tam præclare de Martorellio sentientibus, libentissime adstipuler; tamen, ut verum fatear, novos quosdam, minutulos illos quidem, in Martorellianis interpretationibus deprehendere visus sum, quos singulos paucis infra persequar; non quod illi cupiam oppedere, sed quod mihi spes est fore, ut obortos in animo meo scrupulos sedulus aliquis scribendo evellat. Primum ergo marmor sic habet.

Marmor Vetus

T O N Π A C H C A P E
THC · ΕΙΔΗΜΟΝΑ · ΦΩΤΑ
ΦΙΛΙΠΠΟΝ · ΠΡΕΣΒΥΤΕΙ · ΑΟ
ΝΙΗC · ΕΝΠΕΡΑΜΟΝCΟΦΙΗC
ΑΥCΟΝΙΩΝ · ΤΠΑΤΟΤ · ΠΑΤΕΡΑ · ΚΑΤ
ΤΟΝ · ΑΝΤΙΓΟΝΟΙΟ · ΘΡΕΨΕΜΑΚΗ
ΔΟΝΙΗ · ΔΕΞΑΤΟ ΔΕΙΤΑΛΙΗ

Marmor

Novum

ΤΟΝ ΠΑΣΗΣ ΑΡΕΤΗΣ ΕΙΔΗΜΟΝΑ ΦΩΤΑ ΦΙΛΙΠΠΟΝ
ΠΡΕΣΒΥΤΗΝ, ΙΑΟΝΙΗΣ ΕΝΠΕΡΑΜΟΝ ΣΟΦΙΗΣ,
ΑΥΣΟΝΙΩΝ ΤΠΑΤΟΤ ΠΑΤΕΡΑ ΚΑΤΤΟΝ ΑΝΤΙΓΟΝΟΙΟ
ΘΡΕΨΕ ΜΑΚΗΔΟΝΙΗ, ΔΕΞΑΤΟ Δ' ΕΙΤΑΛΙΗ.

MVNERE LEGATI FVNCTVM VIRTUTE PHILIPPVM
OMNIGENA, DOCTRINA INCLYTVM ET IONIA,
CONSVLIS AVSONIAE ANTIGONI HAVD SINE SORTЕ PARENTEM
NVTRIVIT MACEDO, NVNC TENET ITALIA.

INTERPRETAMENTUM JAC. MARTORELLII REG. GR. LING. PROF.

VERS.

VERS. 2. Πρέσβυ. Non video, cur πρέσβυ interpretemur Munere Legati functum, ut Cl. Martorellius vertit. Nam cuicumodi legatus Pilippus ille fuerit, certe auctor epigrammatis uno saltem verbo mutire debuit; nec commutere, ut honorifica Philippi legatio posteros lateret. Quanti tandem laboris erat addere Legatum Cæsaris, vel tale aliquid? Præterea quis, rogo, paulum in græcis litteris versatus ignoret, πρέσβυ cum τῷ T in ultima non Legatum (qui Græcis est πρέσβις cum Jota) notare, sed Senem? Scio quid fortasse Martorellio imposuerit. Legerat is in nuperis quibusdam lexicis, quæ vulgo scholarum usus commendat, nempe Joannis Scapula, & quæ inde derivata sunt, sub themate πρέσβυ utramque statui significationem & Legati & Senis; idcirco ut titulo non vulgari Philip-pum honestaret, τὸ Πρέσβυ interpretatus est Legatum, spreta scilicet altera Senis notione, quam fortasse vilio-riorem credidit. At, nisi fallor, Senem quam Legatum ille maluisset, si exempla Scapula aliorumque suis ipse oculis lustravisset. Et sane τὸ πρέσβευς, quod in notione Legati ex Aristophane laudat Scapula, non ex πρέσβυς, sed utique ex πρέσβις repetendum docet Suidas. En verba Suidæ: Πρέσβις, πρέσβευς οὐχὶ δὲ ἀπὸ τῆς πρέσβυς εὐθείας. οἱ γὰρ λέγοντες ἀμαρτάνουσι. *b. e.* Πρέσβις (Legatus format genitivum) Πρέσβευς Is autem non est a recto Πρέσβυς. Qui enim hoc dicunt, errant. Suidæ adde Etymologum Magnum; quorum testimoniis temere abusus est Scapula. Πρέσβις, ὁ ἐκπεμπόμενος πρὸς βασιλέα πρέσβευς πρέσβις. *b. e.* Πρέσβις Legatus ad Regem missus in plurali habet Πρέσβεις, Πρέσβις. Itaque Πρέσβις cum Jota in ultima Legatus est Suidæ & Etymologo. At vero Πρέσβυς cum T nonnisi Senem notat.

Hesyl.

Hesychius: Πρέσβυς, γέρον, Senex. *Etymologus*: Πρέσβυς, ὁ γεραίός . . . κλίνεται Πρέσβυος & Πρέσβεως. Πρέσβυς, Senex . . . habet genitivum calum Πρέσβυος & Πρέσβεως. Cum autem & Πρέσβις & Πρέσβυς in plurisque casibus convenient; inde est, quod Πρέσβεως in plurali numero sint *Hesychio* & *Etymologo* Γέροντες & Πρεσβευταί, Senes & Legati: nimirum quia utraque vox, cum formet casum patrium Πρέσβεως, in plurali habet Πρέσβεως. Hoc in more positum veteribus lexicographis fuit, ut si quæ voces sono & scriptura convenirent, tametsi notione discrepant, sub harum alterutra diversas significantias exhiberent. *Hesychius*: HION ἐπορευόμεν, & γνάθον. Ivi, & maxillam. OIS πρόβατον, ἢ τοῖς ἑαυτοῦ, ἢ τοῖς σοῖς, Ovis, vel suis, vel tuis. OIZON κόμιστον, φέρε ἢ σχοινίον. duc, fer, vel funis. OIΩ, δοκῶ, μόνω. puto, soli. Sunt & sexcenta id genus alia, in quibus sub una eademque voce dissimillimæ connectuntur significationes, quæ a diverso schemate repetendæ sunt. Eodem prorsus pacto cum Πρέσβις & Πρέσβυς in plurali numero adeo convenirent, ut una eademque vox esse videretur; liberum *Etymologo*, *Hesychio*que fuit sub unum τοῦ Πρέσβεως sonum diversas Legati & Senis significationes cogere. Quam veterum Lexicographorum consuetudinem cum non advertissent *Tusanus*, *Constantinus*, *Scapula*, *Schrevelius*, aliique, utramque notionem cum utroque vocabulo communicarunt, sed sine testibus, ac tabulis. Sed illuc unde abii, redeo: Πρέσβυς, & πρέσβις in plurisque casibus amice conspirant; est tamen, ubi utraque vox, oborto veluti dissidio, diversas ineunt vias; exempli caussa in accusativo Πρέσβις Legatus format πρέσβιν. *Theophylactus Simoc. epist. 20.* & τὸν πρέσβιν ὡς ἀπαίσιον ἄγγελον ἀπεπέμψατο, Legatum ut inau-

spi-

spicatum nuntium remisit. *At Πρέσβυς Senex habet in accusativo Πρέσβυν per Υ.* In *Antolog.* iv. cap. xxvii. n. 15. Πρέσβυν Ἀνακρεόντη, Senem Anacreontem. *Ibidem lib. v. num. 108.* πρέσβυν ἐν ἡβήοις, Senem in juvenibus. *Eaque vox nec usquam in notione Legati comparer; nec repertus est adhuc, qui πρέσβυν alicubi sit Legatum interpretatus, si Martorellium excipias, qui nuperis quibusdam lexicis plus aquo fidens, veterum Scriptorum scrinia excutere neglexit. Urinam in nuperis lexicis carcinomata hæc, ὅ id genus alia ad rectam adolescentum institutionem manu medica recidantur!*

IBID. In vetusto marmore sic scalpitur: ΠΡΕΣ-
ΒΥΝΕΙ. ΑΟΝΙΗΣ ὅc. Cur Martorellius tantum
sibi licere credidit, ut in recentiore marmore ΠΡΕ-
ΣΒΥΝ ΙΑΟΝΙΗΣ recuderet? Ergo τὸ Ε quo exula-
vit? Enimvero vertisset Cl. Martorellius τὸν πρέσβυν,
prout ei libitum fuisset; creasset Philippum Legatum,
fecisset ædilem (ὅ quidem melius; Hesychio enim
πρέσβυς est quoque Ἀγοράνομος, ædilis) modo a ve-
teri scriptura, quam omnes sartam rectam volunt, vio-
lentas manus abstinuisse. ~~Ceterum si errorem quadra-~~
tarii in hoc loco cubare credidit, cur pro τῷ ΕΙ quam
minima mutatione ΕΠ non legit? Vel propius ad fi-
dem marmoris ΕΤ' pro integro ἐν, ad hæc, præterea?
ut versus sic incederet: Πρέσβυν ἐν Αοίνῃ ἐπὶ τῶν
σοφῶν. Nam si Σοφία hic ea est, quæ Philosophia
dicitur, quid attinuit addere τὸ Ιαοίνῃ? An ut cer-
rior fieret populus, id curans scilicet, Philippum non
ex secta Italica, sed Ionica prodiisse? Profecto ludi-
brium deberet auctor nostri epigrammatis, in id sedu-
lus, quod in brevissimo præsertim carmine impune o-
missi poterat. Vide sis inscriptionem græcam apud Rei-
nesium

nesium in *Append. omifs. num. 47. ubi quidam Oceanus laudatur πάσης ἐνπέραμος σοφίης*. An sedulo hic etiam inquirendum nobis est, ex qua secta prodierit Oceanus, Italica ne, an Ionica, an in utraque suum professus fuerit nomen? Ergo σοφία quidvis aliud in nostro marmore, quam Philolophiam notat. Hesychius: Σοφία πᾶσα τέχνη, καὶ ἐπιστήμη. Quævis ars, ac scientia Σοφία dicitur. Calliope in Antholog. I. in Poët. dicitur invenisse Σοφίην, *b. e.* artem componendi carminis heroici. In quadam veteri inscriptione Nicomedis apud Octavium Falconerium ἐνπάλαιμος Σοφίη est ars statuaria. Quamobrem sicuti in Antholog. II. cap. 22. quidam Callignotus medicus dicitur Παιωνίης πληθύνειος σοφίης, Pæonia plenus arte, *b. e.* arte medica, ducta nomenclatione a Pæone medico; sic in nostro epigrammate Ἀωνίη σοφίη est ars Poëtica, mutato nomine ab Aonia Bæotia regione; unde ipsæ Musæ Aonides dictæ sunt. Tralaticium porro est, atque apud Poëtas passim obtinet, ut artes vel ab auctoribus suis, vel ab iis, qui supra ceteros in sua quisque professione excelluerunt, cognomina sibi pariant. Ars Medica, quam modo Παιωνίδα σοφίην vocatam in Antholog. vidimus, ibidem lib. IV. cap. 19. ποδαλκείη τέχνη dicitur, utique a Podalirio Æsculapii filio. Tiresias Vates describitur ab Ovidio in Ibin v. 264.

. . . . Apollinea clarus in arte Senex.

ubi Ars Apollinea est divinandi peritia, qua se vates ab Apolline donatum testatur apud Horatium II. Satyr. v. Ab Ovidio non longe abis sententia pentametri nostri epigrammatis; πρέσβυς ἐτ' Ἀωίης ἐνπέραμος σοφίης; *b. e.* Senem in Aonia quoque exercitatum arte; ubi Ἀωνίη σοφίη erit Poëtice, seu ars Musarum, quibus Poëtæ sua carmina accepta referebant. Imo Poë-

ticen,

ticen, quam eleganter Synesius σοφιστικόν, *b. e.* contubernalem Philosophiae facit, passim dictam esse Zoëny pluribus, si id agerem, suadere possem; usque adeo, ut Scholiastes Pindari ad Isthm. Od. v. sic commentetur: Σοφὸς ἔλεγεν τοὺς ποιητὰς, Poëtas vocabant Sapientes: nimirum quod ii soli sapere videbantur, si qui in arte poetica rite versarentur. Atque ea quidem in Poëtica Philippi commendatio impulit, opinor, Pontanum, ut vetustum hunc titulum inferret in suam adiculam; nempe ut uno sub tecto degerent olim, quorum animos studiorum conjunctione pares idem poeticae spiritus afflaverat. Fuit sane Jovianus in veterum cultura nimius. Nam ut de brachio T. Livii Patavini, quod in suum sacellum comportasse ipse sibi videbatur (condonanda autem isthæc nimis facilis credulitas homini colligendis litteratorum reliquiis incitatissimo) ut de eo, inquam, taceam, Alcibiadem, de quo ibidem prostat græca inscriptio, in litteris humanioribus fuisse versatum, non levibus indiciis suadere possem. Jamvero nostro epigrammati, de quo hactenus locuti sumus, inde majus irrogabitur presium, quod nobis Antigonum Consulem reservavit. ~~Antigonus, inquam,~~ Consul fuit, non vero Philippus ejus pater; ut perperam quis ex Jano Grutero in Append. Magistr. p. Mxcviii. 8. & ex Casare Capacio Antiquit. Neapol. cap. x. colligere posset: qui cum præter cetera in eo peccant, quod ΤΠΑΤΟΝ ΠΑΤΕΡΑ pro ΤΠΑΤΟΥ ΠΑΤΕΡΑ, scribunt; tum uterque, Janus, quod dubitarit scripturam hujus epigrammatis esse vix antiquam, Casar, quod Philip-pum Consulem Neapolitanorum fecerit, ingentes turbas cient. Meum autem hic non est, ut hæc lites pro dignitate componam; quidquid enim modo prolusi, id amenon nisi animadversiones in Martorellianam interpretationem

nem extorserunt. *Quae quidem interpretatio cum mihi omnino non probetur, mei officii partes esse reor, novam ab inchoato recudere, hac repetita genuina marmoris lectione:*

Τὸν πάσης ἀρετῆς εἰδημονα φῶτα Φίλιππον

Πρέσβυν ἔτ' Αἰονίης ἐνπέραμον σοφίης.

Αὐτοσίῳ ὑπάτου πατέρα κλυτὸν Ἀνργόνοιο

Θρέψε Μακεδονίῃ, δέξατο δ' Εἰταλίῃ.

Cunctarum virtutum heros hic ille Philippus

Cultor, & Aonia doctus in arte Senex;

Consulis Aufonidum Antigoni pater inclytus; ortum

Æmathia huic, sedem præbuit Italia.

Ut φῶτα verterem heroa, fecit Homerus, qui Iliad. Δ. Machaonem vers. 194. φῶτα, mox vers. 200. ἦρωα salutat, tum maxime, quod ἐμπατικῶς dicatur, licet haud ignorem simpliciter usurpavi aliquando pro viro, vel etiam homine, ut Callim. in Cer. v. 46.

.... κακὸν καὶ ἀναιδέα φῶτα.

Macedonia in hoc epigrammate secundam producit: Ὁ recte quidem. Iis, quæ Berkelius adnotat ad Stephanum in v. Μακεδονίῃ, adde duplex epigramma apud Pausaniam l. 13. Ὁ vii. 8. ubi Macedonia Ὁ Macedones secundam habent productam. Eandem Ὁ producit Callimachus hymno in Del. v. 167.

Ἰξεται οὐκ αἰέκουσα Μακεδόνι κοιναιέσθαι.

In ultimo pentametro sic scalpitur in marmore litteris confertis: ΔΕΙΤΑΛΙΗ. Cl. Martorellius Δ' Εἰταλίῃ legit. Factum non improbo. Jota enim longum sapissime cum diphtongo EI alternat. Ceterum potuisset impune legi ΔΕ Ιταλίῃ pro consueto Latinorum more, litteras adscribentium, quas in carminis dimensione συνεκφώνησις suffragatur. Cujusmodi versus est ille Poetae Odys. x. 227.

Βουκόλ' ἐπεὶ οὐτε κακῶ, οὐτ' ἄφροιν φωνῇ εἰκας.
Verum hac hactenus. Ad alterum gratum epigramma accedamus.

Mar-

Marmor Versus.

ΕΝΘΑΔΕ ΤΗΝ ΙΕΡΑΝ ΚΕΦΑΛΗΝ
 ΔΗΝΚΑΤΑΓΑΙΑΚΑΛΤΠΤΕΙ
 ΑΝΔΡΩΝ ΗΡΩΩΝ ΚΟΣΜΗΤΟΡΑ
 ΘΕΙΟΝ ΑΛΚΕΙΒΙΑΔΗΝ
 ΑΤΡΕΑ . ΑΤΑΛΑΝΤΗ
 ΙΔΙΩ ΠΑΤΡΩΝΙ
 ΚΑΛΩΣ ΒΕΒΙΩΚΟΤΙ
 ΕΠΟΗΣΕΝ

*Marmor**Novum*

ΕΝΘΑΔΕ ΤΗΝ ΙΕΡΑΝ ΚΕΦΑΛΗΝ ΚΑΤΑ ΓΑΙΑ ΚΑΛΤΠΤΕΙ,
 ΑΝΔΡΩΝ ΗΡΩΩΝ ΚΟΣΜΗΤΟΡΑ ΘΕΙΟΝ,
 ΑΛΚΕΙΒΙΑΔΗΝ.
 ΑΤΡΕΑ . ΑΤΑΛΑΝΤΗ
 ΙΔΙΩ ΠΑΤΡΩΝΙ
 ΚΑΛΩΣ ΒΕΒΙΩΚΟΤΙ
 ΕΠΟΙΗΣΕΝ.

PRAECLARI CAPITIS PIGNVS HIC TERRA RECONDIT
 QVI FVIT HEROVM DVX, ET DECVS ALMVV,
 ALCIBIADEM.
 AVRELIA ATALANTA
 PATRONO SVO
 CVIVS VITA BENE ACTA EST
 FECIT.

JAC. MARTORELLIVS LATINE VERTIT. PRIMI TRES VERSUS
 NOVO METRI GENERE CONCEPTI SUNT.

*Hanc inscriptionem recitant Gruterus p. MLXXXIX.
 4. O Capacius Antiq. Neap. cap. xxii. num. x. Epi-
 gramma est erroribus sculptoris inquinatum, perspicui-
 tate tamen sua mirifice se se commendat; nisi quod
 mihi salivam movit Cl. Martorellius in subscriptione
 novi marmoris inquam: Primi tres versi novo metri
 gene-*

genere concepti sunt . *Qui sint* primi tres versus ex recensione Martorellii , libeat hic propius intueri :

Εὐθαδε τὴν ἱερὰν κεφαλὴν κατὰ γαῖα καλύπτει

Ἀνδρῶν ἠρώων κοσμήτορα θεῖον

Ἀλκιβιάδην .

In inscriptionibus Gruteri , Reinesii , aliorumque occurrunt epigrammata , in quibus nec idem ordo semper sibi constat , nec structura eadem . In Auctore mirabilium Auscult. legi hexasticon , ubi singulis hexametris bini pentametri interseruntur : at contra in Vita L. Paul. Æmil. epigramma Plutarchus profert , in quo pentameter unus cum tribus continuis hexametris copulatur . Apud Hephæstionem in Enchiridio (edit. Trajecti ad Rh. pag. 4.) Parthenius poeta elegiacus , cum Archelaidi in suo carmine elego locus esse non posset , callide hexametro jambum subiecit : eodem artificio usus est Ibid. pag. 9. Critias poeta in nomine Alcibiadis . Recitatur apud eundem Hephæstionem pag. 64. epigramma Simonidis , quod tres versus non excedit ; quorum primus hexameter est , quem excipit pentameter ; tertius est jambus . Versum jambum pro pentametro legere est apud Aringhū lib. iv. Rom. Subter. cap. 20. quem temere Reinesius Cl. xvii. Inscript. 147. mutato nomine Φιλοῖν cum τῷ Φῆλῃ in pentametrum Marte suo recudit . Verum in his exemplis , quae sane plurima afferre possem , si quis novum metri genus se reperire dixerit , haud magnopere repugnaverim . Quidquid enim id est & quocumque nomine censeatur , recte metrum esse dicetur , quum metricis legibus contineatur .

At in nostro Alcibiadis titulo , quid monstri sit hoc novum metri genus Martorellianum adhuc investigare non potui . An dicemus poetam hic affectasse Dithyrambicam audaciam , quæ certam legem numerorum indi-

indignatur, an potius illum imitatum esse quorumdam antiquiorum in condendis inscriptionibus liberam versificandi licentiam? Et sane apud Pausaniam legi hos binos metricos titulos, lib. v. cap. xix.

Τυνδαρίδα Ελένω φέρετον, Αἴθρῳ δ' Αἰθέραθεν
Εἴλετον.

Οἱ *ibid.* cap. xxvii.

Φόρμῳ ἀνήθηκεν

Αῤκαῖς Μυναῖλιος, νῦν δὲ Συρακόσιος :

quorum primus in fine redundat, alter initio peccat. Itaque cum Pausanias de hoc altero epigrammate scribat, partem priorem (ὅν σὺν μέτρῳ) esse sine metro; facile in hanc sententiam descendi, auctorem nostri epigrammatis, non consulto; sed negligentia id carminis effudisse, quod rectius ἀμετρον, quam ἑμμετρον cum Martorellio, decantaveris. Atque hac opinio mihi videbatur satis probabilis; verebar tamen ut ceteris omnino satisfaceret. Dum in his eram, commode incidi in pulcherrimum epigramma, quod mihi ultra quaerendi finem fecit. Id epigramma sic habet:

Εὐθαδε τὴν ἱερὴν κεφαλὴν κατὰ γαῖαν καλύπτει

Αἰδρῶν ἡρώων κοσμήτορα θεῶν Ὀμηρον.

Condit humus caput hæc sacrum, qui versibus arma
Fortia divinis heroum ornavit, Homerum.

Id elogium inscriptum fertur sepulcro Homeri in Insula Io, legiturque apud vetustissimum auctorem De vita Homeri, qui sub Herodori nomine circumfertur: præterea prostat in Antbologia lib. ii. in Poët. 3. Quæ cum ita sint; ecquis porro dubitare quiverit, quin auctor nostri epigrammatis, cum nihil e penore suo promere posset, quod pro dignitate scalperetur in marmore, ipsissimum Homeri epitaphium exscripserit? nisi quod pro Ὀμηρον inepte supposuit Αἰλευβιάδην, nihil pensi ducens,

ducens, se in metricæ artis canones offendere. Atque auctor is, qui ut plagiarius, atque alienorum laborum expilator traducendus erat, nostra hac ætate laudem consecutus est apud virum Græca Latinaque litteratura cultissimum Jac. Martorellium, qui versus hos ex parte male confutos novo metri genere FULGERE somniavit; O quod magis ridiculum est, ait in sua horum epigrammatum editione, conceptos esse selectissimis ex Homero verbis, eo quod Neapoli fuerit schola Homericoneapolitana; quam Neapoli fuisse unquam utinam aliquando deslerat!

Die 1. mensis Septembris 1761.

REIMPRIMATUR

FRAGGIANNI

Carulli.



784031

